

# **Ditzionarièddu Giurìdicu e Aministrativu**

**Proposta sperimentali**

**Ufitziu de sa lingua sarda de su Comunu de Cabuderra  
Progetu Làcanas e Camineras  
Annu 2023**

**Scritu cunforma a is *Arrègulas po ortografia, fonètica, morfologia e fueddàriu de sa norma  
Campidanesa de sa Lingua Sarda*, bessidas in su 2009**

<b>abilitazione</b>	<b>abilitazioni, abilitamentu</b> 1. Attu chi autorizat a una personi a fai un'atividadi (esempru: a ghiai veturas, a insinnai matemàtica). 2. Su documentu chi atestat sa capatzidadi de cumpriri una faina o un'atividadi.
<b>abitabilità</b>	<b>abitabilidadi, bivibilidadi</b> Autorizazioni emìtia de su sindigu a su meri de una domu. Su sindigu atestat chi in sa domu si nci ddoi podit bivi ca is cunditionis igiènicas e de seguresa funt cunforma a sa lei.
<b>abitazione</b>	<b>abitazioni, domu</b> Est s'edifitziu innui una personi ddoi acostumat a bivi.
<b>abitualità del reato</b>	<b>avesidadi de su reatu</b> Forma spetzifica de perigosidadi sotziali chi amostat, de parti de su sugetu, unu naturali avesu a sa delincuèntzia, ca a fitianu cumitit reatus e chi ocasionat: s' aplicu de sa mesura de seguresa de assinnazioni a una colònia agricula o a una domu de traballu po su tempus de assumancu duus annus, s'interdizioni po sèmpiri de is ufitzius pùblicos, su divietu de suspensioni cundizionali de sa pena, s'inaapplicabilidadi de s'amnistia e de s'indultu chi su decretu no previdat àtera manera differenti, s'esclusioni de sa prescrizione de is penas po is delitus, s'addopiamentu de su tèrmini po sa riabilitazioni, a smarigai sa pena in stabilimentus spetzialis.
<b>abrogazione</b>	<b>abrogazioni</b> Eliminazioni de un'atu (esempru: una lei chi nd'elminat una lei bècia, o un'atu amministrativu chi nd'elminat un'àteru).
<b>abuso</b>	<b>abuso</b> Atzioni de unu tzitadinu contras a sa lei (esempru: est un' abusu edilitziu a fraigai o a modificai is piessinnus internus o de foras de una domu, andendi contras a is leis de s' edilitzia).
<b>abuso dei poteri</b>	<b>abuso de is poderis</b> Bolit nai a desviai s'imperu de is poderis de is finalidadis po is calis funt atribuius.
<b>abuso della professione</b>	<b>abuso de sa professioni</b> Imperu soberau de su diritu a s'esercìtziu de una professioni po sa cali serbit un'abilitazioni spetziali, paris cun s'idea de cunsighiri un'obietivu differenti de cuddu po su cali s'est cuntzèdiu su diritu, finas cun unu cumportamentu <i>contra legem</i> (contras a sa lei) gravi meda siat a manera ogetiva, po sa gravidadi de su fatu, siat a manera sugetiva, ca su dannu est prus mannu.
<b>abuso delle qualità</b>	<b>abuso de is calidadis</b> Candu unu sugetu (esempru: s' ufiziali pùblicu o sa personi incarrigada a fai unu servìtziu pùblicu) imperat su poderi cosa sua a manera irregulari.
<b>abuso di autorità</b>	<b>abuso de autoridadi</b> Acuntessit candu unu sugetu, chi in su traballu s'agatat in una posizioni prus arta de un'àtera personi (es.: su datori de traballu), cumitendi unu reatu imperat su poderi cosa sua a manera no arregulari: s'abusu de autoridadi rapresentat una circostàntzia agravanti.
<b>abuso d'ufficio</b>	<b>abuso de ufitziu</b> Atzioni cumprida de unu dipendenti de un'amministratzioni pùblica chi nd' aprofitat de sa posizioni sua po fai dannu a àteras personis o po si nd' arricchiri. S' abusu de ufitziu est unu reatu puniu de su còdixi penali.
<b>accertamento</b>	<b>averiguamentu, atzertamentu</b> Atvidadi cumprida de is dipendentis pùblicos o de àterus sugetus incarrigaus de is amministratzionis, po scumproai chi una lei benit arrespetada o chi nci funt

	is rechisius de lei po otenni carchi cosa (esempru: s'atziertamentu de s'invalididadi po otenni una pensioni).
<b>accessione</b>	<b>atzezioni</b> Una de is maneras chi previdit sa lei po diventai meri. Acuntessit candu su meri de unu terrenu bessit meri de totu su chi ddoi at ainturu de su terrenu etotu (esempru: una domu, is matas, unu putzu).
<b>accesso</b>	<b>atzessu, intrada</b> Diritu a intrai a logus determinaus o a otenni informatzionis determinadas (esempru: s' atzessu a is documentus aministrativus).
<b>accesso agli atti</b>	<b>atzessu a is atus</b> Diritu de is tzitadinus (e fintzas de is stràngius) a connosci is documentus aministrativus chi ddis pertocant.
<b>accordo contrattuale</b>	<b>acòrdiu cuntratuali</b> Est su cunsensu pari-pari de is partis po su chi pertocat s'operatzioni econòmica in ogetu.
<b>accreditare</b>	<b>acreditai</b> Pagai una suma de dinai in su contu bancàriu o postali de calincunu.
<b>ACI, Automobile Club d' Italia</b>	<b>ACI, Automòbili Club Itàlia</b> Enti a su cali is meris de autoveiculus pagant s' imposta de tzirculatzioni. S'ACI tenit sa gestioni de su registru automobilisticu pùblicu (PRA) e finas de su sucursu stradali.
<b>acquiescenza</b>	<b>acuiescèntzia, acetatzioni</b> Acetatzioni de is efetus de un'atu de s'aministratzioni pùblica.
<b>ad quem</b>	<b>ad quem</b> Espressada latina chi bolit nai "fintzas a su cali" o "fintzas a sa cali".
<b>adempimento</b>	<b>cumprimentu, adempimentu, cumpridura</b> Atividadi obligatòria.
<b>adempimento di un dovere</b>	<b>cumprimentu de unu doveri</b> Càusa de giustificatzioni ex art. 51 chi nd'escludit s'antigiuriditzzidadi de su fatu, cumprendi aici unu pretzetu giuridicu cumandau de una norma giuridica (es.: atu de s'ufitziali giuditziàriu chi fait unu pignoramentu mobiliari (v. 492).
<b>adempimento parziale</b>	<b>cumprimentu partziali</b> Est candu su depidori cumprit sceti una parti de sa prestazzioni (art. 1176 de su c.c.). Su creditoru podit arrefudai unu cumprimentu partziali.
<b>affidamento del terzo</b>	<b>afidamentu de su tertzu</b> Est una personi allena siat a su raportu obligatòriu chi nc'at intra de su creditoru chi est protzedendi e su depidori esecutau siat a cuddu intra de su depidori e su tertzu pignorau e a su cali su giugi dd'afidat su cuidu materiali de sa cosa imprendada.
<b>affidamento di minori</b>	<b>afidamentu de minoris</b> Istitutu disciplinau de sa lei 4 de maju 1983, n. 184, mudada de sa lei 28 de martzu 2001, n. 149, po agiudai a unu minori sena de ambienti familiari chi ddi permatat de cresci e piessinnau de sa temporaneidadi, de su mantenimentu de relatas cun sa famillia de orìgini, de sa previsionis de sa torrada a sa famillia de orìgini. Podit essi cunsensuali, candu ddoi at su cunsensu de is genitoris o de chini tenit sa pàtria podestadi, o giuditziali, candu no ddoi at su cunsensu de is genitoris e duncas est decretau de su tribunali po is minoris.
<b>affidamento in prova al servizio sociale</b>	<b>afidamentu in prova a su servitziu sotziali</b> Mesura alternativa a sa detenzioni, chi si ponit in aplicu cun s' afidamentu de su cundennau a unu servitziu sotziali a foras de s'istitutu, po unu periodu chi

	currispundit a sa pena chi si depit smarigai, ponendi-dda in aplicu a sa personi cundennada a una pena detentiva stabilida, o finas resuzu de una pena, chi no siat superiori a cuàturu annus.
<b>aggio</b>	<b>agenzia, interessu</b> Su cumpensu chi arricint is chi funt incarrigaus de coberai is tributus.
<b>aggiudicazione</b>	<b>aggiudicatzioni</b> Atu aministrativu chi nci deccarat su bincidori de una gara po fraigai un'òpera pùblica o po una frunidura pùblica.
<b>agibilità</b>	<b>agibilitadi</b> Atu de su Sìndigu chi tzertificat chi un'edifitziu tenit is rechisius de seguresa prevèdius de sa lei.
<b>albo dei fornitori</b>	<b>albu/registru de is fornidoris/frunidoris</b> Elencu de is impresas chi bendint benis o servìtzius a is aministratzionis pùblicas.
<b>albo pretorio</b>	<b>albu, cuadru pretòriu</b> Imbirdiera chi s'agatat me in is ufizius de su comunu o de sa provìntzia innui ddoi funt is atus aministrativus po chi ddu connòsciant is tzitadinus (esempru: is deliberatzionis de su consillu comunali o is publicatzionis de coja).
<b>albo professionale</b>	<b>albu, òrdini, registru professionali</b> Documentu ufiziali chi atestat s'appartenèntzia de unu sugetu a un'òrdini professionali (es.: albu de is abogaus, collègiu de is geòmetras). Po otenni s'iscritzioni a s'albu, su professionista depit presentai rechisius stabilus paris cun s'esàmini de abilitatzioni.
<b>albo speciale della Corte di cassazione</b>	<b>albu spetziali de sa Corti de cassatzioni</b> Albu innui ddoi funt assentaus is abogaus amìtius a su patrotziniu ananti de sa Corti de Cassatzioni e a is Àteras Giurisditzionis Superioris, chi s'agatat in su Consillu Natzionali Forensi chi depit averiguai is rechisius po s'iscritzioni.
<b>aliquota</b>	<b>aliquota</b> Pertzentuali, stabilida de sa lei, chi serbit po calculai s' imposta chi si depit pagai.
<b>allegato</b>	<b>acàpiu, allegau, alliongiu</b> Documentu chi acumpàngiat una pràtica o una litera.
<b>ammenda</b>	<b>amenda</b> Suma de dinai chi bolit pagada a un'aministratzioni pùblica in s'in casu de cuntraventzioni.
<b>amministratore (associazioni e fondazioni)</b>	<b>aministradori (assòtzius e fundatzionis)</b> Est s'òrganu de s'enti chi traballat a sa gestioni, a s'aministratzioni e a sa rapresentàntzia de s'assòtziu o de sa fundatzioni. Tenit poderis esecutivus e depit operai cun assentu e cunsideru, informendi s'assemblea de totu is atividadis de s'enti.
<b>amministratore (comunione)</b>	<b>aministradori (comunioni)</b> S'aministradori de una comunioni est su chi depit gestiri sa cosa a cumoni. Podit essi nominau de s'autoridadadi giuditziària o de is àterus meris (art. 1106 de su c.c.).
<b>amministratore (condominio)</b>	<b>aministradori (condomìniu)</b> Sugetu nominau de s'assemblea po aministra sa vida de su condominiu, po su prus in sa parti fiscali e normativa, ponendi in aplicu is detzisionis e is scedas de s'assemblea, faendi arrespetai sa disciplina de lei.
<b>amministratore (società)</b>	<b>aministradori (sotziedadi)</b> Est s'òrganu de sa sotziedadi, su sugetu cun su poderi de gestioni de is afàrius

	<p>sotzialis e, pruschetotu, su poderi de gestioni chi no est atribuida a is sòtzius o a s'assemblea. S'aministradori de sa sotziedadi depit rapresentai sa sotziedadi. In is sotziedadis de personis su sòtziu est s'aministradori; in is sotziedadis de capitalis e in is cooperativas, is aministradoris funt nominaus de s'assemblea de is sòtzius.</p>
<b>ammonimento</b>	<p><b>amonimentu</b> Santzioni disciplinari chi podit essi verbali o scritta (esempru: si ghetat po inosservàntzia de is disponimentus de servitziu, de is normas chi atenint s'ausèntzia po maladia o de sa disciplina de s' oràriu de traballu o po unu cumportamentu contras a is printzìpius de curretesa cun is superioris o cun àterus dipendentis).</p>
<b>amnistia</b>	<p><b>amnistia</b> Est un'elementu chi ocasionat s'estintzioni de su reatu previdiu de s'art. 151 de su c.p. e de s'art. 79 de sa Cost.. Cunsistit in s'annullamentu de su reatu e de sa cundenna: duncas est unu provedimentu de clemèntzia a piessinnu generali, po calincunu reatu. S'amnistia podit essi pròpria (in s'interis de su protzedimentu penali), o impròpria (est a nai pronunziata avatu de sa sentèntzia de cundenna: at a essi cumpetenti su giugi de s'esecuzioni). S'art. 79 Cost. previdit chi sa cumpetèntzia a cuntzedi s'amnistia spetat sceti a su Parlamentu cun sa majoria de duas partis de tres de is cumponentis in sa deliberatzioni pertocanti.</p>
<b>anagrafe</b>	<p><b>anàgrafi</b> Arregorta de is registrus cun is informatzionis apitzus de is personis chi bivint in unu comunu. Est finas s' ufiziu comunali innui s'agatant custus registrus.</p>
<b>ANAS</b>	<p><b>ANAS</b> Azienda (imoi Enti) natzionali autònoma de is stradas.</p>
<b>annullamento</b>	<p><b>annullamentu</b> Atu aministrativu o giuditziàriu chi nd' eliminat un' atu pretzedenti chi no est cunforma a sa lei.</p>
<b>antimafia</b>	<p><b>antimàfia</b> 1.Totu is leis e is atividadis contras a sa màfia. 2.Nòmini de sa cumissioni parlamentari chi stùdiat sa màfia po dda cumbati.</p>
<b>antitrust</b>	<p><b>antitrust, autoridadi garanti</b> Aministratzioni chi averìguat sa cuncurrèntzia intra de is impresas.</p>
<b>appello</b>	<p><b>apellu</b> Atu innui si pedit a unu giugi de gradu superiori de esaminai (po dda mudai) sa sentèntzia de un' àteru giugi.</p>
<b>apporre</b>	<p><b>pònneri</b> Pònneri, aciungi una firma a s'acabu de unu documentu o de una deccraratzioni.</p>
<b>APT</b>	<p><b>APT</b> Azienda de Promotzioni Turistica.</p>
<b>arbitrati o regolamenti giudiziari</b>	<p><b>arbitraus o arregulamentus giuditziàrius</b> Protzedimentu chi s'inghitzat in esecuzioni de sa clàusola cumprumissòria de unu cuntratu; in contierras internatzionalis, punnat a sa risolutzioni de su pretu intregendi-ddu a un'àteru àrbitru, comentu podit essi unu Tribunali internatzionalis.</p>
<b>archivio</b>	<p><b>archiviu, arcivu</b> Logu innui ddoi chistiri documentus.</p>
<b>area fabbricabile</b>	<p><b>àrea/logu de fàbricu, de fràigu, fabricàbili</b> Terrenu innui si podit fraigai.</p>

<b>area metropolitana</b>	<b>àrea metropolitana</b> Territòriu de una tzitadi manna e de is comunus lacanantis, cunsiderada zona amministrativa ùnica.
<b>arresti domiciliari</b>	<b>arrestus domitziliaris</b> Mesura cautelari autònoma de coercizioni in domitzìliu, alternativa a sa custòdia (art. 284).
<b>arresto</b>	<b>arrestu</b> Sa pena de essi inserraus in presoni.
<b>arresto in flagranza</b>	<b>arrestu in crìminis de reatu, arrestu in flagranti reatu</b> Est una privatzioni provisòria de libertadi (temporànea e precautelari) de cumpetèntzia esclusiva de sa politzia giuditziària. Est sa primu forma de custòdia cautelari (chi, de norma, dda sighit); si partzit in obligatòriu e facultativu, a segunda de chi s'atuatzioni cosa sua rapresentit un'atu dèpiu o discretzionali (articulus 379-390): in s' in casu siat obligatòriu, ddu fait sa politzia giuditziària candu a su sugetu ddu cassant cumitendi reatus determinaus e cun penas de assumancu 5 annus e no prus de 20 annus. Àteras mesuras po s'arrestu obligatòriu in flagranti reatu funt previdias de s'art. 380 de su c.p.p..
<b>arresto provvisorio</b>	<b>arrestu provisòriu</b> Mesura precautelari de si ponni in aplicu in s'in casu de estraditzioni, chi no pertocat is rechisius normalis de essi cassau in farta de reatu (in flagranti reatu), de sa perigosidadi de su sugetu e de sa gravidadi de su fatu e bolit chi ddoi siat perìgulu de fuida, chi su Stadu èsteru apat decrarau ca in is cunfrontus de sa personi ant emìtiu unu provedimentu restritivu de sa libertadi personali opuru sentèntzia de cundenna a una pena detentiva, chi bollat presentai domanda de estraditzioni e chi apat fruniu sa descritzioni de is fatus, sa specificatzioni de su reatu e totu is elementus chi serbint po s' identificatzioni de sa personi (art. 715).
<b>ASL</b>	<b>ASL</b> Azienda Sanitària Locali (fintzas a su 1995 fiat sa USL). Totu is struturas sanitàrias de unu territòriu (spidalis, ambulatòrius, laboratòrius, ufitzius), chi assecurant e frunint servìtzius a is tzitadinus.
<b>aspettativa sindacale</b>	<b>aspetativa sindacali</b> In s'àmbitu de s'amministratzioni s'at stabiliu unu tantu oràriu cumplessivu po is permissus sindacalis, retribuuius e no retribuuius.
<b>assegno</b>	<b>assegnu, assinnu</b> Documentu chi rapresentat una suma de dinai.
<b>assegno alimentare</b>	<b>assinnu alimentari</b> Suma de dinai chi currispundit a cantu serbit po bivi. Dda depint pagai is familiaris de una personi chi no si podit mantenni a sa sola (esempru: is genitoris depint assegurai a is fillus minoris su chi ddis serbit po bivi).
<b>assegno di disoccupazione</b>	<b>assinnu de disocupatzioni</b> Suma de dinai chi su Stadu pagat a chini no est traballendi.
<b>associazione (diritto penale)</b>	<b>associatzioni (diritu penali)</b> Unioni de prus personis piessinnada de stabilidadi e permanèntzia, chi tenit una struttura organizzativa, fintzas mìnima, chi podit cumpriri is finalidadis crimosas programadas, ex art. 416.
<b>atto</b>	<b>atu</b> Atividadi o documentu.
<b>atto amministrativo</b>	<b>atu amministrativu</b> Atu giuridicu unilaterali chi ndi benit de un'òrganu de s'amministratzioni pùblica,

	cunsiderau comentu poderi esecutivu de su Stadu (diferenti de su poderi legislativu e de su poderi giudizziàriu) titulari de s' esercitziu de s'atividadi amministrativa.
<b>atto di concerto</b>	<b>atu de cuntzertu</b> Documentu aprovau cun sa collaboratzioni de prus amministratzionis (esempru: de duus ministrus, o de su presidenti de su consillu e prus ministrus).
<b>atto notorio</b>	<b>atu de notoriedadi</b> Decraratzioni chi fait una personi asuta de sa responsabilidadi sua etotu, ananti de un'ufitziali pùblicu. Cunforma a sa lei una decraratzioni farsa ocasionat sa pena de sa reclusioni fintzas a un'annu paris cun una multa.
<b>autocertificazione</b>	<b>autocertificatzioni, autotzertificatzioni</b> Decraratzioni de su tzitadinu chi nc'arremprasat unus cantu tzertificaus (esempru: su tzertificau de nàscida, de residèntzia, su titulu de stùdiu).
<b>autoliquidazione</b>	<b>autolicuidatzioni</b> Càlculu, chi faint is tzitadinus etotu, de is impostas chi depint pagai a su Stadu.
<b>autonomia locale</b>	<b>autonomia locali</b> Est s'autonomia de funtzionis e fainas chi punnant a fai acostai is istituzionis a su tzitadinu. Ddoi at s'autonomia politica, considerada comentu libertadi in su sceberu de is obietivus politicus de s'ighiri; statutària; legislativa; amministrativa; finantziària.
<b>autorizzazione</b>	<b>autorizatzioni, permissu</b> Atu cun su cali s' amministratzioni pùblica permitit a una personi de cumpriri un'atividadi cunforma a is arrègulas stabilidas de sa lei.
<b>avente causa</b>	<b>chi tenit càusa, tenidori càusa</b> Personi chi dd'ant trasferiu unu diritu de un'àtera personi chi ddi nant daenti/daidori càusa (esempru: in sa bèndida de una domu chini dda bendit est su daenti/daidori càusa, chini dda còmporat est su tenidori càusa).
<b>avocare</b>	<b>avocai</b> Pigai is funtzionis de un'ufitziu subordinau.
<b>avvocatura</b>	<b>abogatzia, avocadura</b> Ufitziu de abogaus chi difendint is interessus de su Stadu (abogatzia/avocadura de su Stadu) o de un'enti (abogatzia/avocadura comunali).
<b>azione (diritto penale)</b>	<b>atzioni (diritu penali)</b> Su reatu est costituiu de tres elementus obietivus: cunduta (cumportamentu), eventù e ligàmini de càusa intre sa cunduta e s'eventù. Sa cunduta, in su spetzificu, est un'atzioni o un'omissioni. Su còdixi penali in s'art. 42 c.p. descrit s'atzioni comentu a unu cumportamentu bòfriu de s'agenti. Si podit definiri comentu su movimentu de su corpus chi, postu in aplicu de parti de s'agenti, si manifestat in su mundu reali e podit essi cumpostu de unu o prus atus paris diretus a cumpriri su pròpiu fini (esempru: unas cantu sticadas de corteddu a su pròpiu sugetu).
<b>azione (società)</b>	<b>atzioni (sotziedadi)</b> Parti mìnima de su capitali sotziali chi tocat a sutascriri po si ndi pigai sa calidadi de sòtziu in una sotziedadi po atzionis o in una sotziedadi in acumàndida po atzionis. Gai s'èmpiri est rapresentada de unu documentu chi est unu titulu de crèditu, donendi sa calidadi de sòtziu a chini ndi liat su poderiu cunforma a is arrègulas. Is atzionis podint essi nominativas o a su portadori.
<b>barriera architettonica</b>	<b>barriera/impèigu/storbu architetònicu</b> Cali si siat fràigu (esempru: una scala, unu marciapè, una genna strinta) chi storbit o ocasionit difficultadis a su movimentu de is personis.

<b>base imponibile</b>	<b>basi imponibili, de impostas</b> Sa suma de totu is rèdditus chi serbit a calculai is impostas chi tocat a pagai.
<b>base pensionabile</b>	<b>basi pensionàbili</b> Annus de traballu e rèdditus cunforma a is calis bolit calculada sa pensioni.
<b>bene</b>	<b>beni</b> Cosa, ogetu.
<b>bene immobile</b>	<b>beni imòbili, finca, proprietadi</b> Cosa chi no si podit trantziri (esempru: una domu)
<b>bene mobile</b>	<b>beni mòbili</b> Cosa chi si podit trantziri.
<b>bollettino di conto corrente</b>	<b>bulletinu de contu currenti</b> (bulletinu de c/c): mòdulu chi serbit po fai unu pagamentu me in is ufizius postalis.
<b>bollettino ufficiale</b>	<b>bulletinu ufiziali</b> Publicatzioni periòdica innu ddoi funt is leis, is bandus, is atus amministrativus prus de importu po ddus fai a conosci a totus (esempru: is bulletinus ufizialis de is regionis, de is ministerus).
<b>BOC</b>	<b>BOC</b> Funt tìtulus de crèditu emitius de su Comunu.
<b>bollo</b>	<b>bullu</b> 1. Timbru chi serbit po chi unu documentu siat ufiziali. 2. Marca chi amostat su pagamentu de un' imposta.
<b>borsa di studio</b>	<b>bursa de stùdiu</b> Est unu finanziamentu econòmicu a favori de is studentis, chi pertocat periodus de stùdiu, agiudus po comporai benis o àteras atividadis. Est de cumpetèntzia de is Regionis, finas po mèdiu de entis, cunforma a sa L. 309/91.
<b>BOT</b>	<b>BOT</b> Funt tìtulus de crèditu emitius de su Stadu.
<b>brevetto</b>	<b>brevetu</b> Documentu chi atestat s' atributzioni de su diritu esclusivu de gosamentu e sfrutamentu econòmicu, in unu territòriu e po unu tempus determinau, de un' imbentu industriali, de modellus o disinnus ordinalis, de modellus o utilosidadis. Dònna Stadu amparat is diritus in contu de is imbentus a manera diferenti. In s'ordinamentu nostu, sa matèria est disciplinada de su còdixi tzivili ma po su prus de leis spetzialis (su D.lgs.vu 10 de friàrgiu 2005, n. 30, Còdixi de sa Propriedadi Industriali).
<b>buona fede</b>	<b>fidi bona, curretesa, lealidadi, lealtadi</b> Est unu cuntzetu chi ndi benit de su diritu romanu e finas a oi rapresentat unu de is printzìpius de fundamentu de s' ordinamentu tzivili cosa nosta. Est una situatzioni psicològica de su sugetu chi po su diritu est de importu mannu, ca produsit cunsighèntzias giuridicas. A manera sugetiva est cunsiderau comentu innoràntzia a lesiai unu diritu de àterus; a manera ogetiva est unu doveri generali de curretesa de cumportamentu in sa vida giuridica de is sugetus.
<b>buonuscita</b>	<b>bonessida</b> Suma de dinaì chi si donat a is traballadoris dependentis candu si ndi andant in pensioni.
<b>burocrate</b>	<b>buròcrati, buròcratu</b> Dipendenti de s'aministrazzioni pùblica.
<b>burocratese</b>	<b>burocratesu</b>



	Linguàgiu de s'aministratzioni pùblica.
<b>burocrazia</b>	<b>burocratzia</b> Totu is personis, is ufizius e is protzedimentus de s'aministratzioni pùblica.
<b>calamità naturali</b>	<b>calamidadis naturalis</b> Fatus naturalis che a terremotus, inundamentus, smuronamentus chi ocasionant dannu mannu.
<b>calmiere</b>	<b>calmieri</b> Documentu cun su cali s'aministratzioni pùblica podit stabiliri su prètzziu màssimu de bèndida de unus cantu benis de consumu (esempru: pani, lati) po chi no siat tropu artu.
<b>cambiale</b>	<b>cambiali</b> Documentu innui nc'arresurtat chi una personi depit dinai a un'àtera personi.
<b>camera di commercio, industria, artigianato e agricoltura</b>	<b>càmera de cumèrtziu, indùstria, artesia e messaritzia</b> Ufizziu chi rapresentat is categorias de su cumèrtziu, de s'indùstria, de s'artesia e de s'agricoltura.
<b>canone</b>	<b>cànoni</b> Suma de dinai chi bolit pagada a manera periòdica po s'impreu de unu beni (esempru: su canoni de afitu) o de unu servìtziu (esempru: su cànoni de sa televisioni).
<b>capacità di testimoniare</b>	<b>capatzidadi a testimoniai</b> Su còdixi de protzedura tzivili narat ca dònna personi est capassa a testimoniai, est a nai ca podit chistionai de fatus e acuntessimentus chi connoscit, cunforma a s' ogetu de unu protzessu penali. Craru est chi su giugi podit fai atzertamentus e averigui in s'in casu carchi piessinnu fisicu o mentali de su sugetu podit ocasionai fartas a sa testimonia etotu.
<b>capacità giuridica</b>	<b>capatzidadi giuridica</b> Sa capatzidadi giuridica cumentzat cun sa nàscida de dònna sugetu giuridicu e si perdit sceti candu si morit.
<b>caparra</b>	<b>aforu, caparra, inforu</b> Suma de dinai chi, a bortas, una personi intregat a un'àtera candu firmat unu cuntratu (esempru: po comporai una domu).
<b>capitolato</b>	<b>capitulau</b> Documentu innui ddoi funt is òbligus (giuridicus e tècnicus) de chini depit fai un'apaltu pùblicu.
<b>carta da bollo</b>	<b>paperi bullau, in bullu</b> Follu de paperi cun unu timbru de su Stadu. Serbit po pagai un'imposta; a bortas est obligatòriu.
<b>carta di circolazione</b>	<b>libureddu/paperi de circolatzioni</b> Documentu emìtiu de s'Ufizziu de sa motorizatzioni tzivili innui ddoi funt scritus is piessinnus de is veturas, de is mototzicletas e de is àterus veìculus, e finas su nòmni de su meri.
<b>cartella esattoriale</b>	<b>cartella esattoriali</b> Atu cun su cali s'aministratzioni pùblica cumandat a su tzitadinu de pagai un' imposta.
<b>casa comunale</b>	<b>domu comunali</b> Sedi de is ufizius de su comunu.
<b>cassa depositi e prestiti</b>	<b>càscia depòsitus e imprestidus</b> Enti pùblicu chi imprestat dinai a is entis localis.

<b>cassa integrazione guadagni</b>	<b>càscia integratzioni guadàngius</b> Fundu de dinai gestiu de s'INPS. Serbit po garantiri unu stipèndiu a is traballadoris chi po unu periodu de tempus no funt traballendi.
<b>catasto</b>	<b>catastu</b> Registru de totu is benis imòbilis chi s'agatant in su comunu o in sa provìntzia, innui nc'arresurtat su nòmmini de is meris e su valori.
<b>categorie protette</b>	<b>categorias amparadas</b> Personis (esempru: invàlidus, òrfanus) chi ddas agiudat su Stadu, cun postus de traballu in su setori pùblicu e privau.
<b>causa di servizio</b>	<b>càusa de servìtziu</b> Protzedimentu chi serbit a su traballadori chi s'est amalaidau traballendi, po otenni su pagamentu de un'indennitzu e de sa pensioni.
<b>cauzione</b>	<b>cauzioni</b> Suma de dinai chi una personi ponit in depòsitu che a garantia de sa seriedadi de un'impinnu chi nc'at pigau.
<b>certificato</b>	<b>tzertificau</b> Documentu cun su cali s'aministratzioni pùblica decrarat fatus determinaus asuba de una personi (esempru: ca est nàscia, ca s'agatat in vida, ca bivit in unu logu determinau, ca est cojada, ca tenit fillus, ca s'est morta).
<b>cessazione del rapporto</b>	<b>sentzada de raportu</b> Acabu, congruida, finitia de unu raportu (esempru: sentzada de su raportu de traballu).
<b>cessione volontaria</b>	<b>tzédida, tzessioni voluntària</b> Candu su meri bendit unu beni cosa sua a s'aministratzioni pùblica po ndi stransiri su spodessimentu.
<b>circolare</b>	<b>tzirculari</b> (o finsas lìtera tzirculari): comunicatzioni scritta fata de un'ufitziu a àterus ufitzius po donai istrutzionis o acramamentus.
<b>circostanze aggravanti</b>	<b>tzircustàntzias agravantis</b> Tzircustàntzias chi faint cresci sa pena prevìdia po su reatu simpli o is chi previdint a manera crara s'aplicu de una pena prus gravi, ma de genia differenti de sa chi previdit su reatu simpli (art. 61 de su c.p. e àteras tzircustàntzias agravantis spetzialis prevìdias de àteras normas).
<b>circostanze attenuanti</b>	<b>tzircustàntzias atenuantis</b> Tzircustàntzias chi ndi smènguant sa pena prevìdia po su reatu simpli o is chi previdint a manera crara s'aplicu de una pena prus pagu gravi, ma de genia differenti de sa chi previdit su reatu simpli. Funt partzidas in tzircustàntzias atenuantis comunas, chi funt individuadas <i>ex lege</i> e ndi smènguant su reatu candu no ndi funt elementus constitutivus o tzircustàntzias atenuantis spetzialis (art. 62); tzircustàntzias atenuantis genèricas, chi si fundant asuba de una previsionu legislativa indeterminada e no standardizada, chi si podit ponni in aplicu a manera indistinta a totus is reatus, a cundizioni chi su giugi, in s'esercitziu de su poderi discretzionali suu, nerit ca ddoi funt elementus chi podint giustificai una pena prus bàscia, po dda podi adeguai a s'entidadi de s'acuntessimentu e a sa personalidadi de su responsàbili (art. 62 bis) e tzircustàntzias atenuantis spetzialis, prevìdias po reatus singulus.
<b>città metropolitane</b>	<b>tzitadis metropolitanas</b> Entis localis territorialis prevìdius de s'art. 114 de sa Costitutzioni. Is finalidadi istitutzionalis generalis de is tzitadis metropolitanas funt a s'incurai de su svilupu stratègicu de su territòriu metropolitanu e de sa promotzioni e gestioni integrada de is servitzius, de is infrastruturas e de is arretzas de comunicatzioni

	de interessu de sa tzitadi metropolitana; in prus, custas s'ant a depi incurai de is relatas istituzionalis chi pertocant su livellu insoru, finas cussas cun is tzitadis e is àreas metropolitanas europeas. Su territòriu de sa tzitadi metropolitana torrat paris cun cussu de sa provìntzia cun su pròpiu nòmini. Is òrganus de is tzitadis metropolitanas funt su sindigu, su consillu, sa cunferèntzia. Su sindigu metropolitanu est, de diritu, su sindigu de su comunu cabulogu.
<b>cittadinanza</b>	<b>citadinàntzia, tzitadinàntzia</b> Apartenèntzia de una personi a unu Stadu (esempru: tzitadinàntzia italiana, tzitadinàntzia frantzesa).
<b>clausola</b>	<b>clàusola</b> Parti de unu cuntratu.
<b>CNEL (Consiglio Nazionale dell'Economia e del Lavoro)</b>	<b>CNEL (Consillu Natzionali de s' Economia e de su Traballu)</b> Enti de su Governu cun funtzionis de consulèntzia asuba de chistionis econòmicas e sotzialis. Podit finas presentai a su Parlamentu disinnus de lei chi pertocant su setori de s'economia e de su traballu.
<b>CNR (Consiglio Nazionale delle Ricerche)</b>	<b>CNR (Consillu Natzionali de sa Circa)</b> Est s' enti chi cumprit e coòrdinat is atividadis de circa scientifica in Itàlia.
<b>coatto</b>	<b>fortzau, a òbligu</b> Impostu cun sa fortza o cun unu provedimentu de un' autoridadi pùblica.
<b>codice di autoregolamentazione dello sciopero</b>	<b>còdixi de autoarregulamentatzioni de su sciòperu</b> Arrègulas de cumportamentu chi is traballadoris s' impinnant a sighiri candu faint sciòperu, po smenguai su discumbèniu a is tzitadinus.
<b>codice di comportamento dei dipendenti pubblici</b>	<b>còdixi de cumportamentu de is dipendentis pùblicus</b> Is arrègulas de cumportamentu chi totu is dipendentis pùblicus depint arrespetai.
<b>collegio</b>	<b>collègiu</b> Aministratzioni piessinnada de sa presèntzia de prus personis chi depint detzidi paris (esempru: su Governu, su consillu comunali, sa comissioni comunali de s' edilizia).
<b>collocamento</b>	<b>collocamentu</b> Ocupatzioni, assuntzioni.
<b>combinato disposto</b>	<b>disponimentu cumbinau</b> S' arrègula chi nd'arresurtat de prus articulus postus impari.
<b>comitato interministeriale</b>	<b>comitau interministeriali</b> Grupu de prus ministrus reunius po coordinai s'atividadi de is ministerus insoru.
<b>commissario ad acta</b>	<b>comissàriu ad acta</b> Personi nominada de un'aministratzioni pùblica, o de unu giugi, po cumpriri fainas chi un' àtera amministratzioni no at fatu.
<b>commissario liquidatore</b>	<b>comissàriu licuidadori</b> Personi nominada de un'aministratzioni pùblica, o de unu giugi, po licuidai, est a nai a bèndiri is benis, a pagai is creditoris e a arrisolvi sa crisi de impresas cun atividadis de interessu pùblicu (esempru: bancas, assicuratzionis, cooperativas).
<b>concerto</b>	<b>cuntzertu, cunsertu, cunsonu</b> Acòrdiu, intesa prus o mancu crara, chi pertocat su cumprimentu de unu progetu pensau a cumoni.

<b>concessione di beni demaniali</b>	<b>cuntzessioni de benis demanialis</b> Atu cun su cali s'aministratzioni pùblica cuntzedit a unu privau su poderi de impreai unu beni de su demàniu (esempru: s' impreu de una praja).
<b>conferenza di servizi</b>	<b>cunferèntzia de servìtzius</b> Mòdulu organizativu chi podit operai in sa fasi istrutòria de su protzedimentu aministrativu e depit operai in sa fasi de detzisioni de su protzedimentu etotu (a manera lògica in s' in casu de detzisioni pluri-strukturada), po chi is tempus de su protzedimentu siant prus lestrus e atzivus, ca permitit s'achisitzioni, in una sedi ùnica, de totu is interessus pùblicos chi faint parti de su protzedimentu (art. 14 l.n. 241/90).
<b>conguaglio</b>	<b>agualadura, conguàlliu, cumpensatzioni</b> Suma de dinai chi nc'arresurtat de sa diferèntzia intra de su chi s' est pagau e su chi si depiat pagai a manera efetiva.
<b>CONI Comitato Olimpico Nazionale Italiano</b>	<b>CONI Comitau Olìmpicu Natzionali Italianu</b> Est s'aministratzioni chi si òcupat de totu is atividadis sportivas in Itàlia.
<b>conservatoria</b>	<b>conservadoria</b> Ufìtziu innui s'allogant totu is atus chi pertocant is benis imòbilis.
<b>consiglio</b>	<b>consillu</b> Aministratzioni de prus personis chi, a fitianu, tenit funtzionis de indiritzu e de compudu (esempru: su consillu comunali, su consillu scolàsticu).
<b>CONSOB</b>	<b>CONSOB</b> Cumissioni Natzionali po is Sotziedadis e sa Bursa.
<b>consuetudine</b>	<b>avesu, costùmini, usàntzia</b> Cumportamentu chi totus tenint in su tempus, cun s' idea chi siat obligatòriu.
<b>contestazione dell' addebito disciplinare</b>	<b>cuntestatzioni/pretatzioni de sa farta disciplinari</b> Provedimentu cun su cali su datori de traballu comunicat a su dipendenti ca ant cumentzau unu protzedimentu disciplinari me in is cunfrontus cosa sua, po mori de unu o prus cumportamentus cunsideraus de s'azienda lesivus de is òbligus cuntratualis.
<b>contra jus</b>	<b>contra jus</b> Espressada latina chi bolit nai "contras a is arrègulas de su diritu".
<b>contra legem</b>	<b>contra legem</b> Espressada latina chi bolit nai "contras a sa lei".
<b>contribuente</b>	<b>contribuidori</b> Personi chi pagat is tributus.
<b>contributo previdenziale</b>	<b>contributu previdenziali</b> Suma de dinai chi su traballadori, o chini donat traballu, depit pagai a s'Istituto natzionali de sa previdèntzia sotziali (INPS ) o a àterus entis, po otenni sa pensioni.
<b>cosa giudicata</b>	<b>cosa giai giugada, sentèntzia definitiva</b> Sentèntzia definitiva, est a nai ca un'àteru giugi no dda podit mudai o curregi.
<b>crocesegno</b>	<b>cruxisinnu</b> Cruxi chi una personi analfabeta scriit a s' ampasa de sa firma.
<b>CSM Consiglio Superiore della Magistratura</b>	<b>CSM – Consillu Superiori de sa Magistradura</b> Assegurat s'autonomia e s'indipendèntzia de is giugis.
<b>cyberbullismo</b>	<b>bullismu telemàticu</b> Bullismu virtuali, fatu po mèdiu de s'arretza telemàtica.

<b>dante causa</b>	<b>donadori càusa</b> Personi chi donat unu diritu a un'àtera personi, chi est su tenidori càusa (esempru: candu si bendit una domu chini dda bendit est su donadori càusa, chini dda còmporat est su tenidori càusa).
<b>dati giudiziari</b>	<b>datus giudiziàrius</b> Funt datus personalis in contu de cundennas penalis e is reatus o mesuras de seguresa. Faint a connosci is provedimentus penalis chi si podint assentai in su casellàriu giudiziali, o finas sa calidadi de indagau o imputau.
<b>dati identificativi</b>	<b>datus identificativus</b> Funt is datus personalis chi permitint s'identificatzioni diretta de s'interessau.
<b>dati sensibili</b>	<b>datus personalis sensibilibis, datus protègius a manera spetziali, datus personalis dilicaus, datus de cunfiantza</b> Is datus personalis chi podint scoviai s'òrigini ratziali e ètnica, su parri religiosu, filosòficu o àteru, is parris politicus, s' adesioni a partidus, sindacaus, assòtzius o organizatzionis religiosas, filosòficas, politicas o sindacalis e finas is datus personalis chi podint fai a connosci su stadu de saludi e sa vida sessuali.
<b>dato personale</b>	<b>datu personali</b> Cali si siat informatzioni asuba de sa personi fisica, personi giuridica, enti o assòtziu, identificalaus o chi si podint identificali, finas a manera diretta, po mèdiu de unu riferimentu a cali si siat àtera informatzioni, chi podit essi finas unu nùmeru de identificatzioni personali.
<b>decadenza</b>	<b>decadèntzia, decadessimentu</b> 1. Pèrdida de unu diritu ocasionada de su fatu chi una personi no dd'at esertitau po unu tempus stabiliu de sa lei. 2. (o tèrmini de decadèntzia): tempus in cabu de su cali si podit esertitai unu diritu (esempru: su diritu a presentai recursu a su TAR po domandai s' annullamentu de un'atu de s'aministratzioni pùblica).
<b>decreto ingiuntivo</b>	<b>decretu ingiuntivu</b> Provedimentu giudiziali cun s'òrdini donau de su giugi a su depidori de cumpriri is òbligus suos (es. pagamentu de una suma de dinai) in cabu de unu perìodu de tempus determinau (giai sèmpiri 40 diis). Acabada chi siat custa scadèntzia, su decretu bessit esecutivu e si podit protzedi a su pignoramentu de is benis de su depidori. Su decretu ingiuntivu bolit emitiu apustis de s'arrestu de su creditor, duncas est meda prus lestru e prus baratu de unu protzedimentu giudiziàriu ordinàriu. Est cunforma a is articulus 633 e imbenientis de su c.p.c.. Contris a unu decretu ingiuntivu si podit fai opositzioni cunforma a is tèrminis previdius de su decretu etotu (giai sèmpiri 40 diis).
<b>delitto</b>	<b>crimini, delitu</b> Totu is reatus (fatus chi si podint sanzionai a manera penali) si partzint, segundu sa pena previdia po cada unu de custus, in delitus e contraventzionis (v. 445). Po is delitus sa lei previdit sa pena de s'ergàstulu, de sa reclusioni o de sa multa (articulus 17 e 39 cod. pen.).
<b>detrazione</b>	<b>detradura, detrazzioni</b> Suma de dinai de ndi liai de sa suma totali (esempru: candu si pagant is impostas, unus cantu gastus indicaus de sa lei, comentis a is gastus po is meixinas, si ndi podint bogai).
<b>dichiarazione di pubblica utilità</b>	<b>decrarazioni de utilesa pùblica</b> Atu cun su cali s'aministratzioni pùblica decrarat ca un'òpera chi si depit fraigai (esempru: unu spidali, una strada) est utilosa po is tzitadinus. Cun custu atu s'aministratzioni pùblica nc'aprovat su progetu de s'òpera, decrarat innui s'at a fraigai e finas cali est su tèrmini in cabu de su cali bolit fatu su spodessimentu e

	su cumentzu de is traballus.
<b>dichiarazione sostitutiva</b>	<b>decrarazioni sustitutiva</b> Decrarazioni de su tzitadinu chi arremprasat unu tziertificau (esempru: su tziertificau de nàscida, de residèntzia, su tìtulu de stùdiu).
<b>difensore civico</b>	<b>amparadori/difensori/difendidori tzìvico</b> Personi chi arricit is sinnalatzionis de is tzitadinus in contu de funtzionamentu malu de is ufitzius pùblicos, fait indàginis e podit finas sinnalai is fatus innui acuntessit aministratzioni mala a chini cumandat custas aministratzionis etotu.
<b>differimento</b>	<b>diferimentu, illongamentu, perlongamentu, perlongu</b> Renviu, trantzidura de unu tèrmini a una dii prus atesu in su tempus.
<b>diffida</b>	<b>difida, intima</b> Avisu cun su cali s'aministratzioni pùblica cumandat a calincunu de fai o de no fai una cosa. Finsas is tzitadinus chi funt abetendi detzisionis de parti de s'aministratzioni pùblica podint invitai s'aministratzioni a fai su chi depit.
<b>dimora</b>	<b>abitòriu, dimora</b> Logu innui una personi nci bivit sceti po pagu tempus (esempru: s'aposentu de un'albergu po unu biaxadori). Sedi temporànea.
<b>diritti civili</b>	<b>diritus tzivilis</b> Funt is diritus chi pertocant a sa personi comentis a individuu umanu, in contrapositionis a is diritus politicus.
<b>diritti del lavoro</b>	<b>diritus de su traballu</b> Est sa matèria chi disciplinat totu is printzìpius giuridicus de su traballu.
<b>diritti della famiglia</b>	<b>diritus de sa famillia</b> Diritus sena de natura patrimoniali (francu calincuna ecetzioni, comentis a su diritu a is alimentus), ma fundaus asuba de sa solidariedadi apari intra de familiaris e chi funt personalis a manera strinta, finsas chi no si ndi podit arrenuntzai e no si podint trasmiti: funt, in generali, prestatzionis de assistèntzia retzìproca, fidelidadi e collaboratzioni.
<b>dispensa</b>	<b>dispensa</b> Atu de s'aministratzioni pùblica po cuntzedi a su dipendenti de no fai carchi cosa chi iat a depi fai (esempru: s'aministratzioni podit dispensai de su traballu su dipendenti malàdiu a manera grai: dispensa po inidoneidadi fisica; o a chini no podit cumpiri prus su traballu suu: dispensa po mori de discapassidadi o rendimentu smengau).
<b>dispositivo</b>	<b>dispositivu</b> Sa parti de sa sentèntzia tzivili o penali cun su parri de su giugi.
<b>disposizione di attuazione</b>	<b>disponimentu de atuatzioni</b> Normas chi si sighint po ponni in aplicu una lei.
<b>distacco</b>	<b>distacu</b> Impreu a tempus de personali in àteras aministratzionis o entis pùblicos, sena arrechesta de unu provedimentu formali spetzificu.
<b>domicilio</b>	<b>domitzìliu</b> Logu innui una personi nci fait is atividadis printzipalis suas. Est su logu innui su sugetu nc'at stabiliu sa sedi de is afàrius o interessus. A diferèntzia de sa residèntzia, est una situatzioni de diritu, ca no est netzessària sa dimora in sighida de sa personi (art. 43 de su c.c.). S' abitòriu generali, ùnicu po cada sugetu, podit essi voluntàriu, si est sceberau de su sugetu a manera libera, o legali, candu est cumandau de sa lei. S'abitòriu eletivu o spetziali, intamis, pertocat sceti atus determinaus o afàrius de unu sugetu, abarrendi in vigèntzia sceti fintzas a candu s'atu o sa funtzioni no funt acabaus. S'eletzioni de

	domitziliu (o abitòriu) bolit presentada in forma scritta.
<b>accesso di potere</b>	<b>etzessu, sobradura de poderi</b> Impreu malu de su poderi de parti de un'aministratzioni pùblica (esempru: ddoi at etzessu de poderi candu s'aministratzioni pùblica fait carchi cosa cun obietivus differentis de is chi previdit sa lei).
<b>edilizia residenziale pubblica</b>	<b>edilizia residenziali pùblica</b> Atividades de s'aministratzioni pùblica po favoressi s'achistu de domus de parti de tzitadinus cun rèdditus prus bàscius.
<b>effetti giuridici</b>	<b>efetus giuridicus</b> Arresurtaus chi sa lei fait derivai de fatus o atus de valori particolari (esempru: de sa nàscida de unu fillu ndi benit s'òbligu de dd'atendi e sustenni a manera econòmica; de unu spodessimentu ndi derivat sa pèrdida de sa proprietadi).
<b>equipollenza</b>	<b>parivilèntzia</b> Bolit inditai chi duus o prus titulus tenint su pròpiu valori.
<b>equo canone</b>	<b>cànoni ecuànimi</b> Suma de dinai, stabilida cunforma a sa lei, chi su pesonanti de una domu depit pagai a su meri.
<b>erario</b>	<b>eràriu</b> Est su patrimoniu de su Stadu.
<b>erogare</b>	<b>erogai, sbursai</b> Pagai o ponni a disponimentu una suma de dinai o un'atividades (esempru: erogai unu finantziamentu; erogai unu servitziu).
<b>FAL (Foglio degli annunci legali)</b>	<b>FAL</b> Sigla de Follu de is annùntzius legalis, su giornali de sa Prefetura innui si pùblicant unus cantu atus (esempru: de is aministratzionis o de is giugis). Deustus atus ndi bolit fata publitzidadi in su territòriu de sa provìntzia cunforma a sa lei.
<b>falsità</b>	<b>farsidadi</b> Ipòtesi de farta de currispundèntzia a beridadi de un'atu o de unu documentu, cunsiderau comenti a prova prena (ndi funt esempiu sa testimonia farsa o sa peritzia farsa). Sa farsidadi est definida materiali candu su documentu est disfrassau, mudau o cantzellau a manera materiali, mentris est cunsiderada farsidadi ideològica candu no ddoi at una mudadura materiali de s'atu, ma s'atu atestat fatus chi no currispundint a beridadi.
<b>ferie annuali</b>	<b>fèrias annualis</b> Est su periodu de pàsiu netzessàriu e cunforma a sa lei, finas irrinuntziàbili, chi ndi tenit diritu dònna traballadori apustis de un'annu de servitziu de s'ghida.
<b>fermo</b>	<b>firmu</b> Mesura precautelari, assugetada a sa pròpiu protzedura de cunvòlida de s'arrestu, chi perou si ndi diferèntziat po sa titularidadi de su poderi de stabiliri sa presèntzia de su perìgulu de fuida e de inditzius grais de curpabilidadi (art. 368).
<b>finanza pubblica</b>	<b>finàntzia pùblica</b> Espressada chi pertocat sa circa e s'impreu de resursas finantziàrias de parti de su Stadu e de is entis pùblicos in generali, aici puru sa gestioni de su dinai.
<b>funzione</b>	<b>funtzioni</b> Totu is masionis e is atividades atribuidas a un'ufitziu.
<b>funzioni penitenziarie</b>	<b>funtzionis penitentziàrias</b> Funt is funtzionis chi pertocant su de smarigai una pena in una struttura penitentziària, chi funt esertitadas de is dipendentis de s'aministratzioni de is

	istitutus de preventzioni e pena, comentis is diretoris de presonis e agentis de politzia penitentiària.
<b>gabinetto</b>	<b>gabinetu</b> Ufizziu cumpostu de is collaboradoris de su capu de un'aministratzioni pùblica (esempru: gabinetu de su ministru, gabinetu de su sindigu).
<b>garante</b>	<b>garantis</b> In su raportu de garantzia personali, est su chi si òbligat a fruniri sa prestatzioni ogetu de su cuntratu paris cun su depidori (es. fideiussori).
<b>garanzia patrimoniale</b>	<b>garantzia patrimoniali</b> Patrimòniu de su depidori o de un'àteru chi serbit po garantiri a su creditori.
<b>gazzetta ufficiale</b>	<b>gazeta ufiziali</b> (o GU): publicatzioni ufiziali de su Stadu italianu innui ddoi funt is testus de totu is leis e de àterus atus de importu (esempru: is detzisionis e is arregulamentus de s' Unioni europea, is decretus ministerialis, is bandus de is cuncursus pùblicos e carchi annùntziu fatu de privaus).
<b>generalità</b>	<b>generalidadis</b> Is datus anagràficus chi identificant una personi, est a nai su nòmmini, su sangunau, logu e dii de nàscida, residèntzia.
<b>gerarchia</b>	<b>gerarchia</b> Raportu intra de duus (o prus) ufizius innui unu de custus tenit una positzioni superiori e duncas su poderi de donai òrdinis e compudai s'atividadis de is àterus.
<b>giudizio</b>	<b>giuditziu</b> Est sinònimu de pretu (protzessu) o protzedimentu. Est candu unu giugi (tzivili, penali o amministrativu) at a depi detzidi in contu de una controversia e emiti, a s'acabu, unu provedimentu (sentèntzia, ordinàntzia, decretu). Acuntessit, in s'in casu de protzedimentu penali, in tres fasis de fundamentu: atus preliminaris a su dibatimentu, su dibatimentu schetu (v. 470-524), fasi finali de sa detzisioni (chi at a podi essi sa sentèntzia, v. 525-548). Su protzessu penali modernu sighit su printzìpiu acusadori, cun is piessinnus de s'oralidadis, de sa cuncentratzioni (de is fasis, po cantu est possibili, in su nùmeru prus bàsciu de udièntzias, cunforma a s' art. 111 Cost. e a is printzìpius europeus in chistionis de protzessu giustu), de sa lestresa e de su contradditòriu prenu intra de is partis.
<b>giunta</b>	<b>giunta</b> Òrganu cun masioni a guvernai un'aministratzioni (esempru: giunta comunali, provintziales, regionali).
<b>giurisdizione</b>	<b>giurisdizioni</b> Est sa funtzioni cumprida de su Stadu (intregada de sa Costituzioni a sa magistradura) po nc'assegurai s'osservàntzia de is normas chi funt cunsideradas de fundamentu po sa cumpridura organizada de sa vida de is tzitadinus.
<b>giurisdizione civile</b>	<b>giurisdizioni tzivili</b> Poderi atribuiu a is òrganus giurisdizionalis tzivilis chi est su de averiguai sa currispundèntzia intra de s'elementu in ogetu cuncretu e s'elementu in ogetu legali po mèdiu de unu protzedimentu chi acabat cun una detzisioni chi vinculat is duas partis cun forza de cosa giuigada. Cun custu poderi si ponit in pràtica sa tutela de is diritus sugetivus de is privaus e de is entis pùblicos; tenit in ogetu totu is matèrias chi sa lei no intregat a sa giurisdizioni penali o amministrativa. Sa giurisdizioni tzivili dda esèrtziant is giugis ordinàrius, francu chi no siat atribuida a giugis spetzialis o a setzionis spetzializadas.
<b>giurisdizione ordinaria</b>	<b>giurisdizioni ordinària</b>



	Atividadi giurisditzionali esertzitada in generali in matèria tzivili o penali de parti de unu magisträu. S'impreat su fueddu "ordinària" contras a "spetziali", comenti est sa giurisprudèntzia aministrativa (T.A.R., Consillu de Stadu), contàbili, militari, chi est fata de struturas spetzializadas.
<b>giurisdizione penale</b>	<b>giurisdizioni penali</b> Tenit tres sinnificaus cunforma a su riferimentu suu: a s'òrganu giuditziàriu, a sa funtzioni statali o a sa cumpetèntzia de sa magistradura. Po su chi pertocat s'òrganu giuditziàriu est unu poderi esertzitu de òrganus statalis impartialis e indipendentis; cunforma a sa funtzioni statali est su poderi esertzitu ponendi in aplicu is normas penalis de parti de unu giugi; po su chi pertocat sa cumpetèntzia de sa magistradura funt unus cantu de arrègulas chi permitint de stabiliri chi unu protzedimentu est de cumpetèntzia de sa magistradura ordinària o spetziali.
<b>giurisdizioni superiori</b>	<b>giurisdizioniis superioris</b> S'expressada bolit inditai totu is òrganus giurisditzionalis prus de importu de s'ordinamentu nostu: sa Corti de Cassazioni (art. 104 Cost.), su Consillu de Stadu (art. 100 Cost.), sa Corti de is Contus (art. 100 Cost.), sa Corti Costitutzionali (art. 134 Cost.).
<b>giurisprudenza</b>	<b>giurisprudèntzia</b> Totu is detzisionis pigadas de is giugis (esempru: sa giurisprudèntzia tzivili est fata de totu is detzisionis de is giugis tzivilis).
<b>giustizia amministrativa</b>	<b>giustìtzia aministrativa</b> Totu is strumentus chi is tzitadinus tenint a disponimentu po fai oposizioni a is atus de s'aministratzioni pùblica chi andant contras a is interessus insoru. Cun s' expressada "òrganus de sa giustìtzia aministrativa" si bolint inditai is giugis aministrativus (TAR e Consillu de Stadu).
<b>graduatoria</b>	<b>graduàtoria</b> Elencu de totu is personis chi ant bintu unu cuncursu o una gara, innui ddoi funt allistaus is bincidoris.
<b>ICI (Imposta Comunale sugli Immobili)</b>	<b>ICI Imposta Comunali de is Imòbilis</b> Est s' imposta chi totu is meris de domus o terrenus depint pagai a su comunu.
<b>illegittimo</b>	<b>illegìtimu</b> Atu, in totu o in parti, sena calidadis o cunditionis a norma de lei po s'arreconoscimentu o su cunferimentu de valididadi giurìdica.
<b>immatricolare</b>	<b>imatriculai</b> Assentai in unu registru pùblicu personis o cosas (esempru: studiantis, militaris, veturas) ponendi unu nùmeru o un'àteru elementu de arreconoscimentu (chi ddi nant matricula).
<b>immobile</b>	<b>imòbili</b> Totu su chi no si podit tramudai a manera fisica, ca est stàbili e firmu in su terrenu (esempru: una domu).
<b>imparzialità della P.A.</b>	<b>impartzialidadi de s'aministratzioni pùblica</b> Est unu de is pritzìpius de fundòriu de s'Aministratzioni Pùblica, chi in is cunfrontus de is tzitadinus depit essi neutrali, faendi s' atividadi sua sena de cunditionamentus e favoritismus.
<b>imposta</b>	<b>imposta</b> Prestazioni obligatòria in dinai, chi est unu prelievu a òbligu de arricchesa de parti de su Stadu (o àteru enti pùblicu) in is cunfrontus de su tzitadinu-contribuenti. Duncas est un'òbligu chi ndi benit inderetura de sa lei e no de unu cuntratu o de un'àteru atu privau (finas illitzitu). Is impostas, comenti is àterus tributus, procurant a s'enti pùblicu su chi serbit po parai fronti a is

	gastus pùblicus generalis, pertocantis sa produtzioni de servitzius pùblicus profetosus po totu sa collettividadì.
<b>impugnare il pagamento</b>	<b>impugnai su pagamentu</b> Bolit nai a circai de torrai a otenni su chi s'est pagau, cuntestendi sa validadadi de su versamentu giai fatu.
<b>impugnazione</b>	<b>arrecurso, impugnatzioni, recursu</b> Est su fueddu impreau po inditai sa cuntestatziuni de is provedimentus de s'autoridadadi giurisditzionali. Cun su recursu, su sugetu cuntestat unu pecu o una farta de su provedimentu in sa legitimadadi o in sa chistioni etotu. Sa punna de chini presentat recursu est sa de otenni de torrai a cunsiderai s'atu, in parti o de su totu, o finas s' eliminatzioni sua. Su legisladori duncas, at a donai a is partis sa possibilidadi de otenni unu controllu – de parti de un'äteru giugi – de sa sentèntzia emìtia de un'òrganu giudicadori. A diis de oi si previdint duus gradus de giuditziu chi averìguant su certu, e unu gradu de giuditziu po su chi pertocat sa legitimadadi de s'atu.
<b>impugnazione incidentale</b>	<b>impugnatzioni intzidentalì</b> Funt totu is impugnatzioni imbenientis a sa printzipali, proposta de sa parti contras a sa cali s'est proposta s'impugnatzioni o contras a sa cali dd'ant fatu s'integratzioni de su contradditòriu o sa notificatzioni cunforma a su primu coma de s'art. 332 de su c.p.c. e indiritzada contras a sa pròpiu sentèntzia.
<b>impugnazione principale</b>	<b>impugnatzioni printzipali</b> Est sa primu impugnatzioni proposta a manera autònoma de parti de su chi est perdendi.
<b>imputabilità</b>	<b>imputabilidadi</b> Cundizioni mìnima de maturidadi de s'agenti contras a su cali si podit fai un'amonimentu po su chi at cumitiu, sceti s'in casu siat capassu de cumprèndi su valori sotziali de s'atu chi at cumprìu. S'imputabilidadi podit essi esclùdia o smenguada po mori de unus cantu elementus disciplinaus de sa lei.
<b>imputato</b>	<b>imputau</b> Custa figura est disciplinada de s'art. 60 c.p.p.: est su sugetu contras a su cali si movit s'atzioni penali. Pruschetotu, su pùblicu ministeru, a s'acabu de is indàginis preliminaris e candu no depit fai arrechesta de archiviatzioni, fòrmulat s'imputatzioni o presentat s'arrechesta de reñviu a giuditziu; aici su pùblicu ministeru manifestat sa netzessidadi de fai un'atziertamentu giurisditzionali poita ca cunsiderat de nc'ai arregortu, faendi is indàginis, elementus bastantis a sustenni s' acusa in giuditziu (art. 125 disp. at.). Est diferenti, duncas, de sa personi sutaposta a indàginis preliminaris (s'indagau) po su fatu ca su pùblicu ministeru pedit s'atziertamentu de su reatu ponendi in aplicu s'atzioni penali.
<b>imputato considerato presente</b>	<b>imputau cunsiderau presenti</b> Est s'imputau chi s' est presentau assumancu una borta a s'udièntzia.
<b>imputazione (diritto penale)</b>	<b>imputatzioni (diritu penali)</b> Atu po mèdiu de su cali si fait s'atributzioni de responsabilidadi de unu fatu cunsiderau reatu a unu o prus sugetus determinaus e postu in atu, francu in s'in casu de imputatzioni fortzada (a òbligu) (art. 409) de su pùblicu ministeru in s'interis chi est esertzitendi s'atzioni penali (art. 405). S'atu si podit mudai a manera imbenienti, siat in s'interis de s'udièntzia preliminarì (art. 423) siat in fasi de dibatimentu (articulus 516-518).
<b>imputazione dei debiti</b>	<b>imputatzioni de is dèpidus</b> Est sa ridutzioni de sa cuota ereditària de un'eredi cunforma a is dèpidus chi custu teniat in is cunfrontus de su mortu o de is àterus eredis.
<b>imputazione del pagamento</b>	<b>imputatzioni de su pagamentu</b>

	Operazioni chi fait chini tenit prus dèpidus me in is cunfrontus de sa pròpiu personi, chi cunsistit in sa deccrarazioni, candu pagat, de cali siat su dèpidu chi bolut pagai.
<b>in calce</b>	<b>in fundu, in pei de pàgina</b> Postu a s'acabu de su documentu innui s'agatat s'atu.
<b>inamissibilità</b>	<b>inamissibilidadi</b> Ocasonat s'impossibilidadi de sighiri su giuditziu o de ponni in aplicu s'arrestata de sa parti.
<b>inamovibilità dei magistrati</b>	<b>inamovibilidadi de is magistratus</b> Po assegurai s'indipendèntzia de is giugis, si previdit ca siant inamovibilis (francu cun provedimentu de su CSM): custu diritu permitit a su giugi de no sunfriri cundizionamentus de àterus poderis o de parti de is superioris suos.
<b>incolumità pubblica</b>	<b>incolumidadi pùblica</b> Beni giuridicu individuau in sa vida e in s'incolumidadi fisica de unu nùmeru no determinau de personis, chi podit essi postu in perigulu o sunfriri dannus po mori de reatus acrarus de is artìculus 422-452.
<b>incompatibilità</b>	<b>incumpatibilidadi</b> Situazioni chi acuntessit candu su matessi sugetu tenit in su pròpiu tempus duas o prus càrrigas, chi s'ordinamentu cunsiderat in cunflitu e, duncas, cumandendi - cun pena de decadèntzia – de ndi sceberai una.
<b>incompetenza</b>	<b>incumpetèntzia</b> Farta in cabu a su giugi cun su poderi de podi detzidi su pretu, ca est affidau a àteru giugi chi fait parti de su pròpiu setori de giurisdizioni. In su protzessu tzivili is critèrius de determinazioni de sa cumpetèntzia funt tres: <i>matèria</i> , <i>valori</i> e <i>territòriu</i> . Su recursu a custus serbit sceti in primu gradu, ca avatu de s'individuatzioni de su giugi de cumpetèntzia est automàtica.
<b>incompetenza (P.A.)</b>	<b>incumpetèntzia (Aministratziòni Pùblica)</b> Ocasonat s'annullabilidadi de s'atu amministrativu candu est incumpetèntzia relativa (chini at postu in aplicu s'atu no tenit su gradu geràrchicu po ddu podi fai); ocasionat sa nullidadi candu est assoluta. S'incumpetèntzia de lei podit pertocai siat su sugetu chi at postu in aplicu s'atu amministrativu, siat sa matèria de s'atu etotu.
<b>incompetenza del giudice penale</b>	<b>incumpetèntzia de su giugi penali</b> Est candu s'ufitziu giuditziàriu innui si fait su protzessu no est cumpetenti, po matèria, territòriu o àteru, po ddu podi giugai.
<b>indebitamento</b>	<b>indepidamentu</b> Est s'achisitziòni de resursas finantziàrias po mèdiu de crèditu de tertzus, previdendi duncas s'òbligu, a scadèntzia, de torrai su chi s'at otènniu cun in prus is interessus.
<b>indulto</b>	<b>indultu</b> Est unu provedimentu de clemèntzia a caràteri generali: tenit comentu destinatàriu prus sugetus. Custu no pertocat su reatu, ma sceti sa pena printzipali chi ndi dda cantzellant; perou abarrendi firmas is cunsighèntzias de su reatu. Po ndi stesiai sa possibilidadi de una strumentalizazioni politica de parti de sa majoria in Parlamentu, po s'indultu serbit una majoria afortiada, est a nai de duas partis de tres de is cumponentis de cada càmera.
<b>ineleggibilità</b>	<b>inelegibilidadi</b> Est un'impedimentu giuridicu, chi esistit giai innantis de s'eletzioni, chi ocasionat impedimentu a s'elegibilidadi de su sugetu a sa càrriga. Cunforma a su d.P.R. 361/1975, funt situatziòni sugetivas chi iant a essi de profetu po sa personi, in is cunfrontus de is eletoris (es. Presidentis de is giuntas provintzialis, Sìndigus de is comunus cun prus de 20.000 abitantis, Prefetus o funtzionàriu

	de seguresa pùblica).
<b>informazione di garanzia</b>	<b>informatzioni de garantzia</b> Atu investigativu, cun s'indicazioni de is normas de lei chi si cunsiderant no arrespetadas, de sa data e de su logu de su fatu e s'invitu a esertzitari sa facultadi a nominai unu difensori de cunfianza, chi su pùblicu ministeru dd' imbiat a s'indagau e a sa personi ofèndia in s'in casu depat cumpriri un'atu investigativu garantiu, a su cali su difensori tenit diritu de assistèntzia, est a nai interrogatòriu, ispetzioni, cunfrontu, atzertamentu tècnicu chi manca no si podit torrai a fai prus, percuisizioni, sequestro, prelievu a òbligu de campionis biològicus (art. 391).
<b>ingiunzione (penale)</b>	<b>ingiuntzioni (penali)</b> Est un'òrdini, no formali, de sentzai s'atividadi criminosa, de parti de sa politzia o àtera fortza pùblica. S'ingiuntzioni podit essi finas s'òrdini de cumpriri unu pagamentu.
<b>ingiunzione del creditore</b>	<b>ingiuntzioni de su creditori</b> Est s'imposizioni, fata de su creditori in cali si siat manera, de fai esecutai sa sentèntzia o a unu titulu idòneu a obligai a su depidori (ingiuntzioni de pagamentu po unu crèditu chi no s'est pagau, o s'ingiuntzioni a cumpriri un' òrdini/provedimentu de su giugi).
<b>INPS (Istituto Nazionale della Previdenza Sociale)</b>	<b>INPS (Istitutu Natzionali de sa Previdèntzia Sotziali)</b> S'enti pùblicu chi provedit a donai sa pensioni a is traballadoris dependentis in s'in casu de invalididadi, becesa o morti. In s'in casu de morti de su traballadori sa pensioni spetat a is parentis.
<b>interdetto</b>	<b>interditu</b> Personi chi su giugi decrarat discapassu de su totu a s'incurai de is interessus suos. Si chistionat de interdizioni giuditziali candu a su sugetu ddu decrarant discapassu a s'incurai de is interessus suos po mori de infermidadi de conca; o legali candu s'interdizioni est cunsighenti comentis a pena atzessòria a sa cundenna a s'ergàstulu o a sa reclusioni po unu tempus no inferiori a cincu annus (artìculus 414 ss. c.c.).
<b>interesse di mora</b>	<b>interessu de mora, interessu de retardu</b> Suma de dinai in aciunta chi depit su depidori, ca at pagau in retardu.
<b>interrogatorio</b>	<b>interrogatòriu</b> Est un'atu chi ddi nant "diritu de autodifensa" e ddu podit fai inderetura su pùblicu ministeru o delegau, o su giugi de is indàginis preliminaris finas candu s'est cunvalidendi s'arrestu o finas in s'udièntzia preliminaris. S'art. 64 c.p.p. prevedit ca is decrarazioni ddas podit fai s'indagau sceti chi custu ddas fait a manera libera, podit finsas detzidi de no fai decrarazioni peruna. Issu, difatis, est tutelau de su legisladori poita ca at previdiu chi no si podint impreai tècnicas o maneras chi podint smenguai sa libertadi de autodeterminazioni o mudai sa capatzidadi de arregordai is fatos. Est un'atu de is indàginis preliminaris ca in su protzessu a s'imputau dd'ant a podi sutaponni a esàmini de is partis ex art. 208 c.p.p.. S'art. 64 c.p.p., individuatu is arrègulas generalis chi si depint ponni in aplicu.
<b>invalidità (del provvedimento amministrativo)</b>	<b>invalididadi (de s'atu amministrativu)</b> No cunformidadi de su provedimentu a is arrègulas, giurìdicas e nono, chi disciplinant s'esercitziu de su poderi amministrativu de su cali s'atu est espressioni, chi ocasionat s'inidoneidadi de su provedimentu a satisfai s' interessu pùblicu (diformidadi de su modellu legali).
<b>invalidità per vizi di legittimità</b>	<b>invalididadi po pecu de legittimidadi</b> Invalididadi po violazioni de is arrègulas giurìdicas chi disciplinant s'esercitziu de su poderi amministrativu (de su cali est espressioni su provedimentu etotu).

<b>invalidità per vizi di merito</b>	<b>invalidadi po pecus de matèria</b> Invalididadi po violatzioni de is arrègulas no giurìdicas de cumbivèntzia, oportunidadi e andamentu bonu de s'atzioni amministrativa chi disciplinant s' esercitziu de su poderi amministrativu (de su cali est espressioni su provedimentu etotu).
<b>IRPEF</b>	<b>IRPEF</b> Imposta asuba de su rèdditu de is personis fisicas. Bolit pagada cada annu e est calculada in proportzioni a su rèdditu.
<b>irregolarità provvedimento amministrativo)</b>	<b>(del irregolaridadi (de su provedimentu amministrativu)</b> Disformidadi de su modellu legali chi no ocasionat violatzioni de s' interessu pùblicu schetu, ma de àterus interessus pùblicos (esempru: documentu sena de indicatzioni de s' autoridadi a sa cali si podit presentai recursu).
<b>ISTAT</b>	<b>ISTAT</b> Istitutu natzionali de statistica.
<b>istituzione</b>	<b>istituzioni</b> Totu is benis e relatzionis sotzialis e giurìdicas, organizaus po cumpriri atividadis o punnai a un'obietivu de importu po is sòtzius, chi sa struttura si ndi diferèntziat in s'identidadi autònoma.
<b>istruttoria</b>	<b>istrutòria</b> Atividadi cumprida de un'ufitziu de s'amministratzioni pùblica o de unu giugi po nc'achiriri totu is informatzionis chi serbint a detzidi in contu de carichi chistioni determinada.
<b>iter legislativo</b>	<b>iter legislativo, legislatòriu</b> Totu is fasis chi si s'inghiant finsas a emiti una lei (esempru: sa proposta, sa dibata, sa votatzioni).
<b>ius aedificandi</b>	<b>ius aedificandi</b> Espressada latina chi bolit nai "diritu a fabricai".
<b>IVA</b>	<b>IVA - imposta asuba de su valori aciuntu</b> S'imposta stabilida de sa lei in pertzentuali asuba de su prètziu de unus cantu benis e servitzius.
<b>lavoro</b>	<b>traballu</b> Fueddu impreau a manera genèrica e chi bolit nai: - sa situatzioni giurìdica chi fait cabu a su raportu de traballu subordinau (piessinnau de s'onerosidadi, collaboratzioni, subordinatzioni e continuidadi); - sa situatzioni chi si cualificat comenti raportu autònomu (is duas formas printzipalis funt su cuntratu de òpera, v. 2222 ss., e sa prestazioni de òpera intelletuali, v. 2230 ss.); - s'atividadi de traballu a manera generali. Est su fundamentu sotziali de sa Repùblica (cunforma a s'art. 1 Cost.), printzipiu de sa forma nosta de Stadu, chi cundizionat s'interpretazioni de sa Costituzioni e de is leis.
<b>lavoro autonomo</b>	<b>traballu autònomu</b> Ddi nant "autònomu" a su traballu de su prestadori de un'òpera o de unu servitziu chi, cun discretzionalidadi po su chi pertocat sa manera de cumpriri un'atividadi, fait un'incàrrigu cun traballu po su prus de issu etotu, sena de vinculu de subordinatzioni in is cunfrontus de su cumitenti (art. 2222 de su c.c.). Su primu elementu ddu diferèntziat de s'atividadi imprenditoriali, poita ca ddoi at su printzipiu de auto-organizazioni de su traballu, duncas fatu giai totu sena de traballu de àterus. Su segundu elementu ddu diferèntziat de su traballu subordinau, innui ddoi at unu vinculu de assugetamentu de su traballadori a su datori. Traballus autònomus funt s'eletritzista, su pilucheri, su mediadori, s'abogau, su dotori. Su còdixi tzivili partzit su cuntratu de òpera

	<p>manuali (art. 2222 ss. c.c.), innui po su prus ddoi at un'atividadi materiali de su prestadori, e su cuntratu de òpera intelletuali (art. 2230 ss. c.c.), innui sa prestazioni po su prus est intelletuali. Su traballu "parasubordinau", chi ndi faint parti is "raportus de collaboratzioni comenti a prestatzionis de òpera sighida e coordinada, po su prus personali, finas chi no siat subordinada" s'agatat intra de su traballu autònomu e cussu subordinau. Esempru de parasubordinatzioni funt is raportus de agenzia e de rapresentàntzia.</p>
<b>lavoro festivo</b>	<p><b>traballu festivu</b> Traballu fatu in is diis de festa.</p>
<b>lavoro straordinario</b>	<p><b>traballu straordinàriu</b> Traballu fatu apustis de s' oràriu normali de traballu.</p>
<b>legge</b>	<p><b>lei</b> Fueddu chi inditat sa Costitutzioni, is leis costitutzionalis, is leis ordinàrias - statalis e regionalis - e is atus comenti a is decretus lei e decretus delegaus. Funt totu is normas chi su giugi ordinàriu no podit disaplicai (ddu podit fai in s'in casu de arregulamentus aministrativus) o annullai; issu, si ddus cunsiderat illegitimus cunforma a sa costitutzioni, ddus depit sutaponni a su sindacau de costitutzionalidadi de sa Corti Costitutzionali.</p>
<b>legge di bilancio</b>	<p><b>lei de bilàntziu</b> Cun custa lei de su Stadu, a manera preventiva, su Governu comùnecat a su Parlamentu is intradas e is gastus po s'annu imbenienti.</p>
<b>legge elettorale</b>	<p><b>lei eletoralis</b> Cun custa lei si eligint is òrganus de su stadu chi ddus nòminant inderetura is tzitadinus-eletoris (es. parlamentaris).</p>
<b>leggi penali</b>	<p><b>leis penalis</b> Funt is chi previdint fatus de reatus e is santzionis pertocantis (penas), aici puru cuddas chi cuncurrant a determinai elementus singulus de su reatu, is formas de manifestatzioni de su reatu (es. su tentativu), su sugetu ativu e passivu de su reatu, is causas de giustificatzioni, is causas de estintzionis, is circustàntzias agravantis e atenuantis, is santzionis penalis e s'execuzioni insoru.</p>
<b>legge regionale</b>	<p><b>lei regionali</b> Est s'atu emanau de sa Regioni cunforma a su poderi legislativu chi dd'at intregau sa Costitutzioni (po is matèrias tocat a castiai s'art. 117). In is Regionis cun autonomia spetziali, is matèrias funt determinadas de is Statutus cun livellu de lei costitutzionali (art. 116).</p>
<b>leggi speciali</b>	<p><b>leis spetzialis</b> Funt is leis chi arrègulant situatzionis o matèrias particularis, o chi funt po categorias pretzisas de sugetus. Po custas normas si ponit in aplicu su brocardu <i>lex specialis derogat legi generali</i>: si ponint in aplicu a s'ampasa de is normas prus generalis, ca serbint po normatizai una circustàntzia particulari.</p>
<b>legittima difesa</b>	<p><b>difensa legìtima</b> In su diritu penali ocasionat s'esclusioni de s'antigiuriditzidadi de su fatu lesivu: no ddoi at prus s'òbligu de sa rifata de su dannu, chi no podit essi cunsiderau ingiustu (art. 52 de su c.p.). In sedi tzivili, s'art. 2044 previdit chi sa difensa legìtima ndi boghit sa responsabilidadi de chini apat ocasionau unu dannu no giustu.</p>
<b>libretto di lavoro</b>	<p><b>libureddu de traballu</b> Fiat unu documentu innui si scriiant is datus personalis, su curriculum e is spetzializatzionis professionalis de su traballadori. Su libureddu de traballu dd'ant arremprasau cun sa "scheda professionali de su traballadori", intregada de is servitzius detzentraus po su traballu.</p>
<b>licenza</b>	<p><b>licèntzia, permissu</b></p>

	Atu aministrativu chi cuntzedid a unu privau sa possibilidadi a fai un' atividadi (esempru: sa licèntzia po aberri una butega).
<b>licitazione privata</b>	<b>licitazioni privada</b> Mèdiu chi s'aministratzioni pùblica podit impreai candu fait un'apaltu po sceberai s'impresa prus adata.
<b>liquidazione</b>	<b>licuidatzioni, pagamentu</b> 1. Pagamentu (esempru: pagamentu de sa pensioni). 2. Suprimidura de is entis pùblicus chi su stadu considerat sena de utilidadi o chi s' agatant in una situatzioni finantzieràia gravi.
<b>magistrato</b>	<b>magistrau</b> Ufitziali pùblicu chi esèrtzitat is funtzionis giurisditzionalis.
<b>magistratura</b>	<b>magistradura</b> Totu is òrganus chi esèrtzitant is funtzionis giurisditzionalis. Sa magistradura est su poderi de su Stadu definiu poderi giuditziàriu (diferenti de su legislativu de su Parlamentu e de s' esecutivu o aministrativu de su Guvernu), chi tenit autonomia prena e libertadi cunforma a su printzipiu de sa separatzioni de is poderis.
<b>malafede</b>	<b>fidi mala</b> Chi sa fidi bona est s'arrespetu de is diritus de is àterus, sa fidi mala est sa cuscièntzia de ddis andai contras.
<b>malattia</b>	<b>maladia</b> Patologia pigada traballendi, est a nai cali si siat maladia arrelatada a s'atividadi de traballu.
<b>minoranza linguistica</b>	<b>lingua de minorja</b> Una minorja linguistica est una comunidadi, presenti a livellu stòricu e cun nùmerus smenguaus, chi fueddat una lingua differenti de sa lingua ufitziali (po nosu s'italianu). In su territòriu de su Stadu italianu funt presentis is linguas tedescas e ladinis in Sud-Tirolu/Alto Adige, su frantzesu e su patois francu-provenzali in Baddi d'Aosta, su friulanu e su slovenu in Friuli Venètzia Giùlia, su sardu in Sardìnnia, su ladinu in is baddis de is Dolomitis intra de Vènetu e is Provìntzias autònomas de Trentu e Boltzanu, su cimbru de Luserna e Lavarone e de Asiago.
<b>mission</b>	<b>missioni, punna</b> Scopu istituzionali de s'impresa, est a nai totu is finalidadis e is valoris chi dda identificant in su cuntestu econòmicu-sotziali e funt sa basi po is strategias e atzionis suas.
<b>misura di salvaguardia</b>	<b>medida/mesura de salvaguàrdia, medida/mesura de amparu</b> Atu de su s'indigu po sentzai s'emissioni de sa cuntzessioni ediltzia in s'interis de s'aprovatzioni de su pianu reguladori generali e de àterus pianus urbanìsticus.
<b>mobbing</b>	<b>abusu, mobbing</b> Abusu in su logu de traballu.
<b>mobile</b>	<b>mòbili</b> (o beni mòbili): cosa chi si podit trantziri comentis a su dinai, oru o àterus valoris.
<b>mobilità</b>	<b>mobilidadi, re-impreu</b> Sistema impreau de chini donat traballu (s'aministratzioni pùblica o un' imprendidori privau) po nci tramudai is dipendentis suos de un'ufitziu a un' àteru.
<b>more uxorio</b>	<b>more uxorio</b>

	Espressada latina chi bolit nai "comenti cojaus".
<b>motivazione</b>	<b>motivazioni</b> Esposizioni de is arraxonis chi giustificant una detzisioni de su giugi.
<b>mozione di fiducia</b>	<b>motzioni de cunfiantza</b> Atu de su Parlamentu po espressai cunfiantza in is cunfrontus de su Governu.
<b>mozione di sfiducia</b>	<b>motzioni de discunfiantza</b> Atu de su Parlamentu po espressai discunfiantza in is cunfrontus de su Governu.
<b>mutuo</b>	<b>mùtuu</b> Est su cuntratu innui una parti nc'intregat a s'àtera una cantidadi de dinai determinada o de àtera cosa e s'àtera parti si òbligat a dda torrai. Su mùtuu podit essi onerosu (chi funt previdius is interessus) o a indonu. Est unu cuntratu reali, chi acabat candu si torrat sa cosa donada a imprèstidu.
<b>mutuo consenso</b>	<b>cunsensu mùtuu</b> Est s'acòrdiu de is partis po su chi pertocat sa sentzada de su cuntratu. Bolit espressau in sa pròpiu forma de su cuntratu de sentzai e tenit valori <i>ex tunc</i> (retroativu).
<b>nazione</b>	<b>natzioni</b> Est una comunidadi de individuus chi tenint a cumoni, ànturu de unu territòriu, vinculus ètnicus, linguisticus, culturalis e sotzialis.
<b>NCEU - Nuovo Catasto Edilizio Urbano</b>	<b>NCEU - Nou Catastu Edilitziu Urbanu</b> S' ufitziu innui s'agatat su registru de su catastu.
<b>NCT - Nuovo Catasto Terreni</b>	<b>NCT - Nou catastu de is Terrenus</b> Tenit sa funtzioni de fai su tzensimentu de is benis imòbilis po s'atziertamentu de is piessinnus tècnicus e econòmicus insoru.
<b>negozio fiduciario</b>	<b>negòtziu fidutzjàriu</b> Negòtziu giuridicu innui unu sugetu ( <i>fidutzianti</i> ) nci trasmitit unu diritu a un' àteru sugetu ( <i>fidutzjàriu</i> ), chi bolit esertzitau in una manera determinada e cun unu scopu definiu.
<b>non conformità</b>	<b>no cunformidadi</b> Farta de unu o prus rechisius, cunforma a is chi pedit sa lei o un'atu amministrativu.
<b>non luogo a procedere</b>	<b>no si podit protzedi</b> Est sa sentèntzia emìtia de su giugi de s'udièntzia preliminarì in s'in casu su fatu no sussistat o s'imputau no dd'apat cumìtiu o finas po àteras motivatzionis de no punibìlidadì (art. 425 c.p.p.).
<b>norma di diritto pùbblico</b>	<b>norma de diritu pùbblicu</b> Norma chi fait parti de cuddu setori de s'ordinamentu giuridicu chi disciplinat s'organizazioni de su Stadu e de is àterus entis pùbblicus, arrègulat s'atzioni insoru e imponit a is privaus su cumportamentu chi depint s'ighiri po arrespetai sa vida assotziada e su reperimentu de is mèdius finantzjàrius chi serbint po is finalidadis pùbblicas.
<b>norma giuridica</b>	<b>norma giuridica</b> Imperativu giuridicu chi si espressat po mèdiu de propositzionis prescrivitas cun piessinnu generali e astratu.
<b>norma penale</b>	<b>norma penali</b> Norma giuridica imperativa (est a nai obligatòria a manera incunditzionada), valutativa (ca cualificat unus cantu cumportamentus contras a is punnas de su Stadu) e statuali (ca ndi benit sceti de su Stadu) chi disciplinat una situatzioni



	giuridica penali, po mèdiu de su divietu de unu cumportamentu determinau acumpangiau, in s'in casu de trasgressioni, de una pena.
<b>norme tributarie</b>	<b>normas tributàrias</b> Is normas tributàrias funt is leis chi arrègulant sa modalidadi de atzertamentu o riscossioni de is tributus, aici puru is sanzionis de ponni in aplicu.
<b>nulla osta</b>	<b>nulla obsta, permissu</b> Decraratzioni scritta innui un'aministratzioni afirmat chi no ddoi at storbu perunu a sa cumprida de un' atividadi determinada.
<b>nullità (di un atto amministrativo)</b>	<b>nullidadi (de un'atu amministrativu)</b> Su pecu prus gravi de un'atu amministrativu. S'atu nullu, in sa pràtica, no esistit e no ocasionat efetus.
<b>obbligazione</b>	<b>obligatzioni</b> Est unu vinculu giuridicu chi cumandat ca unu sugetu passivu, depidori, depit tenni unu cumportamentu determinau a favori de un'àteru sugetu ativu, creditori, chi tenit su diritu de recramai a su pròpiu depidori su cumprimentu de sa prestatzioni (art. 1174 de su c.c.), chi podit essi in sa pràtica a donai, a fai o a no fai. Funt elementus de su raportu obligatòriu: - su dèpidu (òbligu giuridicu); - su crèditu (diritu sugetivu); - s'ogetu (sa prestatzioni); - s'interessu de su creditori. S'obligatzioni fait nasci unu diritu sugetivu chi ddi nant relativu, ca, a diferèntzia de is diritus sugetivus absolutus chi si podint fai balli contras a totus, custus si podint fai balli sceti in is cunfrontus de su depidori.
<b>obbligazionista</b>	<b>obligatzionista</b> Su fueddu "obligatzionista" inditat is sugetus chi tenint titulus obligatzionàrius, est a nai is titulus chi rapresentant unu dèpidu cun òbligus spetzìficus de su depidori in is cunfrontus de su creditori. Is titulus obligatzionàrius funt connotus finas comentu a "titulus de crèditu".
<b>obblighi civili</b>	<b>òbligus tzivilis</b> Cali si siat òbligu acapiau a una sanzioni tzivili ex art. 388.
<b>obbligo di garanzia</b>	<b>òbligu de garanzia</b> Est s'òbligu chi su tzedidori de unu crèditu pigat, in is cunfrontus de su tzessionàriu de su pròpiu crèditu, a ddi torrai una rifata (risartzimentu) in s'in casu de inesistèntzia de su crèditu chi s'est tzèdiu.
<b>oblazione (comitato)</b>	<b>oblatzioni (comitau)</b> Is sutascritoris (firmadoris) de unu comitau depint fai s'oblatzioni de dinai o dda depint promiti (art. 40 de su c.c.).
<b>oblazione (diritu penali)</b>	<b>oblatzioni (diritu penali)</b> Pagamentu voluntàriu de una suma de dinai chi nci smorrit (estinguit) su reatu contraventzionali, definida ordinària, est a nai cuntzèdia de diritu in s'in casu de contraventzionis punidas cun sa pena de s'amenda, o discretzionali, duncas candu est a discretzioni de su giugi si intamis est una contraventzioni punida cun sa pena de s'arrestu e de s'amenda, ex art. 162 de su c.p.
<b>occultamento</b>	<b>cuamentu, occultamentu</b> Bolit nai a cuai calincuna cosa, finas a manera temporànea.
<b>occultamento di documenti</b>	<b>cuamentu de documentus</b> A livellu giuridicu, s'ordinamentu considerat de rilevàntzia su cuamentu de documentus. No est netzessàriu duncas a cuai is documentus po mèdiu de ingannu o trampa.
<b>OCSE (Organizzazione per la</b>	<b>OCSE - Organizatzioni po sa Cooperatzioni e su Svilupu</b>

<b>Cooperazione e lo Sviluppo Economico)</b>	<b>Econòmicu</b> S'OCSE dd'ant istituída in su 1961 cun sa Cunventzioni de s'Organizazioni po sa Cooperatzioni e su Svilupu Econòmicu. Sa sedi de s'organizazioni est in Parigi e est cumposta de unu Segretariu, strutura in Direzionis Generalis.
<b>offerta al pubblico</b>	<b>oferta a su pùblicu</b> Est una proposta de cuntratu po destinatàriu generalis: depit tenni totu is elementus de su cuntratu propositu. Bolit fata a manera pùblica (es. publicatzioni in unu giorronali): a sa pròpiu manera bolit publicizada sa rèveca sua. S'offerta a su pùblicu bolit scrobada de sa promissa a su pùblicu, ca est vinculantis sceti avatu de s'acetatzioni.
<b>offerta non formale</b>	<b>offerta no formali</b> In chistionis de obligatzionis, est sa ponidura a dispositzioni de sa prestatzioni de parti de su depidori, fata sena arrespetai is formalidadis previdias de is articulus 1208 ss. c.c. po sa costituzioni in mora de su creditori. S'efetu de s'offerta no formali est su de impediri sa mora de su depidori.
<b>offerta per intimidazione</b>	<b>offerta po intimidazioni</b> In chistionis de mora de su creditori, custa oferta cunsistit in s'intimidazioni a su creditori a arriciri is cosas mòbilis de intregai a unu logu differenti de s'abitòriu cosa sua, fata cun un'atu notificau cunforma a is normas stabilidas po is atus de citazioni. S'ufitziali pùblicu chi fait s'intimidazioni est s'ufitziali giuditziàriu notificadori.
<b>omertà</b>	<b>omertadi</b> Fueddu chi indicat su cumportamentu de mudìmini chi espressat s'intenzioni de no collaborai cun sa giustitzia.
<b>onere</b>	<b>càrrigu, incàrriga, òneri</b> Paris cun sa cundizioni e su tèrmini, s'òneri est un'elementu atzessòriu de su cuntratu chi podit essi postu sceti a is negòtzius a titulu a indonu.
<b>onorario</b>	<b>cumpensu, onoràriu</b> Fueddu chi indicat su cumpensu de su liberu professionista, comentis s'abogau.
<b>ope legis</b>	<b>ope legis</b> Espressada latina chi bolit nai "cunforma a su chi disponit sa lei".
<b>opposizione (a decreto ingiuntivo)</b>	<b>opositzioni (a decretu ingiuntivu)</b> Protzedimentu chi cuntestat su diritu de chini apat otènniu s'emissioni de unu decretu ingiuntivu (art. 645 de su c.p.c.). Cumentzat cun una notifica de un'atu de citazioni.
<b>opposizione (a nuova opera)</b>	<b>opositzioni a òpera noa</b> Est sa cuntestatzioni, presentada in forma de denùntzia ex art. 1171 de su còdixi tzivili (denùntzia de òpera noa), a sa sighida de un'òpera chi s'est pesendi o chi si depat fraigai.
<b>opposizione (al decreto di ammortamento)</b>	<b>opositzioni (a su decretu de amortamentu)</b> Protzedimentu tzivili innui chini est meri de unu titulu de crèditu chi si pensat siat pèrdiu o furau, considerendi de tenni diritu a sa prestatzioni, s'oponit a su decretu de amortamentu e pedit a su giugi de fai balli is diritus cosa sua, in is cunfrontus de chini innantis fiat meri de su titulu e pensat de nc'ai pèrdiu su titulu a manera ingiusta.
<b>ordinamento giudiziario</b>	<b>ordinamentu giuditziàriu</b> Funt totu is normas giuridicas chi disciplinant is funtzionis e is ruolus de is sugetus chi s'ghint s'amministratzioni de sa giustitzia. Su r.d. 30 de gennàrgiu 1941, n. 12 tenit sa normativa de fundamentu chi pertocat s'ordinamentu giuditziàriu ma avatu in su tempus ant presentau unas cantu normativas po disciplinai àteras chistionis de su setori, comentis s'atzessu a sa magistradura e

	sa formatzioni de is magistraus.
<b>ordinamento giuridico</b>	<b>ordinamentu giuridicu</b> A manera generali, s'expressada bolit indicai totu is normas giuridicas in vigèntzia in unu Stadu. Ddoi funt definitziones diferentis de ordinamentu giuridicu, cunforma a sa teoria cunsiderada (es. normativista, giuspositivistica).
<b>ordinamentu sportivu</b>	<b>ordinamentu sportivu</b> Totu is normas chi disciplinant s'atividadi sportiva, siat de origini statali chi regionali, siat de emanazioni autònoma de parti de òrganus sportivus. S'ordinamentu sportivu est costituiiu, po su prus, de arrègulas stabilidas de custus òrganus, in s'àmbitu de is competèntzias e de is fainas chi depint fai cunforma a sa lei. Si previdit una reserva a manera esclusiva a is òrganus de giustitzia sportiva de is chistionis chi pertocant s'osservàntzia e s'aplicazioni de is arrègulas sportivas po assegurai sa cumpridura de custas atividadis e finas s'aplicu de is sanziones disciplinaris sportivas.
<b>ordinanza</b>	<b>ordinàntzia</b> In su protzessu tzivili est sa forma chi pigant is provvedimenti emitius de su giugi in su protzessu po nd'arregulai sa cumpridura e finas po ndi spoddiai is chistionis intra de is duas partis: custa est sa funtzioni ordinatòria de s'ordinàntzia. Est su provedimentu de su giugi istrutori (po nai, est cun s'ordinàntzia chi s'omitint is elementus istrutòrius chi pedint is partis); de dònna manera finas su collègiu, a bortas, dda podit impreai (art. 279 de su c.p.c.).
<b>ordinanza di convalida (civile)</b>	<b>ordinàntzia de cunvàlida (tzivili)</b> Provedimentu chi no si podit revocai e chi tenit valori de cosa giugada sustanziali po sa risolutzioni de su raportu locatòriu (de allogu). In s'ordinàntzia su giugi cunvàlidat sa licèntzia de allogu acabau o su sfratu e detèrminat candu s'ordinàntzia bolit posta in esecuzioni, in cabu de ses mesis.
<b>ordinanza di convalida (penale)</b>	<b>ordinàntzia de cunvàlida (penali)</b> S'ordinàntzia de cunvàlida est s'atu innui su giugi po is indàginis preliminaris legìtimat s'arrestu e su firmu fatu de sa politzia giuditziària e/o de su pùblicu ministeru (art. 391, c. 4, c.p.p.).
<b>organo collegiale</b>	<b>òrganu collegiali</b> Òrganu chi tenit comentis titularis unu grupu de personis fisicas cunsideradas a manera unitària. Est su chi detèrminat sa manera particulari de nc'adotai is atus de competèntzia (subprotzedimentu).
<b>organo monocratico</b>	<b>òrganu monocràticu</b> Òrganu individuali, chi tenit comentis titulari sceti una personi.
<b>ostativo</b>	<b>obstativu, ostativu</b> Totu su chi est de storbu o de impèigu (esempru: sa farta de un'autorizazioni est ostativa e ocasionat s'impossibilitadi de aberri una butega).
<b>ottemperanza</b>	<b>acumprimentu, ubidièntzia</b> Esecuzioni de un'òbligu.
<b>paesaggio</b>	<b>paesàgiu</b> Parti de su territòriu chi rapresentat una cumponenti de fundamentu de su patrimoniu culturali e naturali. Su Còdixi de is benis culturali e de su paesàgiu (D. Lgs. 42/2004) in s'art. 1 narat: "Ponendi in aplicu s'art. 9 de sa Cost., sa Repùblica amparat e avalorat su patrimoniu culturali s'ghendi is atributzionis de s'art. 117 Cost. e cunforma a is dispositzionis de custu còdixi etotu. S'amparu e s'avaloramentu de su patrimoniu culturali punnant a difensai sa memòria de sa comunidadi natzionali e de su territòriu cosa sua e a promovi su sviluppu de sa cultura". S'art 134 acrarat ca is benis paesagisticus funt is benis indicaus de s'art.136 (est a nai: imòbilis e àreas de interessu pùblicu mannu,

	aici puru villas, giardinus e parcus e àreas de innui mirai su panorama), e is benis chi funt indicaus de s'art.142 (territòrius de costera, frùminis, montis, parcus natzionalis, padentis, vulcanus).
<b>par condicio</b>	<b>par condicio</b> Espressada latina chi bolit nai "sa matessi cunditzioni".
<b>parentela</b>	<b>parentella, parentiu</b> Ligàmini chi ddoi at intra de genitoris (babus e masas) e fillus (chi ddi nant linia direta) o intra de fradis, tziu e nebodi (chi est sa linia collateralis). Sa lei distinghit custu ligàmini a segunda de su gradu de parentiu: aici, babu e fillu funt parentis de primu gradu; duus fradis, o s' ajaju e su nebodi (o sa neta) funt parentis de segundu gradu; bisaju e nebodi (o neta), o tzia e nebodi (o neta) funt parentis de su de tres gradus; duus fradilis funt parentis de su de cuàturu gradus.
<b>parere</b>	<b>parri</b> Consillu chi un'aministratzioni pedit a un'àtera innantis de nc'emitu un'atu.
<b>pari dignità sociale</b>	<b>dinnidadi sotziali aguali</b> Balit siat po is tzitadinus siat po is stràngius, ca su cristianu (s'òmini) est sa parti prus de importu de sa Costitutzioni.
<b>parlamento europeo</b>	<b>parlamentu europeu</b> Assemblea legislativa de s'Unioni europea, est s'ùnica istituzzioni europea chi dd'eligint inderetura is tzitadinus suos. Is poderis de su Parlamentu funt: su poderi legislativu, su poderi de bilàntziu e su poderi de controllu democràticu, totus cumpartzius paris cun su Consillu de s'Unioni europea.
<b>part time</b>	<b>part time, tempus partziali</b> Espressada inglesa chi bolit nai "a tempus partziali". Indicat unu raportu de traballu cun oràriu smenguau cunforma a cuddu normali (chi ddi nant "a tempus prenu o intreu").
<b>parte civile</b>	<b>parti tzivili</b> Parti eventuali de su protzessu penali, chi s'interventu suu punnat a nc'otenni sa rifata o sa torrada de su dannu acapiu a su reatu chi est ogetu de s'atziertamentu in sedi penali.
<b>parte del contratto</b>	<b>parti de su cuntratu</b> Est su "tzentru de interessus" in riferimentu a su cali si produsint is efetus de su cuntratu (parti sustantziali). Sa parti cuntratuale podit essi constituida de una personi fisica o giuridica, ma podit essi finas plurugetiva, chi est constituida de duas o prus personis. Si diferèntziat de sa parti sustantziali, giai arremonada, sa parti formali, chi est s'autori de s'atu, est a nai chini manifestat sa voluntadi de concludi su cuntratu.
<b>partecipazione al procedimento amministrativo</b>	<b>partecipatzioni/partetzipatzioni a su protzedimentu amministrativu</b> Possibilidadi de is privaus (o de is sugetus pùblicos interessaus no a manera istituzionali), interessaus a is atzionis de s'aministratzioni, de intervènni a manera ativa (art. 10, l.n. 241/90) in su protzedimentu amministrativu (articulus 7 e afatantis, l.n. 241/90, cun in aciunta is articulus 22 e imbenientis).
<b>partecipazione statale</b>	<b>partecipatzioni/partetzipatzioni statali</b> Strumentu diretu de su governu pùblicu de s' economia, chi cunsistit in sa partecipatzioni de su Stadu a strukturas sotzietàrias in cunformidadi a is schemas de su diritu privau.
<b>parti private (processo penale)</b>	<b>partis privadas (protezessu penali)</b> In su protzessu penali is partis privadas funt s'imputau, sa parti tzivili, su responsàbili tzivili, su chi est obligau a manera tzivili po sa pena in dinai.

<b>partiti</b>	<b>partidus</b> Assòtzius (no arreconnotus) de personis po su prus stàbilis, organizadas po nci portai is istàntzias e is bisòngius de is tzitadinus me in is sedis políticas.
<b>passivo sociale</b>	<b>passivu sotziali</b> Est sa suma de is valoris de cada dèpidu de sa sotziedadi – a tèrmini curtzu, mesanu e longu, aici puru unus cantu elementus de su patrimoniu francu (netu, limpiu), comentis is pèrdidas o is reservas.
<b>patrimonio disponibile (beni pubblici del)</b>	<b>benis disponìbilis, patrimoniu disponìbili (benis pùblicus de su)</b> Benis pùblicus de su patrimoniu chi appartenint a is entis pùblicus e funt arregulus, francu dèrogas legislativas, de is normas de su diritu comunu.
<b>patrimonio indisponibile (beni pubblici del)</b>	<b>patrimoniu indisponìbili (benis pùblicus de su)</b> Benis pùblicus de su patrimoniu, chi appartenint a su Stadu e a is entis pùblicus e sighint unu regimi giuridicu spetziali, comentis a su de is benis demanialis.
<b>patrimonio indisponibile riservato (beni pubblici del)</b>	<b>patrimoniu indisponìbili riservau (benis pùblicus de su)</b> Benis pùblicus de su patrimoniu indisponìbili, chi podint apartenni a manera esclusiva a su Stadu o a sa Regioni.
<b>patrimonio sociale</b>	<b>patrimoniu sotziali</b> Totu is benis chi nd'est titulari una sotziedadi, est a nai dinai, benis mòbilis e imòbilis, obligatzionis, crèditus. Est sa suma de atividadi e passividadi presentis in sa disponìbilidadi de sa sotziedadi. Est diferenti de su capitali sotziali, chi est sceti su valori in dinai de is cunferimentus de is sòtzius, aici comentis stabiliu in s'atu de costitutzioni de sa sotziedadi.
<b>patrimonio storico e artistico della Nazione</b>	<b>patrimoniu stòricu e artisticu de sa Natzioni</b> Sa Costituzioni, cun custa espressada, cunsiderat siat is benis pùblicus siat is benis privaus, chi bolint amparaus e avaloraus po sa memòria culturali e artistica de sa Natzioni.
<b>patrocinatore</b>	<b>patrotzinadori</b> Est su sugetu abilitau a difensai, rapresentai, assisti e agudai ananti de s'autoridadi giuditziària.
<b>patto (di esclusione della garanzia)</b>	<b>acòrdiu/patu (de esclusioni de sa garanzia)</b> Est un'acòrdiu innui is partis dèrogant a is normas de lei chi previdint unus cantu elementus naturalis de su cuntratu, comentis sa garanzia po is pecus e sa garanzia po s'evitzioni (pèrdida) in sa còmpora e bèndida. Custu patu ddu permitint sceti chi is normas chi si dèrogant funt "dispositivas", est a nai previdias comentis mudòngias e no inderogàbilis de s'ordinamentu giuridicu.
<b>PEC (Posta Elettronica Certificata)</b>	<b>PEC</b> Posta Eletrònica Tzertificada.
<b>pena</b>	<b>pena</b> Santzioni de s'autoridadi giuditziària avatu de unu protzessu penali, tenendi contu de sa gravidadi de su reatu e de sa capatzidadi a andai contras a sa lei (art. 133), in is cunfrontus de unu sugetu cundennau po ai cumitium unu fatu cun rilevàntzia penali, no sceti cun funtzioni punitiva, arrespetendi is printzipius de umanidadi, ma finas po nc'assegurai sa riabilitatzioni e po torrai a fai parti de sa sotziedadi (art. 27 Cost.).
<b>pena pecuniaria</b>	<b>pena in dinai</b> In su diritu penali, est una santzioni in dinai, posta po sa violatzioni de una norma penali. Fun penas in dinai sa multa (art. 24 de su c.p.) e s'amenda (art. 26 de su c.p.). In su diritu tzivili, sa pena in dinai est una santzioni amministrativa chi su giugi podit ghetai siat a is partis siat a tertzus.
<b>pensione</b>	<b>pensionis</b>

	Suma de dinai chi su Stadu o un'àteru enti pùblichu o privau donat a una personi candu no traballat prus.
<b>pensione di anzianità</b>	<b>pensioni de antzianidadi</b> Suma de dinai a favori de chini acabat de traballai apustis de unu nùmeru determinau de annus, previdiu de sa lei (chi acostumat a essi de 35 annus).
<b>pensione di guerra</b>	<b>pensioni de gherra</b> Suma de dinai chi donant a is militaris chi funt diventaus invàlidus po mori de sa gherra.
<b>pensione di reversibilità</b>	<b>pensioni de reversibilidadi</b> Suma de dinai chi donant a is eredis (mulleri o pobiddu, o fillus) de una personi chi depiat arriciri sa pensioni.
<b>pensione di vecchiaia</b>	<b>pensioni de becesa</b> Suma de dinai chi donant a chini at acabau de traballai poita ca at passau s'edadi màssima chi sa lei previdit po traballai (chi ddi nant edadi pensionàbili e chi a diis de oi acostumat a essi de 67 annus).
<b>pensione sociale</b>	<b>pensioni sotziali</b> Suma de dinai chi donant a is personis cun 67 annus de edadi e chi no tenint unu rèdditu chi ddis bastat po bivi.
<b>perdita (reddito di esercizio)</b>	<b>pèrdida (rèdditu de esercìtziu)</b> Est candu smènguat su capitali sotziali, ca nc'àrtziant is cumponentis negativus de su rèdditu cunforma a is positivus: est a nai ca is gastus funt prus artus de is ricavus.
<b>per tabulas</b>	<b>cunforma a is atus, per tabulas</b> Espressada latina chi bolit nai "comenti nc'arresurtat de is atus".
<b>perenzione</b>	<b>perentzioni</b> 1.S'estintzioni de su raportu protzessuali aministrativu ca no ddoi at su cumprimentu de una parti e po unu perìodu determinau, de atus protzessualis de pertinèntzia cosa sua. 2.Decadèntzia, prescritzioni, estintzioni de unu diritu, de una facultadi, de unu poderi no esertztau o chi no s'est fatu balli in cabu de is tèrminis stabilis (po mori de una lei o de unu cuntratu).
<b>perequazione (finanziaria)</b>	<b>perecuatzioni finantzària</b> In finàntzia sa perecuatzioni fiscali o tributària est s'eliminatzioni de is ingiustitziias in su setori tributàriu.
<b>pericolosità sociale</b>	<b>perigulosidadi sotziali</b> Piessinnu eventuali de s'autori de su reatu, chi est sa probabilidadi chi cumitat àterus reatus, chi bolit averiguada cunforma a s'art. 133, no permanenti ca est sutaposta a esàminis nous (art. 203). Is cuàturu formas spetzificas de perigulosidadi criminali previdias de su còdixi tzivili funt: sa retzidiva, s'avesura, sa professionalidadi in su reatu e su de essi acostumau (de naturali) a andai contras a sa lei.
<b>periculum in mora</b>	<b>perìgulu po retardu, periculum in mora</b> Espressada latina chi bolit nai "perìgulu ocasionau de unu retardu". Funt is perìgulus de dannu chi podint ocasionai is tempus longus de unu protzessu.
<b>periodo di comparto</b>	<b>perìodu, purrata de cumportu</b> Est su tempus in su cali su traballadori subordinau ausenti po maladia tenit su diritu a mantenni su postu de traballu.
<b>periodo di prova</b>	<b>perìodu, purrata de prova</b> Finas su dipendenti assuntu in servìtziu a tempus indeterminau est sugetu a una purrata de prova. Cumprida custa purrata de prova sena chi su raportu de

	traballu dd'apant sentzau, su dipendenti est cunfirmau in servìtziu cun s'arreconoscimentu de s'antzianidadi cumentzendi de sa dii de assuntzioni.
<b>perito</b>	<b>peritu, peritziadori</b> Sugetu assentau in s'albu dedicau, chi si ndi serbit su giugi candu si depant fai indàginis o arriciri e averiguar datus innui si pedint cumpetèntzias tècnicas spetzificas, científicas o artisticas ex art. 220.
<b>persona fisica</b>	<b>personi fisica</b> S'ordinamentu giuridicu considerat personi fisica dònna personi nàscia bia, finas chi no vitali, duncas finas morta luegus etotu de chi est nàscia. Custa est sugetu de diritu, est a nai tzentru de imputatzioni de situatzionis giuridicas. S'art. 2 Cost., chi narat "sa Repùblica arreconoscit e assegurat is diritus inviolàbilis de s'òmini (su cristianu), siat comenti singulu siat me in is formatzionis sotzialis innui si cumprit sa personalidadi sua", amparat is diritus de sa personalidadi, chi si podint considerai comenti cuddus diritus chi tenint comenti a ogetu atributus essentzialis de sa personi umana. Is diritus printzipalis de sa personalidadi funt su diritu a sa vida, su diritu a s'integridadi personali e a sa saludi, su diritu a sa segretesa, a s'onori e a sa nomena, su diritu a su nòmmini e a sa identidadi. Custus diritus essentzialis funt personalis, assolutus (chi balint <i>erga omnes</i> ), inalienàbilis, imprescritibilis e chi no si podint trasmiti.
<b>persona giuridica</b>	<b>personi giuridica</b> Aici est definiu un'enti unitàriu arreconnotu de s'ordinamentu comenti unu sugetu de diritu autònomu, est a nai cun capatzidadi giuridica diferenti de cudda de is personis fisicas, paris cun s'elementu patrimoniali. Sa personi giuridica punnat a lompi a finis generalis (p.g. de diritu pùbliku, comenti a su Stadu) o individualis (comenti a is sotziedadis de capitalis), chi su singulu no iat a podi fai. Elementus constitutivus funt is personis, unu patrimoniu, un'obietivu e s'arreconoscimentu de parti de s'ordinamentu.
<b>persona giuridica straniera</b>	<b>personi giuridica stràngia</b> Est sa personi giuridica no costituída e nimancu arregulamentada de sa lei italiana.
<b>persona incaricata di un pubblico servizio</b>	<b>personi incarrigada de unu servìtziu pùbliku</b> Funt sugetus chi, a cali si siat titulu, faint unu servìtziu pùbliku, est a nai un'atividadi disciplinada in sa pròpiu forma de sa funtzioni pùblica, ma piessinnada de sa farta de is poderis de custa, cun escludura de is masionis simplis de òrdini e de sa prestatzioni de òpera materiali ex art. 358 de su c.p.
<b>personalità giuridica</b>	<b>personalidadi giuridica</b> Po un' Enti/personi giuridica, rapresentat sa dispositzioni a essi titulari de situatzionis giuridicas ativas e passivas, e a gosai de un'autonomia patrimoniali perfeta po is obligatzionis chi s'in casu mai si funt fatas.
<b>persone</b>	<b>personis</b> In su linguàgiu giuridicu is personis podint essi fisicas o giuridicas. Is primus funt totu is òminis e is fèminas titularis de diritus e doveris arricius cun sa nàscida; is àteras funt totu is sugetus diferentis de is primus comenti a organizatzionis, fundatzionis, sotziedadis.
<b>petizione (eredità)</b>	<b>petizioni (ereditadi)</b> Est s'atzioni promòvia de s'eredi po nc'otenni s'arreconoscimentu de sa calidadi sua in is cunfrontus de chini tenit totus o parti de is benis ereditàrius cun su titulu de eredi o sena de titulu perunu, po si ddu torrai (art. 533 de su c.c.).
<b>petizione (popolare)</b>	<b>petizioni (popolari)</b> Arrechesta formali de is tzitadinus po otenni de arrexonai in sedi legislativa de situatzionis o esigèntzias particularis.

<b>piano esecutivo di gestione</b>	<b>pianu esecutivu de gestioni</b> Su Pianu esecutivu de gestioni est su programa cun is obietivus e is modalidadis de cumprimentu de s'atzioni amministrativa e de is gastus de investimentu.
<b>piano regolatore</b>	<b>pianu arreguladori/reguladori</b> Su Pianu reguladori comunali generali est su strumentu po sa pianificatzioni urbanìstica de livellu comunali.
<b>politica estera</b>	<b>politica èstera</b> Est s'atividadadi statali de unu Stadu po sa definitzioni de is prioridadis e de is interessus in s'àmbitu de is arrelatas internatzionalis cun is àterus Stadus chi faint parti de sa Comunitàdi internatzionalis. In su governu italianu s'òrganu de atuatzioni de sa politica èstera est su Ministeru de is Afàrius Èsterus, struturau in 8 diretzionis generalis: po is afàrius politicus e de seguresa, po sa promotzioni de su sistema Stadu, po sa mondializatzioni e is chistionis globalis, po s'Unioni europea, po sa cooperatzioni a su sviluppu, po is italianus foras de Stadu, is políticas migratòrias, po is resursas e s'innovatzioni.
<b>politica generale del Governo</b>	<b>politica generali de su Governu</b> Est s'atividadadi de su Governu, chi ponit in aplicu s'idiritzu politicu.
<b>politica nazionale</b>	<b>politica natzionali</b> Sa partecipatzioni de is tzitadinus a sa politica est lìbera: si punnat a rapresentai totu is obietivus, is programmas e is ideas de is italianus po governai e essi governaus cunforma a is printzìpius de su sistema costitutzionali.
<b>polizia giudiziaria</b>	<b>polizia giuditziària</b> Est su strumentu chi su Stadu impreat po amparai s'òrdini e sa legalidadadi. Sa funtzioni sua est stabilida de s'art. 55 c.p.p., chi previdit ca "depit, finas cun iniziativa sua etotu, connosci is novas de is reatus, parai fronti a sa possibilidadi de àterus reatus, agatai is autoris, spoddiai totu is atus chi serbint po assegurai is testimonias de prova e arregolli totu su chi serbit po s'aplicatzioni penali de sa lei". Tenit duncas una funtzioni repressiva de su reatu e custa funtzioni si cumprit cun sa verifica de su pùblicu ministeru e de su procuradori generali de sa corti de apellu; po custu est una dipendèntzia funtzionali cunforma a s'art. 109 Cost. No esistit unu corpus autònomu de polizia giuditziària, ma una funtzioni de polizia giuditziària chi dda faint: - is setzionis de polizia giuditziària istituidas me in s'ufitziu de su ministeru pùblicu; - is servitzius de polizia giuditziària, istituius me in is cuesturas e me in is cumandus de s'Arma de is Carabineris, de sa Guàrdia de Finàntzia e àterus; - is chi faint parti de àterus òrganus de polizia, diferentis de is primus duus, chi cunforma a sa lei depint fai indàginis pertocantis is reatus.
<b>polizia locale</b>	<b>polizia locali</b> Corpus o servitziu de polizia fruniu de is entis localis territorialis statalis, cun competèntzia riferida a su territòriu de s'enti de su cali dipendit. Depit tutelai sa seguresa de is tzitadinus de is logus pùblicus de is tzitadis e de su territòriu de competèntzia. Is Regionis tenint competèntzia legislativa esclusiva de polizia amministrativa locali (art. 117 Cost.).
<b>polizza di assicurazione</b>	<b>politza de assicuratzioni</b> Documentu probatòriu de su cuntratu de assicuratzioni (chi bolit sa forma scritta <i>ad probationem</i> ). Sa politza tenit sa descritzioni de s'arriscu assicurau e is cunditionis generalis, e is clàusolas bolint aprovadas de su ministru de competèntzia in su setori 'vida' e in su de sa responsabilidadi po sa circolatzioni de veiculus e natantis.
<b>potere dello Stato (giudizio costituzionale)</b>	<b>poderi de su Stadu (giudìtziu costitutzionali)</b> Segundu sa Corti costitutzionali, est dònna òrganu chi siat assumancu



	arremonau de sa Costitutzioni, chi ddi spetint atributzionis costitutzionalis, cun facultadi de ponni in pràtica atus, chi si podint imputai a su Stadu, in positzioni de autonomia e indipendèntzia. Po nai, funt poderis de su Stadu is Càmeras, su Guvernu, su Presidenti de sa Repùblica, sa Corti Costitutzionali, is magistras. Sa Corti Costitutzionali at espressau su parri chi finas su comitau chi promovit su referendum siat poderi de su Stadu.
<b>potere esecutivo</b>	<b>poderi esecutivu</b> Ainturu de un'organizazioni pùblica, est su poderi cunferiu a chini ddi spetat sa funtzioni de atuatzioni de is detzisionis e de is sceberus fatus de is òrganus chi depint deliberai (in su Stadu, su Guvernu rapresentat su poderi esecutivu; in is regionis, est sa Giunta).
<b>potere politico</b>	<b>poderi politicu</b> Est sa potestadi de impèriu, chi spetat a su Capu de su Stadu e a is òrganus legislativus e esecutivus. Est diferenti de su poderi legislativu e de su poderi giudizziàriu; custus poderis funt stesias s'unu de s'àteru.
<b>potestà patria (dei genitori)</b>	<b>pàtria potestadi, potestadi paterna</b> Cunforma a s' art. 30 Cost. est doveri e diritu de is genitoris su de mantenni, istruiri e educai is fillus. Prusaprestu, s' art. 316 c.c., aici comentu mudau de sa lei n. 151/1975, at atribuiu a ambaduus is genitoris, e no sceti a su babu, s' esercitziu de sa potestadi.
<b>PRA - pubblico registro automobilistico</b>	<b>PRA - registru automobilisticu pùblicu</b> S'ufitziu innui ddoi funt arregistraus totu is datus de is autoveìculus (esempru: veturas, mototzicretas, rimòrchius) autorizaus a sa circolatzioni.
<b>prassi</b>	<b>costumàntzia, prassi, usàntzia</b> Usàntzia sghida de un'ufitziu (esempru: podit essi prassi de un'ufitziu sa de atzetai rechestas de parti de is tzitadinus finas a su telèfonu).
<b>precedente</b>	<b>pretzedenti</b> Detzisioni liada in passau de unu giugi o de un'aministratzioni pùblica po risolvi una chistioni chi assimbillat a sa chi s'est studiendi.
<b>prefetto</b>	<b>prefetu</b> Est un'òrganu monocràticu perifèricu de su Stadu, chi rapresentat su guvernu in sa provìntzia e dipendit a livellu burocràticu de su Ministeru de s'internu: s'ufitziu innui cumprit sa funtzioni sua est sa "prefetura-ufitziu territoriali de su guvernu".
<b>prescrizione</b>	<b>prescritzioni</b> Candu si perdit unu diritu. Acuntessit candu una personi no impreat unu diritu suu po unu periodu de tempus stabiliu de sa lei. Sa prescritzioni si diferèntziat de sa decadèntzia (art. 2964-2969) ca: 1. in sa primu si fait riferimentu a is "cunditziunis sugetivas" de su titulari de su diritu, mentris in sa segundu ndi bessit a pillu su datu ogetivu de sa farta de exercitziu de su diritu; 2. in sa prescritzioni si cunsiderat su tempus comentu "dura", in sa decadèntzia comentu "distàntzia"; 3. sa prescritzioni torrat sceda a un'esigèntzia de òrdini pùblicu, mentris sa decadèntzia podit difensai finas unu bisòngiu privau.
<b>prescrizione del reato</b>	<b>prescritzioni de su reatu</b> Est una modalidadi de estintzioni de su reatu chi si cumprit candu, po mori de is tempus chi si funt allonghiaus, su Stadu spàciat s'interessu cosa sua a sa punitzioni de unu sugetu cunforma a unu reatu determinau. Si podit castiai su chi previdint is articulus art. 157 c.p. e ss. S'istitutu de sa prescritzioni si podit ponni in aplicu finas a sa pena (art. 17 c.p.).
<b>prescrizioni presuntive</b>	<b>prescritzionis presuntivas</b>

	<p>Prescritzionis chi pertocant is dèpidus de genia particulari chi sa lei considerat estintus de chi funt spaciaus is tèrminis stabilius de 6 mesis a 3 annus, lassendi a sa parti contras a sa cali siat oposta sa prescritzioni s'unicu provedimentu de deferiri a s'àtera parti su giuramentu detzisòriu po averiguai chi s'estintzioni de su dèpidu si siat cumprida a manera efetiva. S'arriscu de su deferimentu de giuramentu detzisòriu consistit in su fatu ca su creditor no podit, in sedi tzivili, scumproai sa farsidadi e, chi custa dd'ant decrarada in sedi penali cun sentèntzia giai giuigada, nimancu pediri sa revocatzioni de sa sentèntzia ex art. 395 n. 2 (at a podi otenni sceti sa rifata de su dannu cunforma a s'art. 2738 de su c.c.). Est una presuntzioni legali de pagamentu e, duncas, de estintzioni de s'obligatzioni.</p>
<b>presidente del consiglio dei ministri</b>	<p><b>presidenti de su consillu de is ministrus</b></p> <p>A bortas ddi nant finas "premier", est un'òrganu costitutzionali de importu mannu, chi coòrdinat s'atividadi de su Governu e de s'Esecutivu in generali. Ddu nòminat su Presidenti de sa Repùblica apustis de is consultatzionis, cun s'afidamentu de s'incàrrigu de governu e duncas de fai sa struttura chi custu at a presiedi e chi at a depi otenni, a primu, sa cunfiantza de is Càmeras. Dirigit sa política de su Governu e nd'arrespundit ananti de su Parlamentu.</p>
<b>presidente del consiglio di amministrazione</b>	<p><b>presidenti de su consillu de aministratzioni</b></p> <p>Depit cunvocai su CDA, ndi dirigi is reunionis, averiguai e sutascriri is verbalis: ddu nòminant ainturu de is cumponentis de su consillu de aministratzioni etotu.</p>
<b>presidente del consiglio regionale</b>	<p><b>presidenti de su consillu regionali</b></p> <p>Òrganu monocràticu cun funtzioni de rapresentàntzia de su Consillu, chi ndi dirigit is traballus in posizioni de indipendèntzia e impartzialidadi (es. aprontat is puntus in s'agenda de is traballus po sa dii o ponit in aplicu s'arregulamentu internu). Ddu eligint is Consilleris, in sa primu setziada de su Consillu, cun sa maioria apostivigada de su Statutu regionali e de is arregulamentus.</p>
<b>presidente del tribunale</b>	<p><b>presidenti de su tribunali</b></p> <p>Est su capu de su tribunali; me in is tribunalis partzius in setzionis, donniuna presentat su presidenti suu. Sa funtzioni sua est sa de organizai e coordinai s'ufitziu giuditziàriu.</p>
<b>presidente della corte costituzionale</b>	<p><b>presidenti de sa corti costitutzionali</b></p> <p>Dd'eligit sa Corti costitutzionali a scrutiniu segretu cun sa presidèntzia de su giugi prus antzianu de càrriga e a majoria de is cumponentis cosa sua. Est sa de cincu càrrigas de su Stadu. Depit organizai e dirigi is traballus de s'ufitziu, e tenit sa rapresentàntzia esterna de su collègiu. Nòminat unu giugi po s'istrutzioni e sa relata in is giuditzius de legitimidadi costitutzionali e sa cunvocatzioni de sa Corti po s'arraxonada in cabu de binti diis imbenientis; apostivigat cun decretu sa dii de s'udièntzia pùblica de sa Corti; tenit sa facultadi de arregulai s'arraxonada e de ndi determinai is puntus prus de importu; est su chi votat a ùrtimu me in is deliberatzionis de is ordinàntzias e de is sentèntzias e, s'in casu de paridadi de votus, sa preferèntzia sua balit che a majoria.</p>
<b>presidente della repubblica</b>	<p><b>presidenti de sa repùblica</b></p> <p>Òrganu costitutzionali, de gèneri monocràticu, indicau finas comentis a Capu de su Stadu, ca rapresentat s'unidadi natzionali e est finas su chi difensat sa Costituzioni. Est unu poderi neutrali, apartiticu e impartziali (<i>super partes</i>), cun unus cantu funtzionis essentzialis de garantzia e de controllu asuba de is òrganus de indiritzu polìticu.</p>
<b>presidenti delle camere</b>	<p><b>presidentis de is càmeras</b></p> <p>(de sa Càmera e de su Senau) tenint sa masoni istitutzionali de disciplinai totu is atividadis arreguladas de dispositzionis chi pertocant is arregulamentus parlamentaris. A is Presidentis de is Càmeras ddus eligint ainturu de custas</p>

	<p>etotu, a majoria cualificada, arresurtant (o depint arresurtai) impartzialis finas in is cunfrontus de is àterus poderis de su Stadu, podint fai sa cunvocatzioni desemprada (straordinària) de is Càmeras, ddus podint consultai innantis de sa sentzada de custas etotu, dirigi is setziadas e finas aprontai su calendàriu, nominai is cumponentis de is giuntas parlamentaris e esertzitari is poderis disciplinaris e de politzia.</p>
<b>presidenza del consiglio</b>	<p><b>presidèntzia de su consillu</b> Funt totu is ufizius dipendentis inderetura de su Presidenti de su Consillu, chi ndi faint parti su segretariau generali (po s'organizatzioni e gestioni de is resursas), is ufizius de imprenta, su tzerimoniali, struturas chi ddas impreant is Ministrus sena portafòlliu e is sutasegretàrius delegaus de su Presidenti de su Consillu, missionis temporàneas, unidadi de coordinamentu de prus dipartimentus. S'organizatzioni de is ufizius dipendentis inderetura de su presidenti de su consillu s'ghit su d.lgs. de su 30 de su mesi de argiolas 1999 n. 300, chi a su presidenti nc'assinnat s' autonomia contàbili e organizativa.</p>
<b>presidio</b>	<p><b>presidiu</b> Su fueddu "presidiu" est sinònimu de "difensa". In su setori militari e paramilitari rapresentat unu contingentu aposentau in unu logu determinau po ddu controllai e difensai; in prus podit indicai e marcai (ponni is làcanas) una circuscritzioni territoriali sutaposta a un'autoridadi ùnica.</p>
<b>prestatore d'opera</b>	<p><b>prestadori de òpera</b> Parti de su cuntratu chi si òbligat a cumpriri s'òpera o su servìtziu, de norma unu imprendidori pìticu cunforma a s'art. 2083 de su c.c., o finas unu prestadori de òpera ocasionali.</p>
<b>prestatore d'opera intellettuale</b>	<p><b>prestadori de òpera intelletuali</b> Est chini si òbligat, cun cumpensu, a cumpriri un'atividadi intelletiva chi arresurtat sa parti prus manna cunforma a s'atividadi materiali (es. cumertzialista, abogau,...).</p>
<b>prestatore di lavoro</b>	<p><b>prestadori de traballu</b> Cunsiderau comentu a traballadori dipendenti (art. 2094 de su c.c.), est chini, cunforma a unu cuntratu, arresurtat subordinau a is diretivas imprenditorialis o professionalis de su datori de traballu, frunendi duncas su traballu intelletuali o manuali cosa sua po una retributzioni (stipèndiu o salàriu).</p>
<b>privatizzazione</b>	<p><b>privatizatzioni</b> Bèndida de is benis a is privaus (esempru: edifitzius, indùstrias).</p>
<b>privatizzazione in senso formale</b>	<p><b>privatizatzioni formali</b> Est sa primu fasi de su protzessu de privatizatzioni, chi pertocat su mudamentu de sa strutura organizativa de is entis: de pùblica (entis pùblicus, econòmicus, aziendas spetzialis, entis gestoris de partecipatzionis statalis) diventat privada (s.p.a.), abarrendi asuta de su controllu pùblicu, ca su Stadu est titulari de is atzionis de majoria o finas de totu is atzionis.</p>
<b>privatizzazione in senso sostanziale</b>	<p><b>privatizatzioni sustanziali</b> Est sa segunda e ùrtimu fasi de su protzessu de privatizatzioni, chi pertocat sa sentzada de parti de su Stadu, chi nd'est titulari, de is atzionis de is entis privatizaus.</p>
<b>procedimento amministrativo</b>	<p><b>protzedimentu amministrativu</b> Totu is atus e is atividadis cumpridas de s'amministratzioni pùblica po adotai un' atu finali (esempru: un'autorizatzioni, unu cuntratu, una cunventzioni).</p>
<b>procedimento disciplinare</b>	<p><b>protzedimentu disciplinari</b> Totu is atus e is atividadis chi s'amministratzioni pùblica impreat candu depit stabiliri chi unu dipendenti suu bolit puniu ca at violau is normas chi depiat arrespetai.</p>

<b>processo</b>	<b>protzessu</b> Cun sinnificau literalu est s'arresurtau de una filera de atus e atividadis, cumprius po unu scopu finali. Me in is chistionis giuridicas, est su strumentu po ponni in aplicu su poderi giurisditzionali de su Stadu.
<b>processo a porte chiuse</b>	<b>protzessu a gennas serradas</b> Candu po esigèntzias de riservadesa o de òrdini pùblicu su protzessu bolit fatu in s'àula de s'udièntzia sena de pùblicu.
<b>processo amministrativo</b>	<b>protzessu amministrativu</b> Est su protzessu po is controversias chi nascint ainturu de s'Aministratzioni Pùblica, o finas intra sa A.P. e is tzitadinus privaus.
<b>processo civile</b>	<b>protzessu tzivili</b> Fileru de atus chi cumentzat cun s'esercitziu de s'atzioni tzivili, cun sa punna de assegurai sa difensa de is diritus sugetivus arreconnotus de is normas de diritu sustantziali.
<b>processo penale</b>	<b>protzessu penali</b> Fileru de atus chi cumentzant cun s'esercitziu de s'atzioni penali de parti de su pùblicu ministeru e acabat cun s'irrevocabilità de sa sentèntzia e chi punnat a averiguai chi ddoi at violatzioni de una o prus normas penalis, chi ocasionat sa punibilità de su sugetu.
<b>processo verbale</b>	<b>protzessu verbali</b> Est definida aici, a manera genèrica, sa documentatzioni scritta de un'atividadu o de fatus determinaus e cumportamentus, chi nd'est sa prova de s'esistèntzia insoru. Chi sa redatzioni de su protzessu verbali s'afidat a unu pùblicu ufiziali (comenti su cantzellieri o s'ufiziali giuditziàriu), custu ddi donat atributzioni de fidi pùblica, est a nai su verbali rapresentat una prova finsas a cuerela de farsu. Pruschetotu, su verbali de udièntzia assentat is atus protzessualis, is atus materialis, su depòsitu de documentus o àterus scritus de difensa intregaus de is partis, includida s'atividadu istrutòria e sa rechesta e nòmina de su C.T.U. S'ufiziali giuditziàriu aprontat su protzessu verbali, po nai, in sedi de esecuzioni fortzada (pignoramentu o candu si lassat unu beni imòbili).
<b>procura</b>	<b>procura</b> Est s'atu unilaterali cun su cali unu sugetu intregat a un'àteru su poderi de ddu rapresentai: su rapresentanti, duncas, at a fai totu in nòmini e po contu de su chi rapresentat, impinnendi-ddu de su totu in is cunfrontus de tertzus. A bortas su legisladori impreat su fueddu "mandau" po indicai sa procura (art. 317 de su c.p.c., art. 2957 de su c.c.).
<b>procuratore della repubblica</b>	<b>procuradori de sa repùblica</b> Est s'òrganu de su Stadu a capu de s'ufitziu de sa Procura, istituui in sa Corti de Cassatzioni, is Cortis de Apellu, is Tribunalis ordinàrius e po is minoris de edadi; in su protzedimentu penali ananti a su giugi de paxi, est cumpetenti su de su tribunali innui in su tzircundàriu tenit sa sedi su giugi onoràriu. Est su magistratu cun funtzionis incurentis chi dirigit s'ufitziu de sa Procura, nd' organizat s'atividadu e ponit in aplicu is funtzionis atribuidas de sa lei a su pùblicu ministeru o ddas assinnat a is àterus magistratus addetus a s'ufitziu (sustitutus procuradoris aciuntus o procuradoris aciuntus).
<b>procuratore generale</b>	<b>procuradori generali</b> Sa procura est s'òrganu de sa pùblica acusa organizau cunforma a una struttura no geràrchica ma piramidali cun apitzus sa procura generali chi s'agatat in sa cassatzioni, s'ghida de sa procura generali me in sa corti de apellu distretuali e avatu sa procura de sa Repùblica de cada tribunali singulu. Su procuradori generali est duncas sa ghia de totu sa struttura. Tenit sa masioni de organizai s'ufitziu siat gestendi s'atividadu sua siat individuendi is magistratus po ddis afidai su stùdiu de cada chistioni.

<b>procuratore nazionale antimafia</b>	<b>procuradori natzionali antimàfia</b> Titulari de sa Diretzioni Natzionali Antimàfia cun funtzionis de coordinamentu de is indàginis cumpridas de cada Diretzioni distretuali antimàfia (DDA) in is reatus cumitius de sa criminalidadì organizada, po nc'assegurai sa connoscèntzia de is informatzionis intra de totu is ufizius interessaus e de cullegai apari is DDA candu ndi bessant a pillu acuntessimentus o circostàntzias de importu intra de duas o prus de custas (v. art. 371 bis).
<b>professionista</b>	<b>professionista</b> In sa normativa chi disciplinat is cuntratus chi ndi fait parti su consumadori, est "professionista" sa personi fisica o giurìdica chi òperat in s'esercìtziu de s'atividadì imprenditoriali sua, cumertziali, artigianali o professionali, o finas un'intermediàriu cosa sua.
<b>provincia</b>	<b>provìntzia</b> Enti pùbliku territoriali, intermèdiu intra de Comuni e Regioni, costituiu de totu is comunus lacanàrgius, cun autonomia aministrativa e contàbili. In su tempus nc'at pèrdiu unus cantu funtzionis e ant finas suprìmiu sa giunta provintziali (D.L. 201/2011).
<b>provvedimento</b>	<b>provvedimentu</b> Atu de unu poderi pùbliku chi serbit po interverni asuba de una matèria e in is cunfrontus de unu o prus destinatàrius determinaus. Si chistionat de provedimentus giurisditzionalis in riferimentu a is detzisionis de su giugi emitias sceti in is formas previdias de is còdixis de protzedura (art. 131 de su c.p.c., art. 125 de su c.p.p.), est a nai sentèntzia, ordinàntzia, decretu.
<b>provvedimento amministrativo</b>	<b>provvedimentu aministrativu</b> Atu tipicu de esercìtziu de s'atividadì de aministratzioni ativa, chi si podit espressai in una manifestatzioni de voluntadi diretta a s'interessu pùbliku primàrgiu: est piessinnada de unilateralidadì, imperatividadì, inopunnabilidadì, tipitzidadì e, a manera eventuali, de esecutoriedadi.
<b>provvedimento autorizzatorio</b>	<b>provvedimentu autorizadori/de autorizatzioni</b> Provvedimentu ampliativu chi ndi bogat unu lìmìti a s'esercìtziu de unu diritu chi est giai in s'àmbitu giurìdicu de su destinatàriu.
<b>provvedimento concessorio</b>	<b>provvedimentu cuntzessori/de cuntzessioni</b> Provvedimentu ampliativu chi cuntzedit a su privau unu profetu patrimoniali chi no fiat in s'àmbitu giurìdicu suu e produsit unu raportu obligatòriu cun sa P.A..
<b>provvedimento perfetto</b>	<b>provvedimentu perfetu</b> Provvedimentu aministrativu cun totu is elementus de rilevàntzia po s' esistèntzia giurìdica sua.
<b>provvedimento valido</b>	<b>provvedimentu bàlidu/vàlidu</b> Provvedimentu aministrativu cunforma a sa chistioni in ogetu e in astratu acrarada de parti de su legisladori.
<b>pubblica amministrazione</b>	<b>aministratzioni pùblica</b> Funt totu is entis pùblicos chi cumprint s'atividadì aministrativa (v.41-43 Cost.), est a nai s'atividadì chi punnat a is interessus pùblicos, considerendi finas is entis pùblicos econòmicus, chi cumprint s'esercìtziu de un'atividadì econòmica e duncas chi òperant in regimi de diritu privau cunforma a su perfilu protzessuali. Si chistionat finas de entis pùblicos funtzionalis cun operatividadì natzionali (es.: su Stadu) o territoriali (es.: Regioni, Comuni, Provintzia), destinaus a punnai a is interessus generalis de sa colletividadì. Is printzipius de fundamentu chi arrègulant s'atividadì de sa P.A. sighint s'art. 97 de sa Cost. e funt s'impartzialidadì, s'andamentu bonu e sa trasparèntzia.
<b>pubblici ufficiali</b>	<b>ufitzialis pùblicos</b> Funt sugetus chi si considerant siat in su I, siat in su de III comas de s'art. 57

	c.p.p.. Is primus tenint una cumpetèntzia generali in s'ordinamentu de s'aministratzioni de sa seguresa pùblica; is segundus tenint una cumpetèntzia sceti po reatus determinaus, giai sèmpiri de preventzioni, e ponint in aplicu funtzionis de politzia giuditziària cunforma a is atributzionis de sa lei. Tenint funtzionis legislativas, giuditziàrias e aministrativas.
<b>pubblico servizio</b>	<b>servìtziu pùblicu</b> Un'atividadi disciplinada in is pròpius formas de sa funtzioni pùblica, ma piessinnada de sa mancàntzia de is poderis spetzificus de costa, e cun esclusioni de masionis simplis de òrdini e de sa prestazioni de òpera materiali ex art. 358. Is servìtzius pùblicos funt prestazioni de interessu colletivu, frunidas de is entis pùblicos.
<b>qualifica</b>	<b>cualifica</b> Acrarat sa positzioni spetzifica (su status professionali) de su traballadori cunforma a is fainas chi podit fai o chi ddi funt afidadas, e finas cunforma a su tratamentu giuridicu e econòmicu.
<b>qualificazione giuridica</b>	<b>cualificatzioni giuridica</b> Operatzioni interpretativa po ponni in pràtica unu ligàmini intra de sa norma giuridica e su fatu giuridicu cuncretu, chi si cunsiderat duncas unu fatu astratu de manera chi si potzat individuai sa disciplina de aplicai.
<b>querela</b>	<b>cuerela</b> Decraratzioni de voluntadi cun sa cali sa personi ofèndia de un delitu pedit a s'autoridadi giuditziària de protzedi contras a chini at cumitiu su fatu, duncas bessendi a pillu una cundizioni de protzedibilitadi, de innui sa lei fait dipendi sa persighibilitadi de fatus crimosus determinaus (articulu 120 de su còdixi penali: diritu de cuerela).
<b>querela di falso</b>	<b>cuerela po farsu</b> Est un'istitutu preordinau a privai un'atu pùblicu (càstia s'art. 2699 de su c.c.) o una scrittura privada (càstia s'art. 2702 de su c.c.) arreconnota o averiguada apustis de giuditziu, de s'idoneidadi sua a fai fidi pùblica. Sa sentèntzia chi atzertat sa farsidadi de su documentu produsit is efetus cosa sua <i>erga omnes</i> .
<b>quiescenza</b>	<b>cuiescièntzia, indennidadi de fini trabballu</b> (o tratamentu de cuiescièntzia): pensioni. Suma de dinai chi is dependentis pùblicos arricint de su Stadu candu acabant de trabballai.
<b>quietanza</b>	<b>cuietàntzia</b> Est sa decraratzioni unilaterali de su creditor chi atestat chi s'est cumprida sa prestazioni obligatòria de parti de su depidori. Segundu sa giurisprudèntzia, ca est un'atu unilaterali recetitziu, iat a tenni su valori de una confessioni stragiuditziali, chi si podit impugnai sceti ex art. 2732 de su c.c. Si su depidori si dda pedit, su creditor est obligau a donai sa cuietàntzia e a ndi fai s'annotatzioni in su titulu.
<b>quorum</b>	<b>quorum</b> Nùmeru mínimu (de votus o de personis chi depint votai) stabiliu de sa lei po chi una votazioni siat vàlida.
<b>raccomandata a/r</b>	<b>arracumandada a/r (cun avisu de arricida)</b> Est unu mèdiu seguru po imbiai documentus: est una speditzioni lestra e garantida cun sa facultadi de traciai su chi s'est imbiau, finas cun sa possibilitadi de otenni un'avisu de arricida sutascritu de su destinatàriu, chi fait fidi po s'intregu in sa dii indicada. Est su mèdiu prus impreau po imbiai literas de intimatzioni, difidas e disdetas, o àterus atus de importu mannu.
<b>ragione sociale</b>	<b>nòmini de sa sotziedadi</b> Elementu identificativu de is sotziedadis de personis: cun assumancu su nòmini de unu sòtziu.

<b>ragioneria generale dello Stato</b>	<b>ragioneria generali de su Statu</b> Est un'òrganu tzentrali de sustennu e verifica po su Parlamentu e su Governu in is politicas, in is protzessus e in is cumprimentus de bilàntziu e tenit comentu obietivu istituzionali su de nc'assegurai sa programatzioni e sa gestioni de is resursas pùblicas a manera curreta.
<b>rapporto giuridico</b>	<b>raportu giuridicu</b> Espressada no tècnica (ca no tenit una definizioni normativa) chi acrarat su raportu intra de duus o prus sugetus intra de issus etotu o cun cosas chi s'ordinamentu giuridicu no ddis donat rilevantzia. Su còdixi tzivili dda impreat in sa definizioni de "cuntratu", stabilendi chi unu raportu giuridicu podit essi: - costituiu, est a nai introdùsiu <i>ex novo</i> ; - arregulau, est a nai chi s'est mudau su chi esistiat giai; - estintu, duncas acabau.
<b>rappresentante legale</b>	<b>rapresentanti legali</b> Sugetu chi sa lei nci dd'afidat su poderi de cumpriri atus giuridicus po contu de un'àteru sugetu (rapresentau). Custu istitutu donat sa possibilidadi a is sugetus discapassus a manera legali su cumprimentu de atus chi asinuncas no podiant fai.
<b>rappresentanza della società</b>	<b>rapresentàntzia de sa sotziedadi</b> Est su poderi de cumpriri atus a nòmini e po contu de sa sotziedadi (artt. 1387 ss. c.c.) chi spetat a su rapresentanti legali de sa sotziedadi etotu.
<b>rappresentanza processuale</b>	<b>rapresentàntzia protzessuali</b> Est su poderi de essi rapresentau in giuditziu o de fai atzionis giuridicas a nòmini e po contu de su rapresentau.
<b>ratifica</b>	<b>ratifica</b> Atu unilateralu diretu a su tertzu, po mèdiu de su cali su rapresentau e interessau, confirmat su cuntratu acabau a manera imbenienti de su rapresentanti sena o cun prus de su poderi chi dd'ant cunferiu (càstia s'art. 1399).
<b>ratio legis</b>	<b>ratio legis</b> Espressada latina chi bolit nai "su spìritu de sa lei".
<b>reato</b>	<b>crìmini, imputu, reatu</b> Cumportamentu proibiu de sa lei penali.
<b>recedere</b>	<b>retzedi</b> In su diritu tzivili, a beneficiari de sa facultadi de retzessu, ponendi fini a su raportu obligatòriu de unu cuntratu.
<b>referto</b>	<b>refertu, relata</b> Relata scritta de un' espertu a s'acabu de sa faina sua.
<b>registrazione</b>	<b>registradura, registratzioni</b> Annotu de un'atu o de una decraratzioni in unu registru pùblicu.
<b>regolamenti</b>	<b>arregulamentus, regulamentus</b> Funt is printzìpius (fontis) segundàrius de su diritu, ca funt subordinaus a sa lei cantu a matèrias asuba de is calis si podit disponi (esempru: no podint disciplinai perfilus penalis) e cantu a fortza de abrogatzioni (no podint cuntrastai sa disciplina legislativa). Funt atus legislativus, ma amministrativus a manera formali. Sa Costituzioni, francu s'articulu in esàmini, no ddis donat ponit inderetura ainturu de is fontis. S'art. 17 de sa L. 400/1988 ddis donat, po su chi pertocat sa cumpetèntzia, a su poderi esecutivu.
<b>regolamenti comunali</b>	<b>arregulamentus comunalis, regulamentus comunalis</b> S'articulu 7 de su Testu Ùnicu de is Entis Localis (D. Lgs. 267/2000) narat ca su Comunu nc'adotat arregulamentus me in is matèrias de cumpetèntzia sua e po

	<p>su prus po s'organizazioni e su funtzionamentu de is istituzionis e de is organismus de partecipazioni, po su funtzionamentu de is òrganus e de is ufizius e po s'esercitziu de is funtzionis. At a depi arrespetai is printzipius de sa lei in generali e su statutu de su Comunu: pruschetotu is printzipius apostivigaus de sa lei funt is chi at stabiliu su T.U.E.L. e is àteras leis statalis e regionalis.</p>
<b>regolamenti regionali</b>	<p><b>arregulamentus regionalis, regulamentus regionalis</b>  Funt is atus chi serbint a esegutai o ponni in aplicu is leis regionalis e statalis (candu su Stadu nd'apat delegau custu poderi) e a disciplinai s'organizazioni de is ufizius e de is entis dipendentis de sa Regioni. Po sa Regioni no ddoi at sa possibilidadi, intamis, de emiti arregulamentus indipendentis.</p>
<b>regolamento di condominio</b>	<p><b>arregulamentu de condominiu, regulamentu de condominiu</b>  Funt is normas e is arrègulas chi balint po totu is condominiis e chi pertocant sa gestioni de is logus a cumoni, a sa cumpartidura de is gastus, a sa mantenidura de s'edifitziu.</p>
<b>regolamento locale</b>	<p><b>arregulamentu locali, regulamentu locali</b>  S'espressada indicat s'arregulamentu edilitziu de su Comunu (art. 871 de su c.c.).</p>
<b>rendita catastale</b>	<p><b>arrenda de su catastu, renda de su catastu</b>  Valori chi su comunu nc'assinnat a cada beni imòbili, cunforma a is piessinnus suos e chi serbit po calculai is impostas chi tocat a pagai.</p>
<b>reperibilità</b>	<p><b>reperibilidadi</b>  S'Aministratzioni podit pediri sa reperibilidadi po sa cumprida de servitzius piessinnaus. Is turnus de reperibilidadi funt stabilius de su dirigenti (dirigidori) responsàbili de su servitziu cun provedimentu chi indicat is bisòngius e is maneras de fai su servitziu de reperibilidadi.</p>
<b>repùbblica</b>	<p><b>repùblica</b>  Sistema politicu chi sa càrriga de Capu de su Stadu no est ereditària ma eletiva, esertzitendi inderetura custu poderi de parti de is tzitadinus o po mèdiu de is rapresentantis insoru sceberaus a manera libera, cunforma a sa Costituzioni. Po su chi spetat s'ordinamentu, ainturu de sa R. agataus unus cantu entis (Stadu, Regionis, Tzitadis metropolitanas, Provintzias, Comunas). Sa forma republicana de s'Itàlia no podit essi ogetu de revisioni costituzionali (art. 139 Cost.).</p>
<b>repùbblica democratica</b>	<p><b>repùblica democràtica</b>  Est sa forma de governu italiana. Totu is càrrigas pùblicas, finas sa chi rapresentat s'unidadi natzionali (Capu de su Stadu), dipendint a manera diretta o no diretta de su cunsensu de su pòpulu. Is duus fueddus (Repùblica e democrazia) no si podint scrobai, ca s'una est in funtzioni de s'àtera, fundamentu de libertadi, cunforma finas a s'articulu de sa Carta, su 139, chi narat ca "<i>Sa forma republicana no podit essi ogetu de revisioni costituzionali</i>".</p>
<b>requisizione</b>	<p><b>rechisizioni</b>  Est su provedimentu amministrativu chi, in situatzionis de netzessidadi, mudat in peus is diritus realis de is tzitadinus privaus (tenit piessinnu ablatòriu). Is acuntèssidas chi podint giustificai custu provedimentu funt desempradas (foras de s'ordinàriu), po nai, candu ddoi funt esigèntzias militaris. Podit essi rechisiu finas s'impreu de una cosa, duncas su gosamentu suu. S'aministratzioni pùblica perou depit currispundi un'indennidadi.</p>
<b>residenza</b>	<p><b>residèntzia</b>  Logu innui bivit una personi.</p>
<b>residenza anagrafica</b>	<p><b>residèntzia anagràfica</b>  Si fueddat de residèntzia "anagràfica" in riferimentu a sa residèntzia stabilida</p>



	cun iscrizioni in s'anàgrafi de unu comunu, innui su sugetu detzidit de nci bivi. S'iscritzioni in s'anàgrafi est un'òbligu po is tzitadinus, finsas po is chi funt asuta de sa podestadi insoru (esempru: is fillus de edadi minori).
<b>responsabile civile</b>	<b>responsàbili tzivili</b> Est una parti eventuali de su protzessu, su responsàbili tzivili est obligau a sa rifata de su dannu ocasionau de su sugetu chi at cumprìu su reatu, s'imputau, cun su cali no depit essi cunfùndiu. Podit finas intervenni in su protzessu a manera voluntària (si podint compudai is artìculus 83 e 85 c.p.p.). Est unu sugetu chi, cun totu chi no apat contribuìu a su reatu depit provedi a sa rifata (risartzimentu): su responsàbili tzivili est obligau paris cun s'imputau. Esemprus ndi funt su babu o sa mama po su fillu, su meri o su cumitenti po su cumissu, su pretzetori po su scienti: a sa parti privada dda tzèrriant in giuditziu penali po parai fronti candu ddoi at responsabilidadi tzivili indireta po fatu cumprìu de àterus ex art. 2047.
<b>responsabilità</b>	<b>responsabilidadi</b> Fueddu generali a manera assoluta, chi s'impreat candu si bolit rapresentai totu is cunsighèntzias santzionatòrias (santzionadoras) stabilidas de s'ordinamentu po sa violatzioni de una norma (esempru: sa responsabilidadi extracuntratuale est sa chi ndi benit de chi si cumprit unu fatu dannàrgiu contras a àterus, art. 2043 del c.c.).
<b>responsabilità dei ministri (Costituzione)</b>	<b>responsabilidadi de is ministrus (Costituzioni)</b> Po su chi pertocat su perfilu costituzionali est sceti sa responsabilidadi politica de su ministru, chi depit torrai contu a titulu prenu a is eletoris de s'atu chi at firmau. A custu spetat sceti unu poderi de informu a su Governu in s'in casu de iniziativa presidentzialia a foras de is funtzionis suas. Segundu àterus, iat a essi una responsabilidadi chi no acuntessit giai mai ca est un'atu formali sintzillu de atestazioni de s'arregularidadi de su protzedimentu chi ant sighiu (Crisafulli), custa responsabilidadi in esàmini s'iat a configurai sceti avatu de atzertamentu de una cumpartecipazioni de su Governu a su protzedimentu de formatzioni de s'atu.
<b>responsabilità di dipendenti e funzionari pubblici</b>	<b>responsabilidadi de dependentis e funtzionàrius pùblicos</b> Sa Costituzione previdit chi, candu dependentis e funtzionàrius pùblicos tengant cumportamentus illitzitus, chi previdint una santzioni tzivili, penali o amministrativa, siant cunsideraus responsàbilis de is atzionis insoru a manera direta: sa responsabilidadi tzivili est smanniada, po garantzia, finsas a su Stadu o a s'enti chi ndi fait parti su sugetu.
<b>responsabilità civile</b>	<b>responsabilidadi tzivili</b> Responsabilidadi disciplinari previdia in capu a magistras, cantzellieris e àterus ausiliàrius de su giugi, ufizialis giuditziàrius, ufizialis e agentis de politzia giuditziària comentis a santzioni po sa violatzioni de is normas de cumportamentu chi ddis funt cumandadas.
<b>responsabilità politica</b>	<b>responsabilidadi politica</b> In s'in casu de decretu lei no cunvertiu, ddoi at responsabilidadi politica a càrrigu de su Governu; custa no ocasionat s'òbligu de dimissionis ni de sa discunfiantza de is Càmeras. Sa responsabilidadi tzivili ddoi at in s'in casu de sumas pedidas cunforma a su decretu, a càrrigu de is funtzionàrius ex art. 28 Cost.; sa responsabilidadi amministrativa intamis est su dannu erariali ocasionau de s'aplicu de normas decadidas.
<b>responsabilità sussidiaria</b>	<b>responsabilidadi sussidiària</b> Sa sussidiariedadi, in is raportus obligatòrius cun prus depidoris, est a nai sugetus passivus, po su creditoris cunsistit a si depi movi innantis in is cunfrontus de unu de is depidoris (depidori printzipali) e sceti avatu, in s'in casu no siat satisfau, in is cunfrontus de is àterus (depidoris sussidiàrius). Su printzipiu de sussidiariedadi est in vigèntzia, po nai, a favori de su fideiussori

	(art. 1944 del c.c.).
<b>retribuzione</b>	<b>retributzioni</b> Currispetivu in dinai o àtera utilidadi po su cumprimentu de un'atu determinau, proportzionali a s'importàntzia e dificultadi de su pròpiu atu.
<b>retribuzione a tempo</b>	<b>retributzioni a tempus</b> Currispetivu in dinai o àtera utilidadi po su cumprimentu de unu traballu determinau, cunforma a sa cantidadi de tempus dedicata a s'atividadi (de norma, s'unidadi de misura est su mesi): est su sistema clàssicu de retributzioni.
<b>retroattivo</b>	<b>retroativu</b> Chi balit finas po su tempus passau.
<b>rettifica</b>	<b>curretzioni, retìfica, retificatzioni</b> (O retificatzioni): atu chi ndi curregit un'àteru.
<b>ricavo (bilancio)</b>	<b>ricavu (bilàntziu)</b> Funt totu is ricavus de cumpetèntzia, est a nai cumponentis positivus de su rèdditu: pertocant is prestatzionis de servìtzius o tzessionis de benis, comentis matèrias primas, tzessionis de atzionis, de obligatzionis, cumpridas in su perìodu de esercìtziu.
<b>ricerca scientifica e tecnica</b>	<b>circa scientifica e tècnica</b> Funt totu is atividadis chi punnant a su progressu po mèdiu de su mètodu scientificu. Si spàinant in is primus annus de sa vida republicana (nascint unus cantu entis de circa pùblicus e natzionalis che a su CNR, s'INFN, s'ENEA e su sistema de s'universidadi pùblica) faendi de s'Itàlia unu Stadu industrializau (su chi est connotu che a <i>boom econòmicu</i> ), mentris is ùrtimus fasis de retzessioni ant smenguau custu obietivu costitutzionali.
<b>ricevere (diritto penale)</b>	<b>arriciri (diritu penali)</b> In su linguàgiu de su penalista, bolit nai a atzetai sa cosa oferta.
<b>ricevimento con riserva (trasporto)</b>	<b>arricidura cun riserva (trasportu)</b> Est candu s'arricint benis e si cuntestant a su vetori dannus eventualis po mori de unu trasportu sena incuru.
<b>ricevuta dell'iscrizione (ipoteca)</b>	<b>arricida de s'iscritzioni (ipoteca)</b> Dda intregat su cunservadori a chini at pediu s'iscritzioni ipotecària.
<b>ricevuta di carico</b>	<b>arricida de càrrigu</b> Documentu emìtiu de su vetori a s'ampasa de su duplicau de sa lìtera de vetura, chi su mitenti dda pedit.
<b>ricevuta di spedizione</b>	<b>arricida de speditzioni</b> Est su documentu chi atestat s'imbiu.
<b>richiesta (diritto penale)</b>	<b>arrechesta, rechesta (diritu penali)</b> Cundizioni de promovibilidadi de s'atzioni penali chi cunsistit in una manifestatzioni de voluntadi de s'autoridadi pùblica, rapresentada de su Ministru de sa giustìtzia, in s'in casu su delitu dd'ant cumitìu a dannu de su Presidenti de sa Repùblica.
<b>richiesta (o ordine)</b>	<b>arrechesta, rechesta (o òrdini)</b> Cun su fueddu "rechesta" (o òrdini) si bolit nai rechesta emìtia de s'autoridadi cumpetenti chi previdit un'arrespusta. S'òrdini depit essi esecutau, cun pena de sanzìoni a su cumportamentu foras de forma.
<b>richiesta di rinvio a giudizio</b>	<b>arrechesta, rechesta de renviu a giudìtziu</b> Est s'atu chi su pùblicu ministeru nc'emìtit po esertzìtai s'atzioni penali e chi acrarat su passàgiu de su protzedimentu a sa fasi protzessuali. Cun custa

	rechesta, direta a su giugi de s'udièntzia preliminari, su P.M. pedit chi s'imputau arrespundat in dibatimentu de su reatu chi ddoi at in su capu de imputazioni (art. 405).
<b>ricognizione</b>	<b>arreconoscimentu, riconoscimentu</b> Atu chi cumprit una parti po averiguai s'esistèntzia de sa copia de unu cuntrato, arreconoscendi sa sugetzioni sua a unu diritu de àterus. Est un'atu cun valididadi probatòria sceti.
<b>ricognizione (mezzo di prova)</b>	<b>arreconoscimentu, riconoscimentu (mèdiu de prova)</b> Mèdiu de prova schetu, po s'individuazioni de parti de unu sugetu chi in sedi protzessuali depit arrespundi de personis, cosas, boxis, sonus o de totu su chi podit essi ogetu de percetzioni de is sentidus ex artt. 213.
<b>ricorso</b>	<b>arrecurso, recursu</b> Atu introdutivu de unu giuditziu, piessinnau de su fatu chi sa parti innantis s'arrelatat cun su giugi, chi cun decretu apostivigat sa data de cumparimentu de is partis, e avatu protzedid a sa notìfica a sa controparti de su recursu, paris cun su decretu. Est un'atu diferenti de sa citazioni ca no ddoi at <i>vocatio in ius</i> ma sceti <i>s'editio actionis</i> . Pruschetotu, est s'atu introdutivu de su giuditziu in Cassazioni (366 c.p.c.), de su protzessu de su traballu (414 c.p.c.), de su protzedimentu po ingiuntzioni (638 c.p.c.) e de totu is protzedimentus de giurisdizioni voluntària (737 c.p.c.). In prus, pigat sa forma de su recursu calisiat istàntzia chi is partis depant portai ananti de su giugi in su protzessu esecutivu.
<b>ricorso all'assemblea (condominio)</b>	<b>arrecurso, recursu a s'assemblea</b> Remèdiu chi si podit cumpriri in calisiat momentu contras a is provedimentus pigaus de s'aministradori, chi s'assemblea tenit su diritu de dd'annullai o ratificai.
<b>ricorso amministrativo</b>	<b>arrecurso, recursu amministrativu</b> Cunsistit in un'istàntzia a s'autoridadi amministrativa de parti de tzitadinus interessaus a s'annullamentu, rèvoca o reforma de un'atu. Su recursu amministrativu est duncas unu mèdiu a disponimentu de su Stadu po chi su tzitadinu potzat difensai is diritus o interessus legitimus cosa sua.
<b>ricorso per cassazione</b>	<b>arrecurso, recursu po cassazioni</b> Est unu mèdiu de impugnatzioni ordinàriu, chi permitit de torrai a esaminai sa sentèntzia sceti po motivus de diritu ("cassazioni" bolit nai "cancellazioni", "removidura"). Est unu remèdiu garantiu a livellu costituzionali contras a totu is sentèntzias, finas cuddas chi no amitint apellu, e finas contras a is provedimentus in contu de libertadi personali (art. 111 Cost.). Si podint fai balli sceti is motivus stabilius de sa lei (si narat ca est unu giuditziu a crítica vinculada), chi cunsistint in faddinas <i>in procedendo</i> (nn. 1, 2, 4 e 5 de s'art. 360 de su c.p.c.) o <i>in iudicando</i> (n. 3 de s'art. 360). Sa Corti de cassazioni, chi a su recursu ddu cunsiderat amissibili o no dd'arrefudat, deccrat s'annullamentu de sa sentèntzia, chi podit essi cun o sena de reneviu. Ddoi at annullamentu cun reneviu a su giugi de cumpetèntzia candu sa corti Suprema no podit pigai inderetura sa detzisioni curreta. S'annullamentu est, intamis, sena de reneviu candu sa corti nc'agatat una farta assoluta de giurisdizioni, candu sa domanda est no proponibili o in s'in casu no si potzat sikhiri su giuditziu (art. 382 de su c.p.c.). Sa Corti de cassazioni, òrganu supremu ùnicu de sa giurisdizioni ordinària (cun sedi sceti in Roma), nci depit assegurai s'osservàntzia e s'uniformidadi de interpretazioni de sa lei: sa sua est una funtzioni chi si narat "nomofilàtica" (est a nai cun masioni de garantiri s'osservàntzia e s'interpretazioni uniformi de sa lei, s'unidadi de su diritu ogetivu natzionali). Po custu obietivu si previdit chi sa Cassazioni detzidat a Setzionis Unidas me in chistionis de importu mannu, comentis a cuddas chi pertocant sa giurisdizioni o chistionis giai detzìdias a manera diformi de is setzionis simplis (art. 374 de su c.p.c.). Podint essi ogetu de recursu po Cassazioni finas is sentèntzias de is

	giugis spetzialis ([102 cost.]), e finas is detzisionis de su Consillu de Stadu e de sa Corti de is Contus, sceti po motivus de giurisditzioni.
<b>rifiuto (diritto penale)</b>	<b>arrefudu, dennega, refudu (diritu penali)</b> Su fueddu indicat sa dennega a cumpriri un'atu pediu e dèpiu a manera espressa.
<b>riforma</b>	<b>reforma, riforma</b> Est sa mudadura, no sceti formali, de unu provedimentu giurisditzionali.
<b>riformatorio giudiziario</b>	<b>riformatòriu giuditziàriu</b> Est un'istitutu de tipu cartzeràriu po torrai a educai is minoris de 21 annus chi, faendi reatus, ant manifestau aplicu e avesura in su crìmini. Custa mesura de seguresa no tenit prus atuatzioni de candu s'articulu 36 de su D.P.R. 22 de cabudanni 1988, n. 448, at prevèdiu chi si fatzat sceti, candu serbit, in una comunitadi.
<b>ripetizione dell'indebito</b>	<b>torradura de su chi no si depit</b> Diritu a si fai torrai su dinai candu si pagat cosa chi no si depit.
<b>riserva di posti</b>	<b>reserva de postus</b> Postus de traballu chi sa lei reservat a favori de categorias determinadas de personis (esempru: invàlidus, òrfanus, fiudas).
<b>riserva disponibile</b>	<b>reserva disponìbili</b> Est un'acantonamentu de ùtilis de sa sotziedadi chi dd'assegurat resursas econòmicas po su benidori. Custu fondu ddu fait su statutu o s'assemblea. Est "disponìbili" ca sa sotziedadi podit impreai custas sumas comenti bolit.
<b>riserva facoltativa</b>	<b>reserva facultativa</b> Est un'acantonamentu deliberau de s'assemblea de is sòtzius, a manera facultativa, est a nai cunforma a is esigèntzias e a is bisòngius de sa gestioni de sa sotziedadi in s'interis de s'esistèntzia sua.
<b>riserva legale</b>	<b>reserva legali</b> Reserva de sa sotziedadi, chi bolit costituida a òbligu cunforma a sa lei. S'obietivu suu est sa tutela de sa sotziedadi in s'in casu de pèrdidas, sena smenguai su capitali sotziali. In su stadu patrimoniali est una de is boxis de su "passivu"; is sumas chi ddoi funt no si podint partziri cun is sòtzius in forma de ùtilis. Sa reserva bolit integrada candu smènguat.
<b>risoluzione del rapporto di lavoro</b>	<b>risoluzioni de su raportu de traballu</b> Sa sentzada de su raportu de traballu podit acuntessi finas po risoluzioni cunsensuali, o essi stabilida de s'Aministratzioni, o po dimissionis o po càusa giusta.
<b>rogito</b>	<b>atu, àtu de su notàiu</b> Atu scritu de su notàiu.
<b>ruolo esattoriale</b>	<b>lista/ruolu esatoriali</b> Elencu cun is nòminis de is personis chi depint pagai is tributus.
<b>salute</b>	<b>saludi</b> Est unu diritu de fundamentu de totus. Punnat a s'arrespetu de s'integridadi psicofisica de is sugetus. In sa formulatzioni individuada de su còdixi tzivili, su fueddu acrarat su cuntzetu de incolumidadi personali pertocanti maladias o infortùnius de su condutori, sa famillia sua o is dipendentis impreendi imòbilis perigulosus o malesanus.
<b>salute pubblica</b>	<b>saludi pùblica</b> Beni giuridicu amparau de su còdixi penali in su Titulu VI pertocanti is delitus contras a s'incolumidadi pùblica e chi cunsistit in totu is cunditionis de seguresa in contu de vida, integridadi fisica o de saludi de is sugetus chi podint

	sunfriri po mori de adulteratzioni o contrafatzioni de àcua o sustàntzias destinadas a s'alimentatzioni.
<b>sanare (giuridico)</b>	<b>arregularizai, regularizai (giuridicu)</b> Cuntzedi una sanatoria po reatus, po fartas contras a òbligus e impinnus giai liaus, po irregularidadis amministrativas e protzeduralis.
<b>sanatoria</b>	<b>sanatòria, curretzioni</b> Istitutu chi permitit de tenni s'atu cun pecus, de chi si funt presentadas cunditionis determinadas, torrendi-ddi valori formali prenu.
<b>sanzione amministrativa</b>	<b>santzioni amministrativa</b> Pena chi a bortas, candu est stabiliu de sa lei, dda ponit in aplicu inderetura s' amministratzioni pùblica.
<b>sanzione disciplinare</b>	<b>santzioni disciplinari</b> Atu chi acabat su protzedimentu disciplinari. Cun custu atu su datori de traballu podit puniri su dipendenti chi at tentu unu comportamentu no curretu in su logu de traballu.
<b>scadenza del termine</b>	<b>scadèntzia de su tèrmini</b> Candu intervenit sa scadèntzia de su tèrmini, sa prestazioni diventat esigibili, est a nai ca su creditori ndi podit fai rechesta a su depidori (art. 1184 de su c.c.).
<b>scatti di stipendio</b>	<b>aumentus, scatus de su stipèndiu</b> Aumentus de stipèndiu.
<b>scioglimento del Consiglio regionale</b>	<b>sentzada de su Consillu regionali</b> Si fait cun decretu motivau de su Presidenti de sa Repùblica, chi sceti a manera formali est un'atu presidentziali, ma sa cumpetèntzia spetat a su Governu. Su Capu de su Stadu depit averiguai chi ddoi siant is cunditionis po sa sentzada de su Consillu regionali.
<b>scioglimento della società</b>	<b>sentzada de sa sotziedadi</b> Sentzada de sa sotziedadi chi acuntessit candu ddoi funt is cunditionis acraradas de sa lei e chi mudant cunforma a sa genia de sotziedadi. Avatu de sa sentzada cumentzat sa fasi de licuidatzioni de sa sotziedadi, est a nai s'estintzioni de su dèpidu e sa partzidura de su resuzu intra de is sòtzius. A s'acabu de custa protzedura si ndi bogat sa sotziedadi de su registru de is impresas, est a nai ca sa sotziedadi s'estinguit de su totu.
<b>scioglimento delle Camere</b>	<b>sentzada de is Càmeras</b> Comenti narat Mortati, forsis est su poderi prus artu cuntzèdiu a su Capu de su Stadu, ca a su Presidenti de sa Repùblica nci ddu ponit in su tzentru de su sistema parlamentari. No est un'atu governativu schetu, chi bolit firmau finas de su Presidenti de su Consillu de is Ministrus: segundu is circustàntzias, at a essi de iniziativa autònoma de su Presidenti de sa Repùblica, adotau paris cun su capu de su Governu, o cunditionau a sa voluntadi de custu etotu.
<b>sciopero</b>	<b>sciòperu</b> Cumporat e permitit s'astensioni de s'atividadi de traballu, aprontada intra de traballadoris subordinaus po fai balli diritus determinaus, connoscendi sa possibilidadi, candu si fait, de ocasionai dannus o problemas a s'impresa. Est cunsiderau unu diritu irrinuntziàbili e no negotziàbili: arconnotu de sa Carta Costituzionali in s'art. 40 e finas de su Statutu de is traballadoris (articulus 15 e 28). Po tempus meda, sena de una lei ordinària po ddu disciplinai, is sentèntzias de sa Corti Costituzionali e de sa giurisprudèntzia ordinària tzivili e penali ant cumpriu unu ruolu sussidiàriu, ma de importu mannu, de crarendi-ndi sa legitimidadi (po nai, de su 1977 sa Corti Suprema cumentzàt a nd'afirmai sa legitimidadi candu si faiat po difensai is interessus de is traballadoris). In Itàlia esistit finas una disciplina spetzifica po su sciòperu me in is servitzius

	pùblicus essentialis (lei n. 146/90 e lei de riforma n. 83/2000).
<b>scrittura privata</b>	<p><b>scritura privada</b></p> <p>Funt totu is documentus scritus (finas de tertzus o cun mèdius mecànicus) e sutascritu de is partis cun firma autògrafa chi podit finas tenni una decrarazioni de scièntzia o de voluntadi. Est cunsiderada una prova prena finas a cuerela po farsu de sa provenièntzia de is decrarazioni de chini dd'at sutascrita sèmpiri chi sa sutascritzioni:</p> <ul style="list-style-type: none"> <li>- dd'at arreconnota s'autori cosa sua a manera espressa;</li> <li>- dd'at autenticada unu notàiu o àteru ufiziali pùblicu autorizau;</li> <li>- no dd'ant dennegada cunforma a s'art. 215 de su c.p.c. o dd'ant dennegada ma ant atzetau sa domanda de averiguamentu.</li> </ul>
<b>scritture contabili</b>	<p><b>scrituras contàbilis</b></p> <p>Funt totu is documentus chi presentant sa situatzioni patrimoniali de s'imprenditori e s'arresurtau econòmicu de s'atividadu cumprida de issu etotu (art. 2214 de su c.c.), sèmpiri chi arresurtit chi siant tentus cunforma a sa lei (art. 2218 de su c.c.).</p>
<b>scritture e titoli</b>	<p><b>scrituras e titulus</b></p> <p>Is scrituras indicant calisiat documentu privau [v. 2702] sutascritu finas sceti a manera unilaterali, idòneu a produsi efetus giuridicus. Cunforma a is atus pùblicus [v. 2699], s'autentizzidadi de sa sutascritzioni est garantida de s'ufiziali pùblicu, su mediadori arresurtat responsàbili a su pròpiu si, finas connoscendi o dudendi sa farsidadi de s'atu, no ndi donat informatzioni a su contraenti; is titulus funt sceti cussus a s'òrdini [v. 2008 ss.].</p>
<b>segreto d' ufficio</b>	<p><b>segretu de ufiziu</b></p> <p>Òbligu de parti de is dipendentis pùblicus e traballadoris autònomus de no spainai e fai a connosci informatzioni chi connoscint po mori de su traballu insoru.</p>
<b>segreto di Stato</b>	<p><b>segretu de Stadu</b></p> <p>Segretu postu in aplicu a atus, documentus, novas e àteru chi sa connoscèntzia e sa spainadura insoru potzat ocasionai dannu a su Stadu, cunsiderau comentu pregiuditziu a s'integridadi democràtica cosa sua, a is istituzionis costituzionalis, a s'indipendèntzia, a sa difesa militari (càstia s' art. 12, lei 24 de su mesi de ladàmini 1977 n. 801; art. 24, lei 241/1990).</p>
<b>segreto professionale</b>	<p><b>segretu professionali</b></p> <p>Òbligu giuridicu prevediu a càrrigu de is chi faint professionis determinadas e cunsistit in su fatu de no scoviai a àterus su chi sciint e connoscint faendi sa professioni insoru, asinuncas si podit ponni in aplicu su reatu de violatzioni de su segretu professionali (c.p. 622).</p>
<b>sentenza</b>	<p><b>sentèntzia</b></p> <p>Est su provedimentu de genia detzisòria chi impreat s'autoridadu giuditziària po si pronuntziai, definendi o nono su giuditziu, in contu de demandas e ecetzionis propositas de is partis, o asuba de calisiat àtera chistioni, nàscia in s'interis de su protzessu. Is sentèntzias si podint partziri in:</p> <ul style="list-style-type: none"> <li>- sentèntzia de mèritu e de ritu: is primus acollint o arrefudant, de su totu o in parti, is demandas propositas de is partis; is segundas acrarant is fartas de un'ipòtesi protzessuali o de una cundizioni de s'atzioni, chi no permitit a su giugi de si pronuntziai asuba de su mèritu de sa càusa;</li> <li>- sentèntzia de acollimentu e de arrefudu, segundu chi su giugi cunsiderit sa domanda motivada o nono;</li> <li>- sentèntzia definitiva, chi serrat su giuditziu, ca su giugi detzidit in su mèritu (o ndi fait bessiri a pillu is fartas de s'ipòtesi protzessuali o de cunditionis de is atzionis), e no definitiva, chi detzidit su mèritu sceti in parti, o agatat sceti sa soluzioni de una chistioni pregiuditziali o preliminari permitendi a su protzessu de sighiri. S'art. 132 de su c.p.c. acrarat is elementus constitutivus de</li> </ul>

	sa sentèntzia, paris cun sa motivatzioni, chi est s'elementu prus de importu (previdia finas de s'art. 111 de sa Cost.): custa cunsistit in sa presentada de is fatus de rilevàntzia de sa càusa e de is arraxonis giuridicas de sa detzisioni, finas cun riferimentu a is pretzedentis.
<b>sentenza di condanna (processo civile)</b>	<b>sentèntzia de cundenna (protzessu tzivili)</b> Provedimentu chi podit serrai su giuditziu tzivili, sèmpiri chi ddoi siat sa domanda de parti: su giugi òrdinat a sa parti chi sucumbit de donai carchi cosa, o de fai o no fai carchi cosa. Is sentèntzias de cundenna de primu gradu funt sèmpiri esecutivas a manera provisòria cunforma a s' art. 282 de su c.p.c.
<b>sentenza di condanna (processo penale)</b>	<b>sentèntzia de cundenna (protzessu penali)</b> Provedimentu chi podit serrai su giuditziu, a manera alternativa a su proscioglimentu, cun su cali si decrarat sa culpabilidadi de s'imputau sena de duda peruna (art. 533 de su c.p.p.). Cun sa sentèntzia de cundenna su giugi apostivigat no sceti s'atzeramentu de sa sussistèntzia de su fatu stòricu, sa cualificatzioni sua comenti a illitzitu penali, s'afirmatzioni chi s'imputau dd'apat cumitìu e sa determinatzioni de sa pena, ma depit finas detzidi in contu de s'atzioni tzivili eventuali, esertzitada in su protzessu penali.
<b>sentenza di primo grado</b>	<b>sentèntzia de primu gradu</b> Provedimentu emìtiu de s'autoridadi chi giùdicat, chi serrat su protzessu de primu gradu.
<b>sentenza irrevocabile</b>	<b>sentèntzia irrevocàbili, sentèntzia no revocàbili</b> Est sa sentèntzia giai giuigada e chi no si podit prus mudai, ca si funt giai cumprius totu is mèdius po dda mudai (si no sa revisioni po carchi ipòtesi determinada), o sa sentèntzia cunforma a sa cali, finas chi s'impugnatzioni dd'amtint, su tèrmini po dda mudai est spaciau e finas po impugnai s'ordinàntzia chi dda decrarat no amissibili (art. 648 de su c.p.p.). Su diritu de votu de is chi cundennant a una pena chi ocasionat s'interditzioni po sèmpiri de is ufizius pùblicos no ddoi at prus, mentris s'interditzioni temporànea cumportat sceti, po su tempus stabiliu, sa suspensioni de su diritu de votu.
<b>sentenza penale</b>	<b>sentèntzia penali</b> Sa sentèntzia est unu de is provedimentus emìtius de su giugi. Pruschetotu, cunforma a s'art. 125 c.p.p., is provedimentus de su giugi funt tres: sentèntzia, ordinàntzia e decretu. Sa sentèntzia serrat una fasi de su protzessu cumentzada apustis de s'esercitziu de s'atzioni penali de parti de su pùblicu ministeru. Ddoi funt unus cantu genias de sentèntzia: sa chi acrarat una farta de cumpetèntzia o de giurisditzioni, sa chi disponit s'assolutzioni o sa cundenna de s'imputau.
<b>silenzio</b>	<b>mudìmini, silèntziu</b> Cumportamentu de un'aministratzioni pùblica chi no torrat sceda a una domanda presentada de unu privau in cabu de su tèrmini stabiliu de sa lei.
<b>sindacato</b>	<b>sindacau</b> Est un'assòtziu liberu e spontàneu de traballadoris o de is datoris de traballu, costituiu de issus etotu po sa tutela de is interessus professionalis internus (duncas de is assotziaus chi ndi faint parti, e finas de is chi appartenint a sa categoria produtiva).
<b>sindaco (comune)</b>	<b>sìndigu (comunu)</b> Òrganu individuali responsàbili de s'aministratzioni de su comunu chi rapresentat. Averìguat su funtzionamentu de is servitzius e ufizius comunalis. Su sìndigu est siat capu de s'aministratzioni comunali siat ufiziali de governu.
<b>Sistema Pubblico di Identità Digitale, SPID</b>	<b>Sistema Pùblicu de Identidadi Digitali, SPID</b> Est su sistema de autenticatzioni chi permitit a is tzitadinus e a is impresas de impreai is servitzius in linia de s'aministratzioni pùblica cun un'identidadi digitali ùnica.

<b>sistema tributario</b>	<b>sistema tributàriu</b> Est costituiu de totu is tributus, est a nai impostas e pagamentas, chi cumponint su fiscu. Est duncas unu sistema de impostas diretas, chi pertocant su rèdditu de su contribuenti, de impostas indiretas, chi pertocant sa produtzioni e pruschetotu su cuncàmbiu de is benis, e de pagamentas (tributus chi is tzitadinus pagant a su Stadu po servìtzius spetzìficus chi ant pediu issus etotu).
<b>società</b>	<b>sotziedadi</b> Organizatzioni de personis e benis chi punnat a un'obietivu produtivu po mèdiu de s'esercìtziu a cumoni de un'atividadi econòmica. Podit essi definida finas comentis a una forma colletiva de impresa (càstia su Libru V de su còdixi tzivili, Titulu V), ca in sa sotziedadi prus personis - is sòtzius - esèrtziant un'impresa (càstia s'art. 2082 de su c.c.) punnendi a ndi coberai unu guadàngiu, chi apustis ant a cumpartziri.
<b>sospensione dal servizio</b>	<b>suspensionis de su servìtziu</b> Santzioni disciplinari de gravidadi manna (esempru: ausèntzia de su servìtziu sena giustificatzioni fintzas a 10 diis, amelezzus o ofensas me in is cunfrontus de dependentis o impitadoris e àteras fartas e violatzionis).
<b>sottoscrizione</b>	<b>firma, sutascritzioni</b> Est a nci ponni sa firma autògrafa me in unu documentu: est un'elementu essentziales de s'atu po ndi individuai de innui ndi benit e nd'identificai s'autori.
<b>sovrimposta</b>	<b>imposta aciunta/annanta, subraimposta</b> Suma de dinai chi depit pagai in prus chini no at pagau un'imposta o dd'at pagada in retardu.
<b>sottoscrizione di azioni (società)</b>	<b>sutascritzioni de atzionis (sotziedadi)</b> Atu chi impinnat a unu sugetu, in atu pùbliku o scrittura privada autenticada, a currispundi is cunferimentus pertocantis unu nùmeru determinau de atzionis.
<b>spese pubbliche</b>	<b>gastus pùblicus</b> Funt totu is bessidas chi is Entis depint sustenni po is interessus pùblicos: funt a càrrigu de sa comunidadi, de riferimentu o in generali de is tzitadinus de sa natzioni. Si previdint impinnus, gastus, licuidatzioni, ordinatzioni e pagamentu: rapresentant s'ordinamentu finantziàriu e contàbili cunforma a s'art. 270 de s'arregulamentu de contabilidadi pùblica de su R.d. n. 827/1924 e de su cali a sa parti II, Tit. III de su D. Lgs. 267/2000, connotu finas comentis Testu ùnicu Entis Localis.
<b>stato</b>	<b>stadu</b> Su cuntzetu ndi benit de s'unioni de is tres elementus afatantis: pòpulu, stantziau in unu territòriu, chi nci esèrtzitat una soberania. Custus depint existi paris in unu sistema de normas. S'impositzioni de su poderi de su Stadu ddi donat sa legitimatzioni e s'autoridadi a custu etotu, chi depit essi arreconnota de is cunsortziaus (in su sistema nostu, su poderi est atribuiu de sa Costituzioni a sa voluntadi populari, càstia s'art. 1 de sa Cost.).
<b>statuizione</b>	<b>statuitzioni</b> In s'impreu giurìdicu, introdutzioni de un'òrdini o de un'òbligu in s'ordinamentu; finas su pròpiu òrdini e s'òbligu santzionau a manera giurìdica.
<b>status</b>	<b>status</b> Totu is diritus e is doveris chi tenit una personi po su fatu de fai parti de unu grupu (esempru: status de tzitadinu).
<b>statuto</b>	<b>statutu</b> Podit essi riferiu a su S. de is traballadoris, est a nai a sa L. 300 de su 1970; a su S. de sa personi giurìdica (atu cun is normas de funtzionamentu de s'enti); e finas a su S. regionali, fonti de leis chi arrègulat funtzionamentu e raportus de



	<p>is òrganus regionalis, e àteras atributzionis o masionis chi sa Regioni etotu depit cumpriri (e chi at a pigai sa forma de lei costitutzionali si est Statutu de regioni spetziali; asinuncas cun lei regionali aprovada de su Consillu de sa Regioni etotu, cun deliberatzioni dòpia). In sa Costituzioni su fueddu s'agatat giai in s'art. 8, co. II, chi pertocat s'autonomia e s'indipendèntzia de is cultus acatòlicus in s'organizatzioni sua, abarrendi firmu s'arrespetu de is printzìpius de fundamentu de s'ordinamentu giurìdicu italianu.</p>
<b>statuto (società)</b>	<p><b>statutu (sotziedadi)</b>  Est s'atu chi arrègulat sa vida de àinturu e su funtzionamentu de sa sotziedadi, chi cunforma a sa lei s'agatat in acàpiu a s'atu costitutivu.</p>
<b>stipulare, un contratto</b>	<p><b>congruiri, stipulai, sterri unu cuntratu</b>  Stipulai unu cuntratu; sterri comentu si depit, cun is partis in presèntzia, su documentu chi atestat sa congruida de su cuntratu.</p>
<b>successione</b>	<p><b>sutzessioni</b>  Cun custu fueddu s'indicat unu fenòmenu giurìdicu chi cunsiderat su passàgiu de diritus e raportus giurìdicus in generali de unu sugetu a un'àteru. Chini depit intregai su diritu est "autori" o "donadori càusa"; chini si ndi ddu liat est su "sutzessori" o "tenidori càusa". Sa suzessioni podit essi:  - <i>inter vivos</i> (o intre bius): candu su passàgiu de su diritu si fait intre personis bias (esempru: cun unu cuntratu ex art. 1321 de su c.c.);  - <i>mortis causa</i> (o po mori de morti): candu una personi bia ndi liat su logu de unu sugetu mortu, cun una suzessioni siat de òbligus siat de diritus. Nci podit essi una suzessioni <i>mortis causa</i> a titulu universalis, candu s'eredi ndi liat totu is diritus e is òbligus de su mortu; a titulu particulari, candu una personi tenit sa suzessioni de sa titularidadi de unu sceti o prus diritus o òbligus determina.</p>
<b>tabelle millesimali</b>	<p><b>tabellas millesimalis</b>  In su condominiu, funt su strumentu po s'atributzioni de sa cuota de partecipazioni me in is partis a cumoni a cada condòminu (in millèsimus).</p>
<b>TAR (Tribunale Amministrativo Regionale)</b>	<p><b>TAR (Tribunali Aministrativu Regionali)</b>  Tribunali chi giùigat is càusas contras a s'aministratzioni pùblica.</p>
<b>tariffa professionale</b>	<p><b>tarifa professionali</b>  Fiant is "prètzius" stabilius de leis spetzialis, o de autoridadis cumpetentis, po sa retributzioni de is profesionistas, cunforma a s'atividadi fata. Su D.L. 1/2012 nc'at abrogau is tarifas professionalis e at stabilii chi po sa licuidatzioni giuditziali de is cumpensus de su professionista su giugi at a depi fai riferimentu a "parametrus" ministerialis.</p>
<b>tesoreria unica</b>	<p><b>tesoreria unica</b>  Ufitziu innui is aministratzionis pùbricas nci depòsitat su dinai insoru.</p>
<b>testamento</b>	<p><b>testamentu</b>  Atu <i>mortis causa</i> revocàbili, chi s'ordinamentu nc'assinnat a unu sugetu (testadori) su poderi de disponni a manera unilaterali de totu is sustàntzias suas o una parti de custas, candu at a spaciai de bivi. Est s'unicu atu chi permitit de disponni de is raportus, patrimonialis e nono, po mori de morti. Sa lei cunsiderat nullas, difatis, is dispositzionis àinturu de unu cuntratu o de is patus suzessòrius. Est perou proibiu su testamentu congiuntivu, est a nai candu ddoi at s'ipòtesi innui duas personis nci sterrant unu testamentu unicu chi dispongat de is benis de ambaduu po su profetu de unu tertzu (de àterus), su testamentu retzìprocu, innui su beneficiàriu de is dispositzionis testamentàrias est unu de is duus sugetus chi dd'ant stipulau e s'istitutzioni est fata a cundizioni de essi favorius in su testamentu de su sugetu desinnau comentu eredi o legatàriu.</p>
<b>testimone (processo civile)</b>	<p><b>testimòngiu (protzessu tzivili)</b></p>

	Est sa personi fisica chi depit fai declaratzionis chi pertocant is fatus ogetu de càusa: no depit essi parti de su protzessu e nimancu tenni interessu in sa càusa.
<b>testimone (processo penale)</b>	<b>testimòngiu (prozessu penali)</b> Personi no interessada a su reatu, chi dda tzèrriant a su protzessu po contai is fatus chi connoscat, in contu a s'ogetu de su protzessu. Sa testimonia est unu mèdiu de prova chi òbligat a chini dda fait a nai sa beridadi. S'imputau no podit essi testimòngiu, francu po su chi previdit sa litera c), corriedda 3 de s'art. 64 c.p.p.
<b>testo unico</b>	<b>testu ùnicu</b> (o TU): arregorta de normas pertocantis su pròpiu argumentu.
<b>titoli azionari</b>	<b>tìtulus atzionàrius</b> Est un'àtera manera po indicai is atzionis de una sotziedadi.
<b>titolo di credito</b>	<b>tìtulu de crèditu</b> Documentu chi rapresentat una suma de dinai (esempru: un'assinnu o una cambiali).
<b>titolo di credito (all'ordine)</b>	<b>tìtulu de crèditu (a s'òrdini)</b> Tìtulu de crèditu intestau, de innui nc'arresurtat su nòmmini de su titulari. S'intestatzioni nc'arresurtat inderetura de su tìtulu sena chi s'emittenti siat tentu a dda registrai. Su trasferimentu de unu tìtulu a s'òrdini si fait cun s'intregu materialis de su tìtulu, acumpangiau de sa girada, chi est s'òrdini de fai sa prestatzioni a su sugetu indicau. Chi su tìtulu est sena nòmmini de su titulari, depit essi possibili a ddu tramudai po mèdiu de girada. Esempus de tìtulus a s'òrdini funt s'assinnu e sa cambiali.
<b>titolo di stato</b>	<b>tìtulu de stadu</b> Documentu chi atestat chi su stadu at arriciu una suma de dinai a imprètidu de su meri de su tìtulu. Su stadu pagat, sighendi scadèntzias stabilidas, is interessus asuba de sa suma arricida e apustis nci torrat a su meri sa suma intrea.
<b>titolo originale del credito</b>	<b>tìtulu originali de su crèditu</b> Est su documentu cun s'atu constitutivu de su crèditu. Sa torrada voluntària sua a su depidori rapresentat sa prova de sa liberatzioni de custu de s'òbligu de esecutzioni de sa prestatzioni.
<b>transizione ecologica</b>	<b>transidura/transizioni ecològica</b> Su mudamentu conca a unu sistema econòmicu, culturali e sotziali nou, arrespetendi is critèrius de sustentibidadi ambientali.
<b>transizione energetica</b>	<b>transidura/transizioni energètica</b> Mudamentu de s'impreu de energias no rinnovàbilis a energias rinnovàbilis.
<b>trascrizione (di un atto)</b>	<b>annotamentu, trascrizioni (de un'atu)</b> Annotamentu de un'atu o de unu cuntratu me in is registrus pùblicos.
<b>trasparenza amministrativa</b>	<b>trasparèntzia amministrativa</b> Diritu de is tzitadinus a connosci su chi fait s'amministratzioni pùblica.
<b>trattamento di fine rapporto</b>	<b>indennidadi de fini traballu</b> In su linguàgiu fitianu est sa "bona essida", est a nai una suma de dinai chi si depit a su traballadori candu acabat su raportu de traballu: a manera giuridica est un'indennidadi retributiva.
<b>trattamento economico</b>	<b>tratamentu econòmicu</b> Stipèndiu. Suma de dinai chi arricit su traballadori po su traballu fatu.
<b>trattati internazionali</b>	<b>acòrdius internatzionalis</b> Acòrdius intra de sugetus de diritu internatzionalis, comentis a Stadius ma finas is

	<p>organizatzionis chi tenint sugetividades, chi disciplinant is matèrias cuncordadas, in vigèntzia cunforma a su printzìpiu <i>pacta sunt servanda</i>, est a nai de su “diritu patitziu”, e imoi – de su 2001 cun sa riforma costitutzionali – chi vinculant finas is Regionis e asuta de su controllu de parti de sa Corti costitutzionali.</p>
<b>trattato</b>	<p><b>acòrdiu, tratau</b> Acòrdiu intra de duus Stalus o prus, asuba de chistionis a cumoni.</p>
<b>trattenimento in servizio</b>	<p><b>perlongamentu de su servìtziu</b> Domanda chi su dipendenti pùblicu in edadi de pensioni podit fai a s’aministratzioni pùblica, po pediri de sighiri a traballai (ma sceti finsas a 72 annus de edadi).</p>
<b>tribunale</b>	<p><b>tribunali</b> Est unu de is òrganus chi aministrant sa giustitzia tzivili e penali. S’ordinamentu giuridicu previdit candu est cumpostu de tres magistras o de unu sceti (cumposizioni collegiali o monocràtica): cunforma a is arrègulas su tribunali giùigat sèmpiri comentu òrganu monocràticu, francu po ipòtesis previdias de s’art. 50 bis de su c.p.c.. A capu de dònna tribunali ddoi at unu presidenti e, in is tribunali partzius in prus setzionis, si previdint presidentis de setzioni singulus. Su presidenti tenit funtzionis de coordinamentu e de organizatzioni de totu s’ufitziu giuditzàriu.</p>
<b>udienza preliminare</b>	<p><b>udièntzia preliminarì</b> Est un’udièntzia chi si fait in càmera de consillu cun sa presèntzia de su giugi po is indàginis preliminaris chi ndi pigat sa funtzioni de giugi de s’udièntzia preliminarì. Est un’udièntzia “filtru” ca si fait apustis de rechesta de reuiu a giuditziu esertzitada de su pùblicu ministeru e bolit averigui chi s’acusa est sena fundamentu, est a nai chi su pùblicu ministeru at esertzitu s’atzioni penali a manera curreta. Po sa difensa est, duncas, una garantzia a livellu protzessuali ca po sa primu borta su giugi, cun totu chi no tengat sa funtzioni de cumpriri un’istrutzioni formali, tenit sa cognizioni de su protzessu intreu e no de un’atu singulu comentu intamis si fait in sa fasi de is indàginis preliminaris. A custu istitutu dd’ant mudau cun l. 16 de su mesi de idas 1999, n. 479.</p>
<b>uffici pubblici</b>	<p><b>ufitzius pùblicus</b> Rapresentant, paris cun is personis fisicas chi ddus cumponint, s’aparau burocràticu-aministrativu de is Entis, e funt finalizaus a satisfai s’interessu pùblicu, arrespetendi is printzìpius cunforma a sa Lei 241/1990.</p>
<b>ufficiale dello stato civile</b>	<p><b>ufitziali de su stadu tzivili</b> Su stadu tzivili est totu s’organizatzioni pùblica chi cumprit su servìtziu de registrai e tzertificai is calidadis de fundamentu de cada personi (nàscida, tzitadinàntzia, stadu de famillia, morti). S’ufitziali de stadu tzivili est duncas s’òrganu chi esèrtzitat custu servìtziu, chi s’agatat in dònna Comunu italianu. Po su prus arricit is atus, allogat is cinu registrus de tzitadinàntzia, de nàscida, de coja, de morti e de is publicatzionis de coja; intregat is tzertificaus e is estratus chi si pedint; arregollit decraratzionis determinadas de sa lei (es.: arreconoscimentu de unu fillu naturali). Su sùndigu est su titulari de sa funtzioni de ufitziali de su stadu tzivili, ma de norma dda dèlegat a consilleris comunalis o a su segretàriu comunali. Su cunferimentu de sa dèlega lassat a su Sùndigu sa titularidadi de is funtzionis. Finas àterus sugetus podint esertzitari sa funtzioni de ufitziali de su stadu tzivili, po nai: autoridadis diplomàticas e consolaris italianas a s’èsteru; cumandantis de nais. Is masionis de s’ufitziali de stadu tzivili funt disciplinadas de s’art. 5 de su D.P.R. 396/2000.</p>
<b>ufficiale di polizia giudiziaria</b>	<p><b>ufitziali de polìtzia giuditzària</b> Posizioni sugetiva de chini fait parti de is fortzas de s’òrdini e fait atividadi investigadora po contu de unu magistratu. Si distinghit de s’Agenti de p.g. Segundu is paràmetrus acraus in su còdixi de ritu (art. 571, literas a), b), c)) e</p>

	artìculus chi s'ghint de su c.p.p.). In sa fasi preliminari a sa protzessuali est titulari de podestadi e funtzionis investigativas; est obligau cunforma a sa lei a presentai denùntzia e a fai indàginis. No est parti protzessuali.
<b>ufficiale giudiziario</b>	<b>ufitziali giuditziàriu</b> Est unu de is òrganus ausiliaris de su giugi cun masionis de cullegamentu intra de custus e is partis. Fait atividadis esecutivas de is atus e de is provedimentus giuditziàrius, po su prus est incarrigau de sa notificatzioni de is atus. Is ufitzialis giuditziàrius addetus a is diferentis òrganus giuditziàrius s'agatant in ufitzius ùnicus chi funt costituius me in is sedis cabulogu de distretu o tzircundàriu. Est unu pùblicu ufitziali.
<b>ufficio</b>	<b>ufitziu</b> Aparau organizzadori, cumprensivu de personali, servìtzius e ainas pertocantis, po fai un'atividadi strumentali e ausiliària a sa cumpridura de obietivus istitutzionalis.
<b>ufficio (notificazione)</b>	<b>ufitziu (notificatzioni)</b> Logu innui su destinatàriu de sa notificatzioni fait su traballu cosa sua, a fitianu e no a manera ocasionali.
<b>ufficio centralizzato</b>	<b>ufitziu tzentralizau</b> Dònna òrdini forensi de su cabulogu de su distretu de corti de apellu tenit sa gestioni de un'ufitziu dedicau a is difensoris de ufitziu e a is masionis insoru: es. procurat a s'autoridadì giuditziària su nòmini de s'abogau iscritu in s'elencu.
<b>ufficio del registro</b>	<b>ufitziu de su registru</b> Ufitziu chi traballat a coberai s'imposta de su registru e finas de sa registratzioni e allogu de totu is atus sutapostus a custu tributu. Fait parti de s'aministratzioni finantziària de su Stadu.
<b>ufficio di presidenza (camere)</b>	<b>ufitziu de presidèntzia (càmeras)</b> Est un'òrganu collegiali cun sa funtzioni de condutzioni aministrativa e finantziària de s'Assemblea, e chi in su Senau ddi nant Consillu de presidèntzia. Ndi faint parti su Presidenti de sa Càmera chi ddi pertocat, paris cun is 4 visupresidentis, 3 cuestoris e 8 segretàrius.
<b>ufficio di presidenza (camere)</b>	<b>ufitziu de presidèntzia (consillu regionali)</b> Òrganu cun sa faina de nc'assegurai su funtzionamentu de s'assemblea. Ddi funt atribuidas is funtzionis de autogestioni de s'òrganu consiliari, po mèdiu de s'aprontadura de su progetu de bilàntziu e de su contu consuntivu, aici puru sa gestioni de is fundus assinnaus.
<b>ufficio giudiziario</b>	<b>ufitziu giuditziàriu</b> Est s'ufitziu, paris cun unu giugi, chi fait totu s'atividadi strumentali a cudda de s'autoridadì giuditziària (esempru: sa cantzelleria fait parti de s'ufitziu).
<b>ufficio provinciale del lavoro</b>	<b>ufitziu provintziali de su traballu</b> Òrganu perifèricu de su Ministeru de su traballu, cun sedi in cada cabulogu de provintzia cun masionis chi pertocant su collocamentu de is traballadoris suprìmiu de sa l. 24-12-1993, n. 537. Is masionis funt atribuidas a is Direzionis provintzialis de su traballu ex art. 6, d.m. 7-11-1996, n. 687.
<b>una tantum</b>	<b>una tantum</b> Espressada latina chi bolit nai "una borta sceti".
<b>unilateralità provvedimento amministrativo</b>	<b>(del unilateralidadi (de su provedimentu aministrativu)</b> S'unilateralidadi est su piessinnu de su provedimentu aministrativu chi disponit ca no ddoi at bisòngiu de sa voluntadi de is destinatàrius po existi, comentì me in is acòrdius bilateralis.
<b>università</b>	<b>universidadi</b> Est su tzentru istitutzionali de formatzioni culturali e de circa scientifica,

	autònomu e indipendenti, liberu in s'imparu e in s'organizazioni. Is universidadi tenint personalidadi giuridica, gosant de autonomia didàtica, scientifica e ordinamentali (est a nai organizativa, finanziàriu-contàbili, statutària e arregulamentari) cunforma a sa lei. Cun sa L. 133/2008 is Universidadi pùblicas ddas podint mudai in fundatzionis de diritu privau. Sa L. 240/2010 at riformau s'incuadramentu giuridicu e de is raportus intra de totu is òrganus in generali.
<b>USL</b>	<b>USL</b> Unidadi Sanitària Locali. De su 1995 dd'ant mudada in azienda sanitària locali (ASL).
<b>uso collettivo (di beni pubblici)</b>	<b>impreu/impitu colletivu (de benis pùblicas)</b> Impreu ordinàriu de is benis pùblicas, chi espressat s'idoneidadi de su beni a s'impreu de parti de totus.
<b>uso diretto (di beni pubblici)</b>	<b>impreu/impitu diretu (de benis pùblicas)</b> Impreu de is benis pùblicas riservau a s'enti chi nd'est meri (esempru: stradas e zonas militaris).
<b>uso esclusivo (di beni pubblici)</b>	<b>impreu/impitu esclusivu (de benis pùblicas)</b> Impreu diretu.
<b>usucapione</b>	<b>usucapioni</b> Una de is maneras chi previdit sa lei po si fai meris de unu beni. Acuntessit candu calincunu tenit unu beni po una purrata de tempus stabilida de sa lei (esempru: s'arricit sa proprietadi de unu terrenu po usucapioni apustis de binti annus).
<b>usufrutto</b>	<b>usufrutu</b> Diritu a impreai unu beni de su cali no si tenit sa proprietadi, ca est de un' àtera personi.
<b>utente</b>	<b>impitadori/impreadori</b> Su fueddu genèricu "impitadori" indicat su sugetu chi impreat unu servìtziu determinau.
<b>utilità sociale</b>	<b>utilesa/utilidadi sotziali</b> Espressada impreada de sa Costitutzioni po indicai sa finalidadi chi iant a depi tenni totu is iniziativas econòmicas, est a nai a amellorai sa vida de su nùmeru prus artu de personis.
<b>vacante</b>	<b>buidu, liberu</b> De càrriga o ufìtziu sena titulari, no ocupau, liberu e duncas disponibili po àterus.
<b>valore della produzione</b>	<b>balia, balori, valori de sa produtzioni</b> Espressada chi indicat su datu agregau chi nc'espressat sa produtzioni econòmica de un'impresa, in unu tempus determinau.
<b>valore di emissione</b>	<b>valori de emissioni</b> Est su prètziu pediu a is atzionistas sotzietàrius in su momentu de sa costituzioni de sa sotziedadi o s'in casu de deliberatzioni de s'aumentu de su capitali sotziali.
<b>valore di legge ordinaria</b>	<b>valori de lei ordinària</b> Atus determinaus, diferentis de sa lei ordinària, ndi pigant su pròpiu valori primàriu e su pròpiu regimi (a manera particulari, sa pròpiu forza passiva de resistèntzia a s'abrogatzioni e su fatu de essi sugetus a sa verifica de costituzionalidadi de parti de sa Corti Costituzionali).
<b>valore nominale (azioni)</b>	<b>valori nominali (atzionis)</b> Est sa suma pertocanti s'atzioni, chi permitit de determinai s'entidadi de su

	capitali sotziali.
<b>valore nominale del denaro</b>	<b>valori nominali de su dinai</b> Est su valori numèricu sintzillu sinnau in sa moneta, riferiu a s'unidadadi de mesura monetària comenti s'èuru o su dòllaru. Su còdixi tzivili ndi chistionat, a esempru, candu apostivigat ca su pagamentu de s'obligatzioni pecuniària bolit fatu cun moneta chi tengat valori legali in su Stadu in su tempus de s'adempimentu e po su valori nominali cosa sua (art. 1277 de su c.c.). Cunforma a su valori nominali, su valori reali de su dinai podit essi differenti meda, ca custu currispundit a su poderi de achistu verdaderu.
<b>valori</b>	<b>baloris, valoris</b> Cun su fueddu "valoris" si bolint indicai totu is tìtulus de crèditu, italianus e èsterus, monetas includidas, sèmpiri chi siant cuotaus in bursa o negotzias in su mercau pùblicu. Is valoris mobiliaris funt strumentus finantzàrius de impreu de capitalis.
<b>valori di bollo</b>	<b>valoris de bullu</b> Paperi bullau, francubullu e àterus valoris agualaus de sa lei.
<b>vendita a prova</b>	<b>bèndida a prova</b> Bèndida innui ddoi at sa cundizioni de un'operatzioni chi serbit po averiguai chi esistint is calidadi legalis o cunvenzionalis (stabilidas de is partis) de sa cosa.
<b>vendita a termine di titoli di credito</b>	<b>bèndida a tèrmini de tìtulus de crèditu</b> Est una bèndida chi tenit comenti ogetu cosas genèricas, a manera pretzisa tìtulus de crèditu, innui s'esecutzioni de is prestatzioni de intregu de is tìtulus e pagamentu de su chi ddi currispundit si fait in un'àteru momentu, po chi su bendidori potzat circai de si ddus procurai a prètziu prus bàsciu (guadangendi de sa diferèntzia) e su compradori potzat sperai in s'artziada de su prètziu, po fai cresci s'investimentu cosa sua.
<b>vendita di eredità</b>	<b>bèndida de ereditadi</b> Est una bèndida chi tenit comenti ogetu is benis andaus in sutzessioni e cun òbligis ereditàrius cun piessinnu patrimoniali chi ddis nant ereditadi. Si podit bendi s'ereditadi sceti apustis de sa morti, est a nai apustis de s'apertura de sa sutzessioni cunforma a s'art. 456 de su c.c.. Sa cuntratatzioni chi tenit comenti ogetu un'ereditadi in su benidori iat a essi nulla po mori de violatzioni de su divietu de is patus sutzessòrius (art. 458 de su c.c.). Est cunsiderada una bèndida aleatòria ex art. 1472 de su c.c., duncas su bendidori ndi depit assegurai sceti sa calidadi sua de eredi e no sa copia e su perlongamentu de is diritus ereditàrius.
<b>vertenza</b>	<b>pretu, vertèntzia</b> A ponni in giustitzia; est una cuntierra intra de duas partis, chi pertocat unu beni o una situatzioni (esempru: pretu sindacali, diplomàticu, giuditzjàriu).
<b>vertenziale</b>	<b>de pretu, vertenziali</b> Chi pertocat unu pretu o prus, pruschetotu sindacalis (esempru: is problemas vertenzialis de s'arrennou de su cuntratu de traballu).
<b>VIA - Valutazione di impatto ambientale</b>	<b>VIA - Valutatzioni de efetu ambientali</b> Cun custu protzedimentu s'aministratzioni nc'averiguat chi su fràigu de òperas determinadas no siat dannàrgiu po s'ambienti.
<b>violazione di circolare</b>	<b>violatzioni de tzirculari</b> Ndi bessit a pillu candu no si s'ghit una tzirculari amministrativa sena motivatzioni peruna.
<b>violazione di legge</b>	<b>violatzioni de lei</b> Pecu de legitimidadi de su provedimentu no vàlidu, cunforma a is elementus vinculaus in is atus de s'aministratzioni e chi est constituiu de totu is violatzioni

	de is arrègulas giurìdicas chi disciplinant s'esercìtziu de su poderi amministrativu, chi no ocasionit incumpetèntzia relativa o irregularidadi sintzilla.
<b>violazione di prassi</b>	<b>violazioni de prassi</b> Po calincunu, sinnu de etzessu de poderi, chi in sa pràtica est a si ndi stesiai sena motivatzioni peruna de su cumportamentu chi s'amministratzioni tenit in s'esercìtziu de su poderi o in s'interpretatzioni de is normas.
<b>vision</b>	<b>mirada, obietivu</b> Fueddu tècnicu de su <i>marketing</i> .
<b>visto</b>	<b>aprovu, vistu</b> Firma o timbru asuba de unu documentu chi atestat chi dd'ant lìgiu e aprovau.
<b>vizio (dell'atto amministrativo)</b>	<b>farta, pecu, vitziu (de s'atu amministrativu)</b> Si cunsiderat pecu de s' atu amministrativu sa divergèntzia intra de su casu particulari, postu in aplicu de s'Aministratzioni Pùblica, e su modellu astratu predeterminau in sedi normativa. In su diritu amministrativu su casu particulari in concretu depit essi cunforma a is normas de lei e a is arrègulas de oportunidadi.
<b>voti validamente espressi</b>	<b>votus espressaus a manera v`alida</b> Sa corriedda IV de s'art. 75 de sa Cost. bolit cunfrontau cun sa lei 25 de su mesi de maju 1970, n. 352, " <i>Normas pertocantis is referendum prevìdius de sa Constituzioni e s'iniziativa legislativa de su p`òpulu</i> ", chi in s'art. 36 c. I detèrminat is modalidadis de aplicatzioni de su c. IV indicau: " <i>s'Ufitziu tzentrali po su referendum, de chi nc'arribant is verbalis, protzedit, in adun`antzia pùblica cun s'interventu de su procuradori generali de sa Corti de Cassatzioni, paris cun s'agiudu de espertus desinnaus de su primu presidenti, a s'atziertamentu de sa partecipatzioni a sa votatzioni de sa majoria de is chi tenint diritu, a sa suma de is votus v`alidus a favori e de is votus v`alidus contras a s'abrogatzioni de sa lei, e a sa proclamatzioni de is arresurtaus de su referendum</i> ".
<b>zona (agente)</b>	<b>zona (agenti)</b> `Ambitu geogr`aficu lacanau, innui s'agenti depit cumpriri s'atividadi sua.